

Ebibuuzo N`Okugarukamu Aha Bumanyiso

Jeffersonville, Indiana, USA

Owkakashatu 24, 1963

1 [Ow'eishe-emwe yaagamba omu rundi rurimi. Ondijo w'eishe-emwe yaarushoboorora. Abateeraine bashaba n'eiraka riango -Omur.] Tataitwe ow'omu Iguru, buzima nitusiima ahabw'obwire obu twabaasa omurundi ogundi kukwatanisa omu Kigambo kya Ruhanga, omu Kubaho kwa Ruhanga. Nitusiima munonga Iwe kuba naitwe, akasheeshe aka, kutuhwera n'okutuha omugisha. Nitushaba okusaasirwa kw'ebibi byaitu, ngu etabaaza zaitu zibaase kwijuzibwa Amajuta, zishemeziibwe kandi nizaaka, ngu Obaase kutukozesa hati kuha Eiziina Ryawe erikuru ekitiinisa. Ahakuba twakishaba omu Iziina ry'Ogwo Mwana omukundwa wa Ruhanga, Yesu Kristo. Amiina. Nimubaasa kushutama.

2 Naaba nintaahamu obu naahurira obutumwa obwo nibuheebwa. N'ahabw'ekyo ni . . . N'amazima ngu nitwetenga kuguma twijwize etabaaza zaitu, kuguma ezai . . . Niumanya, ku e . . . Mwaba nimwaka, timurikubaasa kugumizamu eki mubaire mwakozire, hati. Mwareeba? Ahabw'okuba, omuriro, ogurikwakisibwa amajuta, nigukora enziro. N'ahabw'ekyo niyo nshonga okushememeza kw'e . . . etabaaza zaanyu muzishemeze, ahabw'okuba enziro ziri ahaiguru y'o-y'orutambi.#

Abantu baingi omuriimwe ab'emyaka nk'eyangye, obu twabaire tukozesa e-etabaaza z'amujuta g'amakara agarikutimbwa omu itaka, mwareeba, zi . . . Eka-eka-ekaba egira enziro ahaiguru, ahi zaabaire zaaka, kandi n'ahabw'ekyo zikaba ziteganisa kwaka. N'ahabw'ekyo mushemereire kwihamo enziro zoono, reeru ngu tubaase "kwezirika kuhika aharikuhananira omuri Kristo."

3 Hati, ni-ni karungi munonga, akasheeshe karungi, aheeru hamwe n'omunda, obwo obunaku bw'Amazooka nibwirira haihi hati. Kandi-kandi hati nitwiriirira Akamanyiso k'aha muheru, omwabazyo ogu, Mukama yaakunda. Kandi n'Akamanyiso k'enaama munonga, munonga, munonga, ahabw'okuba nangwa Tika-nangwa Tikagambirweho ahantu hoona omu Byahandiikirwe, tihariho kabonero, ekintu kyona ky'okw'egamiraho. Kashemereire kwizira kimwe butsimba kuruga omu Iguru.

Kandi ni-ni-n'obwire buri nk'obungumiire. Nikwo bubaire, esaabiiti yoona. Hati eki ne . . . kyaba ekiro kyangye kya munaana omu kishengye. Kandi nkyetegyereize hanu, bingi, omu by'okushaba ebi, nshushire nk'owaatooranamu. Habaire hariho baingi omuribo abarikwenda kuhaburwa. Kandi ni-ninkikunda. Nkaayenzire ku-kukora ekyo hati, mwareeba, kwonka ti-tindikubaasa hati hati. Habw'okuba, nimwetegyereza, ngu kyo-kyona eki turikugyezaho kukora hati n'okusherura okushuuuurirwa kw'okukunda kwa Mukama, nimureeba. Reero tutungye okuhaburwa, bwanyima kikwiheho, kikute aha rubaju rw'ekintu ekindi, mwareeba.

Kandi, reero, kandi nk'omukushabira abarwaire, ekyo kiniire kimwe omutaano. No . . . N'okworekwa n'ebindi; nooshoma okuhindukireho, kandi no-nooshukwaho okuhindukireho. Ni nk'oku Baiburi yaagambire aho eti, "O-omuti ogubyairwe aha rubaju rw'e-rw'emigye y'amaizi." "Emigyea y'amaizi," mwareeba, amaizi gamwe, kwonka hariho aharikushohoza harikwija oku, oku kandi n'oku. Ni kirugiirira aharikushohoza. Ni Omwoyo omwe.

4 Paulo, Abakorinso y'Okubanza 12, akakora ekintu nikyo kimwe, akakigambaho ati, "Hariho ebiconco by'emiringo mingi kwonka Omwoyo n'omwe." N'ahabw'ekyo, nimureeba, waaba nookora, nka, n'ekintu kimwe, bwanyima okahindurwa kwija kunu aha kintu eki ekindi hanu. Niumanya eki ndikumanyisa. Mu-mushome nimushuuma orunyiriri orwo, nooshanga abantu . . . Kandi hati emitima yaabo eyeteekateekire eti, "Obumanyiso obu niki?" Okutaho omutima kwabo, "Niki?" Buri kiro, naija aha, hariho nk'okweraarikirira, okuhitsya obu ndikugamba aha kintu ekindi; nk'okugira ngu nde-ndeeteho obucureera, nimureeba, kandi, bwanyima, okuhitsya obu Omwoyo Orirkwera arikubambuura ako Kamanyiso. Kandi obwo-obwo nintekwa, buri kiro nka batyo. Kandi ku turikuhindura ekyo kuza omu kutambirwa nari ekintu nanka, mwareeba, no . . . Abantu nibaba beeteekateekyeire ekintu kimwe. Haihi torikubaasa na kakye kukihindura kugarukayo omuri kiriya, ahonaaho.

5 Kandi-reero, nabwo, ndikumanya ngu rwagati yaanyu ebintu nibibaho, mwareeba, ngu ni-ninfa . . . Nnimanya. Nimanya timurikukireeba, mwareeba. Nimpamya ngu timurikukireeba, mwareeba. Kandi nimugira muti, "Ow'eishe-emwe Branham, ekyo n'ekintu kigumire iwe kugamba." Nimanya ngu nikwo kiri. Kwonka, mureeba, reka ngambe eki hati. Ningira ngu ezi n'entambi z'amaraka zaitu eza saaviisi hamwe n'ebindi. Kwonka reka nkigambe, mwareeba. Ngu timuriku . . . Timurikukyetyegyereza, mwareeba, kandi timushemereire kukyetyegyereza. N'ahabw'ekyo mutagyezaho kushoboora ekintu kyona, mwareeba. Mutagyezaho kukitaho okushoboora kwanyu; kureka nimu-kureka nimuza hare munonga.

Mutware okuhabura kwangye kwonka, mwaba nimuunyikiriza hati, Ruhanga ku araabe-araabe ampaire obuganzi omu maisho gaanyu. Kandi nimumanya, ngu, okushuuuurirwa okwo n'ebindi. Ntwi-ntwire hanu naimwe obwire burasingwa, mwareeba, kandi kituura kihikire. Kandi kukihamya kabiri, kihikire, nikishorongwa gye n'Ekgambo. Mwareeba? N'ahabw'ekyo, nimumanya ku Kiri OKU NIKWO MUKAMA ARIKUGIRA. Ekyo nikwo kiri. Mwareeba, Kihamiiwe ahariimwe.

6 Hati mutware okuhabura kwangye, nk'ow'eishe-emwe mugyenzi waanyu. Mutataho okushoboora kwanyu aha kintu kyona. Mugumizemu kandi mutuure amagara marungi agashemereire Omukristaayo. Ahabw'okuba, nimwija kwekoma murugye aha kintu ekirikyo ku muraakore ekyo. Mwareeba? Ni, nimwija kuza hare omu muhanda gwanyu omurundi ogundi murugye aha kirikyo. Kandi mwena nimwetegyereza kandi nimumanya ngu

hariho ekintu ky'enaama ekirikubaho. Kandi kirikubaho. Kandi nimmanya eki kiri.

Hati, tindikufa kukigamba; n'embabazi za Ruhanga ezirikutuma naamanya eki kiri. N'ekintu ekirikutangaaza. Kyaheza kugyenda hati hati, kandi tihariho omuringo gwona omu nsi ogu mwakubaasa kukireeba. Kandi ni . . . Ni . . . Kwonka, n'ahabw'ekyo mpwera, na Baiburi egi eri omu ngaro zangye, nimmanya eki kiri.

7 Mukigambiirwe, enyimaho. N'ahabw'ekyo mu-mutagyezaho kutaho okushoboorora kwona, kureka mufe okuunyikiriza nk'ow'eishe-emwe mugyenzi waanyu. Mwareeba? Tutwire omu bwire bukuru.

Tutwire omu bunaku obu e . . . Mbwenu, nitu . . . Hati, mwecureereze kimwe, ba Omukristaayo, kandi otwaremu Ruhanga nka kikuru. Kandi otuure n'obwesigwa na mugyenzi waawe, kandi okunde abo abatarikukukunda. Otagyezaho kukora kyona . . . Nimureeba, nookora, nookihinduramu ekintu ky'enaama, kandi oshiishe puroguraamu ya Ruhanga. Mwareeba?

Nyomwebazyo omu ihangwe, haine ekibaireho omu kishengye kyangye, ekitari-ekitaribaasa ku-kundugaho, nimureeba. N'ahabw'ekyo nimu . . . Kandi nk'esaabiiti ibiri ezhingwire, haine ekyabaireho, tikiribaasa. . . Obwire bwona obu ndimara omu nsi egi, ti-tikiribaasa kundugaho, mwareeba.

8 Kandi, n'ahabw'ekyo, kwonka . . .

Kandi e-ekanisa, timushemereire kumanya ebantu ebi, n'ahabw'ekyo mutataho okushoboorora aha kintu kyona. Mwareeba? Mugumizemu kusha kandi mwijukye ebi mugambiirwe. Mutuure amagara g'Obukristaayo. Muze omu makanisa gaanyu. Mube omushana gw'amazima ahu muri hoona, kandi mwakye ahabwa Kristo, kandi mugambire abantu oku Murikumukunda. Kandi obujurizi bwanyu bube na rukundo, obwire bwona, hamwe n'abantu. Mwareeba? Ahabw'okuba, mwaba mutakikozire, nimwezingirira omu kintu aho, kandi obwo nimuba-nimuba muri hare n'ekirikyo.

Mwareeba, buri bwire obu mugyerizeho kukikora, mukozire ekyo. Mwareeba? N'ahabw'ekyo mutagyezaho, mutagyezaho, mutagyezaho kutaho okushoboorora kwona. Kandi na munonga, omwabazyo gw'eriirooba, obu ako Kamanyiso karaayorekwe omumaisho gaanyu, mwareeba, mutagyezaho Kukashoboorora. Mugumizemu n'obucureezi, kandi mugumizemu n'Obutumwa bumwe obwo obwanguhi. Hati noogira oti, "Ow'eishe-emwe Branham, ekyo ni . . . Itwe, ahabw'okuba turi Ekanisa ya Ruhanga ohuriire, titushemereire . . ."

Mbwenu, nk'oku mbaire ningyezaho . . . Reeba hanu, niinyenda kugamba . . . Oti, "Mbwenu, ahabw'enki ntarikubaasa? Nshemereire kugira . . ."

Ngaaha. Hati, otagyezaho. Mwijukye, ningamba eki ahabw'oburungi bwanyu. Mwareeba, ningamba eki kugira ngu mwetegyereze. Ku muraabe nimuunyikiriza, hati, muhurikize eki ndikubagambira. Mwareeba? Mwareeba?

9 Hati, hanu, hati hanu hariho ekikondo, kandi, ekyo ni, nituza kukyeta ekikondo ky'okuhurikiza, mwareeba. Kandi omurikyo, harimu rediyo, mwareeba, kandi harimu okurabura kandi n'ebantu ebirikubaasa kukorwa. Nka rurara eri omu ngaro zaawe, mwareeba, nikibaasa kutunga kuruga aha mubi nari kutunga kuruga nk'ahaakyo honka . . . kitunga obutumwa bwakyo, mwareeba.

Hati, kwonka hati, eky'okureeberaho, aha muntu wa burijjo, habaireho amadiini maingi g'ebikwangara kandi n'enganda ziimukaho, kuruga omu kushukwaho kukye kw'Omwoyo, okuhitsya obu abantu bakyamukirira omu bintu, bakagyenda kandi bakatandikaho enkora nkye, kandi, nimumanya, n'ebindi. Mwareeba? Timurikwenda kukora ekyo hati. Mwareeba?

Hati, mwijukye, mugume nk'oku muri. Kandi nimugira muti, "Mbwenu, Mukama ayorekye . . ." Ngaaha. Hati mwetegyendesereze, mwareeba.

10 Mureebe hanu. Reka ngire eki naabooreka, mwareeba. Murakimanyire ku hariho emitwaro y'amaraka omu kishengye eki hati? [Abateeraine baagira bat, "Amiina." -Omur.] Buzima, amaraka g'abantu agarikurabira omu rediyo ahabw'amaani g'amashanyarazi! Ahabw'enki mutarikugahurira? N'amaraka. Ekyo kihikire? ["Amiina."] Nigarabamu hanu hati. Hariho enshusha z'abantu n'emibir ebirikuraba omu kishenge eki hati. Ekyo kihikire? ["Amiina."] Mbwenu, ahabw'enki mutarikubireeba? Mwareeba? Biri aha, amaraka gonyini nk'eryangye. Mbwenu, ahabw'enki mutarikugahurira? Mwareeba? Rishemereire kubanza ryagira eki ryahikiraho, kikarishuuruura. Mwareeba?

Hati mwayetegyereza? ["Amiina."] Hati mutagira eki mwashoboorora na busha. Ruhanga ku araabe naayenda ngu mugire eki mwamanya, Naija kukibooherereza. Mwareeba? N'ahabw'ekyo mube abantu bazima, bazima abahamire hati. Mukwate muhamye, haine ekibaireho. Kandi hati mube bazima kwonka . . . Nimwetegyereza eki ndikumanyisa, tikwo? [Abateeraine baagira bat, "Amiina"-Omur.] Kandi mube .

11 . . . Mutagyezaho kwehinduramu ab'omutaano, kuba Abakristaayo, ahabw'okuba ni-nimweiha ahari Ruhanga. Kandi nimu-nimu-nimu . . . Ku muraabe nimubaasa kukyetegyereza, oku ni Okukurura kwa Kashatu. Mwareeba? Mu-mushemereire ekyo kuba mwakikwatsire, ekiro kiri. Mwareeba? Mbwenu n'ahabw'ekyo,

mwijukye, tiharikwija kubaho okutooreza nk'okwabaireho ahari kuri kubiri. Mwareeba? N'ahabw'ekyo, ekyo

n'eki mu-mushemereire kumanya kyonka hati. Mwi-mwijukye kusha ngu . . . Nimureeba, hati, hariho ekintu ekirikubaho omu kishengye eki, kandi hanu hariho Ekintu. Hariho-hariho, buzima, omu kishengye eki, Baamaraka, Eiraka rya Ruhanga. Mwareeba? Kwonka nimu . . . Timurikubaasa . . . Ku muraabe mutarikubaasa kuhurira eiraka rya burijjo, hatariho ekirikubaasa kuryohereza, nimuza kuhurira muta Eiraka ry'Omwoyo?

12 Nimubaasa kwekora abarikwikiriza ngu hariho orikweshongoro ekyeshongoro nanka eki. Nibabaasa nangwa n'okuba batariho, mwareeba. Kwonka ryateera ekihwengyere omu rishemereire kuraba, obwo niriba okushoboorora okuhikire, kandi ryoreka, rikihamya ahaw'okworeka ekishushani. Mwareeba eki ndikumanyisa? [Abateeraine bat, "Amiina."-Omur.] Hati, Omwoyo wa Ruhanga, ku Agamba kurabira omu Kigambo ky'amazima, Ayeyoreka We wenka, okwelyoreka ku Niwe wenka, ku Ahikire. Nimwetegyereza hati? [Abateeraine bat, "Amiina."-Omur.] Ni kirungi.

Hati ka tugarukye, tushabe.

13 Tataitwe ow'omu Iguru turi haihi ku- . . . kubiikuura empapura z'Ekitabo eki, kandi nk'ekicweka ekirikureebwa ky'o-ky'okugyezaho kugaruka kuha ebi Waatushuuruuriire omu kyanga ky'Omwoyo. Kandi hati ninshaba, Ruhanga, ngu Noija kumpwera kuha okushoboorora okuhikire aha bibuuzo ebi. Ngu kibaase kugambwa ngu-ngu nibiza . . . Nibiza kuhwera abantu. N'eb'yokubaha okwetegyereza.

Kandi ninshaba ngu Noija kumpa okwetegyereza, kugira ngu mbaase Kubiha abantu Baawe, kugira ngu babaase kutunga okwetegyereza, ngu twena hamwe tubaase kutuura amagara agarikuheereza Ruhanga ekitiinisa n'eifubo, okuraba omu Iziina rya Yesu Kristo. Amiina.

14 Hati, ekyo mbaire niinyenda kukigamba. Kandi nteekateekire ngu ekintu eki hanu nikikoresa entambi z'amaraka ezo, kwonka tikirkuzikoresa, mwareeba. Kandi eki n'e-emeeza y'etaara. Kandi nteekateekire ngu ekirikukoresa entambi z'amaraka kikaba kiba hanu. Kwonka ngambiirwe kumanyisa ab'eishe-emwe abari omu-omu kishengye muriya, ekishengye ekirikukwatirwamu amaraka aha ntambi, kandi bakamanya obwire bw'okwemererezamu entambi z'amaraka, kandi n'obu batashemereire kuzeemereza.

Nimureeba, entambi z'amaraka ziine obuheereza omu nsi hoonahoona, mwareeba, hoonahoona. Niziza omu ndimi ezitari zimwe na zimwe kandi na buri kintu. N'ahaw'ekyo hariho ebintu ebi turikubaasa kugamba hanu, ebi tutarikubaasa kugambira ahantu ahandi, nimureeba, kandi egoyi niyo nshonga erikutuma twazeemereza.

15 Hati, okugarukamu ebibuuzo n'ekintu kigumire. N'ahaw'ekyo, hati ni-ni . . . Omu-omu-omu kugarukamu eki, bingi omuribyo, ebingi omu bibuuzo, aheeru ya . . . Hati, buri kimwe . . . Bimwe omuribyo tibiine kakwate n'Obutumwa, na kakye, kwonka ninza ku . . . nari aha Bumanyiso na kakye, kwonka ninza kugyezaho kubigarukamu. Kandi byampairwe, kandi nk'oku byagambirwe.

Ebirikukira obwingi omuribyo mbigambiirwe. Nari, bingi omuribyo bibaire nibikwata aha byetengo by'okushabirwa, kandi n'abarwaire n'abarikushasha. Kandi-kandi n'ebindi bintu ebitari bimwe nk'ebyo, nibigumizamu, n'ahaw'ekyo kikaba kitaine kakwate aha kintu kyona aha kibuuzo kyona ky'okugarukwamu. Kandi obwo niba . . . Naahairwe bingi ebibaire-ebibaire bikwatsire aha bintu ebitari bimwe, Ebyahandiikirwe n'ebindi; kwonka obundi, twatunga obwire, nitwija kugyezaho kubigarukamu nk'oku turikubaasa.

16 Hati, kandi ku ndaakore enshobe, ahaw'enki, mwijukye, enshobe egoyi teri nshobe egydendereirwe. N'ahaw'ekyo buri muntu naayehurira ari gye? [Abateeraine bat, "Amiina."-Omur.] Amiina. Eki tikwo kiri. . . Gamba aha myanya y'omu Iguru omuri Kristo Yesu, ka n'omwanya ogurikutangaaza, ka n'obwire bw'okutangaaza!

Omu bwona obu mazire aha kituuti omu tabirinaakuru egi, tinkagiraga, tinkagirahoga, omu bwona obw'obuheereza bwangye, obu ndakoreire omu bya Ruhanga kandi n'omu by'omwoyo nk'obwire obu; okukira ekintu kyona eki ndakozire omu bwona obw'obuheereza bwangye, omu ruteerane rwona ahantu hoona, nk'obu. Okukira munonga, kiri aha kutambirwa. Oku n'okushuurura Amazima, ahaw'Omwoyo ogwo omwe, Omwoyo ogwo omwe.

17 Kandi ntwi-ntwire omu kwehereera, okutwarira hamwe, kandi mbaire nindaara omu mwanya nanka, nari kuza eifo kuriira omu mwanya gumwe. Kandi mbaire ndi nyenka, n'ahaw'ekyo buzima bubaire obwire bukuru munonga.

Kandi hati, ahonaaho, yaaba omu kasheeshe, nari omu kasheeshe akaakurataho, ni . . . Obundi ku twakubaasa kuheza omu bwona obw'obuheereza bwangye, obu ndakoreire omu bya Ruhanga kandi n'omu by'omwoyo nk'obwire obu; okukira ekintu kyona eki ndakozire omu bwona obw'obuheereza bwangye, omu ruteerane rwona ahantu hoona, nk'obu. Okukira munonga, kiri aha kutambirwa. Oku n'okushuurura Amazima, ahaw'Omwoyo ogwo omwe, Omwoyo ogwo omwe.

Obwonko bw'omuntu nibubaasa kugumisiriza ebintu ebirikwingana aho. Mwareeba? Kandi waahika ahu orikushutama eshaaha, oshanyarazibwe Okubaho kwa Ruhanga, kandi n'Enyomyo y'Omushana eri omumaisho gaawe, tori-torikubaasa kugumaho omwanya muraingwa gutyo, nimureeba. Omuntu tarikubaasa, tarikubaasa kukigumisiriza. Kandi n'ahaw'ekyo,

18 hati, ebibuuzo ebi buzima ni birungi. Ninsiima, kandi n'obwengye kandi n'ebintu ebi abantu barikukozesa.

Hati, ahabw'eky'okubanza. Kandi niinyija kugyezaho kubigarukamu. Reeru ku ndaabe nta-ntakyetegyereize kurungi, mpaho, obwo nimu-nimunsaasira.

Kandi ku oraabe oine enshoboorora ehindukireho, kandi orikwikiriza ngu ekitekateeko kyawe aharikyo kihikire, mbwenu, ogyende omu maisho. Ekyo tikirkwija kukora kubi, ahabw'okuba tihariho ekirengire ahari kimwe nari bibiri aharibyo ebiine akakwate n'ekintu kyona aha kujunwa. N'eky'oku . . .

Ebibuuzo ebirkukirayo obwingi ni, ebibuuziibwe, aha rubaju oru orundi orw'okub- . . . nari aha Kutwarwa kw'Ekanisa. N'ahabw'ekyo, mwareeba, n'ebibuuzo hanu, ebirkwija kandi nibijja kubaho, okwo omu bicweka ebindi. Habw'okuba, hati turengire obusingye bw'ekanisa, omu kwegyesa kwaitu omu-omu Kitabo. Turengire, okwo omu bwire bw'okwetwa kw'emitwaro ikumi na ina n'enkumi ina.

19 Hati eky'okubanza hanu:

EKIBUUZO; Abaishiki bataano abashugaine ab'obwengye, ab'omuri Matayo 25, na-n'abarikuheereza O-Omugore, nari nibo Mugore? Mwareeba? Abaishiki abashugaine ab'obwengye aba ku baraabe bari abarikuheereza Omugore, Omugore arahi?

Mwareeba, hati, omu kwetegyereza kwangye okurukirayo, abaishiki aba bataano abashugaine . . . Bakaba bari ikumi, nimumanya, abaashohoire, mwareeba. Kandi eki hanu n'ekirkushushanisa kwonka, nari enfumu, mwareeba, ei-ei naaza kubagambira. Mwareeba, bakaba bari ikumi. Hataraho kubangaanisa, bakaba nibakira ahari ikumi. Ogwo n'omubaro ogwatairweho kusha.

Kwonka, kandi, a-abaishiki abashugaine ab'obwengye bakaba baine Amajuta omu tabaaza zaabo. Abataine obwengye bakaba bataine Amajuta omu tabaaza zaabo. "N'ahabw'ekyo abo ikumi abari aho, ab'omuri Matayo, ku . . . Eki nikyo-nikyo kibuuzo ky'omuntu ogwo." Ikumi abo ku baraabe, aho, ekyo kikaba nikimanyisa ngu abo bakaba nibaza kuba a . . . nari bataano aba, nimmanyisa, bakaaba bataano bonka, mwareeba, abantu bataano bonka?"

Ngaaha, tikirkumanyisa ekyo. N'ekirkushushaniriza kusha, ky'abaishiki abashugaine, nimureeba, eky'omwiski oshugaine owaashohoire aine Amajuta omu tabaaza zaabo. Bo n'ekicweka ky'ogwo Mugore. Kandi omu kwetegyereza kwangye . . . Kandi mbwenu nimwetegyereza, hati, ngu bakaba bari abaishiki abashugaine ab'omu kurinda kw'aha muheru.

20 Okuraba omu kurinda, habaireho okurinda kw'emirundi mushanju. Kandi omu kurinda kwa mushanju, eshaaha ya nyekiro omu itumbi, nk'oku turikukihikaho hati, mwareeba. Hati, omu kurinda oku okwa nyekiro omu itumbi, abaishiki aba abashugaine bakaimuka kandi baashemeza etabaaza zaabo, reero baataahamu; obwo omwiski oshugaine ogwejegyeire . . .

"Hati ekicweka eki hanu, bataano aba," ago ku garaabe arigo makuru g'ekibuuzo, ni makuru ki, "bakaba bari bataano bonka?" Kandi twine ebibuuzo bingi munda hanu, ebirkukwata aha-aha nkumi mushanju, n'ebindi nk'ebyo. Hati, ekyo, ekyo kikaba kiri ekirkushushanisa, ekicweka kyabo. Kandi boona abaasisiimukire omu busingye obu obw'aha muheru hanu, okurinda kwa mushanju, ngu . . . "Ku haraabe haabaire hataraho abaasisiimukire omu bwire obwo kureka-kureka bataano, abatwairwe, bakataahamu n'Omugore, n'ebindi nk'ebyo, Kishwera? Hati ku baraabe bo bonka . . ." Ekyo tikirkumanyisa ngu nihaija kubayo bataano bonka. Ahabw'okuba, bagwejegyeire, boona okuraba omu busingye; nk'oku tureebire omu saabiiti egi, mwareeba.

21 Omu biro bya-bya Paulo, maraika w'ekanisa ya Efeso; Paulo, naatandika ekanisa egi, ariwe entumwa yaayo. Mwijuaye, Paulo, naatandika ekanisa omuri Efeso, akaba entumwa ahari egyo kanisa. Kandi Omwoyo, owaabaire ariho omu bwire obwo, akaba ari Omwoyo gw'entare. Kandi entare ni Entare ey'omu ruganda rwa Yuda, niwe Kristo, kandi Kristo ni Ekigambo. Paulo, aine Ekigambo ky'obusingye obwo! Enkumi n'enkumi zikagwejegyera omu busingye obwo. Ekyo kihikire? [Abateeraine baagira bati, "Amiina." -Omur.]

Bwanyima haija obusingye obwakuratsireho, kandi obwire obu ekanisa yaikara okwo omu-omu busingye bw'omwirimma, Omwoyo gw'enimi gukarugayo; okukora, emirimo, n'ekitambo, kandi baahayo amagara gaabo. Enkumi waabazamu enkumi bakagwejegyera, omu kufeera okwikiriza na buri kintu. Bategyereize, mwareeba.

22 Bwanyima, kandi obusingye obwakuratsireho bwaija, obw'aba Luther, obusingye bw'okuhunduuza. Haarugayo ab'obwengye oburukukirayo, omu bwengye bwingi bw'omuntu. Ku muraayetegyereze, omuntu akarugayo nabwo, kandi, ku yaakikozire, akongyeraho okwetegyereza kwe. Ekyo nikyo kyamureeteire kushwerwa orubaju ruriya, mwareeba. Mwareeba? Kuri yaagumire n'obwengye bwa Ruhanga, naahunduuza kandi n'okwihayo . . . Kwonka akakora ki? Bwanyima y'ogwo mushaija owaabaire aine obutumwa, Luther; bwanyima y'okufa kwa Luther, bakagira ekibiina ky'ediini y'aba Luther. Bwanyima y'okufa kwa Wesley, bakagira ekibiina ky'aba Metsodisiti. Mwareeba? Aho, noogumizamu noogyenda otyo. Ni-ni nka . . . Nikikora ekyo.

Hati niinyenda ngu mwe-mwe-mwetegyereze eki, mwareeba. Hati omwe naabaasa kubuuza aha Bapentekoote, obwabaire buri o-obusingye bwa kashatu.

23 Mwareeba, buri busingye bukatunga aha Mwoyo Orikwera. Okwihwaho orurbanja n'omurimo gw'Omwoyo

Orikwera; okwezibwa n'omurimo gw'Omwoyo Orikwera; kwonka okubatizibwa ni Omwoyo Orikwera.

Egyo niyo nshonga eyaayetaagiise Nabi ow'obunabi kwija. Tihariho ntumwa aha busingye obwo, ahawb'okuba Omwoyo Orikwera We wenka akaija omu bwijwire Bwe, bw'okubatiza. Kwonka aha muheru gw'obusingye, nk'oku burijo kiba aha muheru gw'obundi, nitushanga aho, nabwo, entumwa erikutumwa. Kandi n'ebirikubanganisibwaho ebi byona kandi n'ebindi nibiza kuteebwa omu myanya yaabyo batyo, bwanyima Ekanisa Etwarwe.

Kwonka nk'oku baingi barikuta ebintu ebi byona ebitari bimwe ngu, "Eizooba riryahinduka omwrima, okwezi . . ." Ebyo nibabita enyima kunu omu busingye bw'Abakristaayo. Nibaremwa kureeba ebyo bibuuzo bishatu ebyabuuzibwe Mukama waitu okwo, mwareeba, obu Yaabigarukamu.

24 Hati, ekiro ekihweire, ningira ngu tihariho kibuuzo kyona. Tukwatsire buri kimwe ahari ebyo bibuuzo kandi twabita omu Bumanyiso. Kandi Obumanyiso n'Ekitabo kyona hamwe, Kyo kyonka. Ekyo nookiikiriza, dokita? [Ow'eishe-emwe yaagira ati, "Eego." -Omur.]

Mwareeba, ekintu kyona kizingirwe hamwe. Kandi tutwaire eki Yesu yaagambire hanu. Bakabuza ebibuuzo bishatu, mwareeba, "Ebintu ebi biryabaho ryari? Akamanyiso k'Okwija Kwawe karyaba kaahi? Kandi omuheru gw'ensi ni guuha?" Kandi Yaizira kimwe . . . Kandi tubitwaire, buri kimwe, omuri ekyo, kureka kimwe. Ekyo kibaire kiri ki? Akamanyiso ka Mushanju. Ahabw'enki? Mwareeba, tikarikumanywa. Nikyo ekyo.

25 Buri kamwe omuribwo karugireyo gye. Mbugyerageraniise, kurungi munonga, enyima n'omumaisho. Kandi nyowe, ku mpandiikire ekiro kihweire, kandi nkataahamu okwo kandi nkahika . . . Ngarukireyo kureeba omu kihandiiko kyangye ekya ira eki naihire-naihire enyima okwo. Mbwenu, ndeebire ahi naataire kamwe omu mwanya gw'akandi, nka batyo. Mbibuganiise, enyima n'omumaisho. Ekyo nikyo nkozire. Ningira ngu mukitungire. Imwe, nimukitunga? Mwareeba

Nkaba mpandiikire hanu ebi mbaire ninza kuhandiika aha rubaju oru orundi, kandi naakihandiika aha. Naabita-naabita byombi, 9, 11, nari 9,6, nari e . . . nari 6 na 11, kandi-kandi-kandi 9 na 11, ekibaire kitari kwo. Kibaire kiri embari eri, omushororongo ogurikukurataho ahansi yaagwo. Mwareeba? Kandi kibaire kiri ekyo, o- okugarukamu ahagati y'endwara erikurahuka kujanjaara ahonaaho kandi ekaita munonga abantu omu kaanya kakye kandi n'orugamba, nimureeba. Aho niho kibaire kiri.

N'ahabw'ekyo mbaire nshemereirwe munonga! Mbaire ninteera akaari nka e-e . . . Mbaire niinyesiimira okukyamukirira okurikuruga omu kushuururirwa. N'ahabw'ekyo, na-naaguta, ogu hanu. Nshutami aho n'ekaraamu, nari akacumu, kandi naahandiika 11 omu myanya yombi, kandi obwo kyakubaire kitari kityo. Nintekateeka ngu gubaire guri omushororongo gwa 9 omu mwanya gwa 11 ahabw'orubaju ruri.

26 Kwonka hati mureebire nk'oku bishushaniire kimwe buzima? Hati, ekyo mutakyebwa. Nibishushana okushuumira kimwe okuhitsya aha ka Mukaaga, reero biherera aho, mwareeba. Kandi mureebe-mureebe okubambuurwa kw'Obumanyiso; nibuhika omu ka Mukaaga, reero bugarukira aho. "Akaceceko omu Iguru," kusha, nikyo kyonka eki kyagambire, "okumara ekicweka ky'eshaaha."

Hati-hati, omuri ebi, mwareeba. Ni . . . niinyija kugyezaho kurahutsyahoko kandi ngarukyemu ebi. Ahabw'okuba, mwareeba, buri kimwe aharibyo n'eishomo, ry'oburaingwa bw'esaabiiti ina, nimureeba, ahari-ahari buri kimwe, kandi okirugaho oza aha kintu ekindi. Kwonka ti-tindikugyenderera kukora ekyo, ahabw'okuba niinyenda ngu mpikye aha kibuuzo kya buri omwe, nk'oku ndikubaasa.

27 Abaishiki aba abashugaine, mwareeba, bakaba bari abo . . . Ekyo n'ekicweka ky'abo kusha, omu busingye obwo, mwareeba. Buri busingye bwine abaishiki abashugaine. Mwareeba? A-Akamanyiso . . . Maraika aija aha kanisa. "Handiikira maraika w'ekanisa ey'omuri Efeso." Mwareeba? Bwanyima ohikye enyima hanu, reero ahanyima y'okuhandiikira ekanisa ya Efeso, gyeragyeranisa ekyo n'enyima, Akamanyiso kaabambuurwa. Ogwo nigwo muringo ogu turikubureeteramu, okugyezaho kubareetera ekintu kyona, (nimureeba eki ndikumanyisa?), Mukama ku araakunde.

28 Okubanza bakatunga ki? Obusingye bw'ekanisa. Ekyo kihikire? Ekindi ekyakuratsireho, obutumwa aha busingye bw'ekanisa. Buri omwe yaakyetegyereza kurungi hati? Mwareeba? Eky'okubanza, twine obusingye bw'ekanisa, kandi twine ebyafaayo, twashoboorora enkiiko za Niika n'ezaabandiize enkiiko za Niika, na buri kintu eki tubaasize kubona omu byafaayo, kandi twashanga ngu okushoboorora okuhikire okw'Ekigambo kukaba nikwikirizana n'ebafaayo. Kandi n'okukireteera kimwe kuhika omu biro ebi, omuri Laodikea egi. Kandi totorikwetaagisibwa kugira ebyafaayo by'ekyo; eki kiriyo nikikora ebyafaayo hati, mwareeba. Nkikyo aho. Kandi, bwanyima, tworekire ebishemereire kubaho omu busingye obu.

29 Hati nitugaruka n'Obumanyiso, kandi tubambuure Akamanyiso ako. Ruhanga atubambuurire Akamanyiso ako. Ekyo niki? Eky'okubanza, hariho entumwa, obusingye bw'ekanisa; ekirikukurataho n'Obumanyiso Mushanju.

Hati, nitushanga okusiisikara okurikubaho omu busingye bw'ekanisa ya mushanju. Kwonka Akamanyiso ka Mushanju tikarikushuurura ekintu kyona, ekirikuza kukabaho. Mwareeba? Ahabw'okuba, aha muheru gw'obw'obusingye bw'egyo kanisa nihaza kwija ekiconco kya nabi kushuurura ebintu ebi. Mwareeba?

Nimukyetyegyereza? [Abateeraine baagira bati, "Amiina." -Omur.] Ni kirungi.

30 Hati mwetegyereze oku buri kamwe aha Bumanyiso obwo . . . Reeru nyije hanu, kandi ebyo bibuuzo bishatu ebyabuuiziibwe Yesu Kristo, "Niki, ni ryari obu ebi biribeeraho, 'Tihariho ibaare eriritsigara aha rindi'? Ebi nibijja kunagwa ahansi ryari, eiteeraniro eri ry'abanyamadiini g'ensi, kandi ekintu kikombekwa? Mwareeba, birtyabaho ryari?" Antikristo atembire! Mwareeba? Kandi ekyagiire kumubugana niki? Ekigambo, Ekigambo kirikuuhakanisa ekigambo.

31 Bwanyima yaahamira omu by'obutegyeki na buri kintu ekintu, kandi aho haagyenda emirimo y'enimi. Mwareeba? Buzima ekyo nikyo kya kabiri hanu. Kandi Yesu nikwo yaagambire, omuri Matayo 24, mwareeba. Reeru tushuumre okuruga ahari ekyo, kuza aha bwengye bwingi bw'abahunduuzi, Ekihangirwe ky'omuntu kikaza kumubugana. Ekyo nikyo kyabaireho. Reeru tushuumre, ekirikukurataho, aha Kamanyiso ka Kana, obu Antikristo yaaba abeeteereine b'orujwangye, kandi akaba aine Eiziina, "Rufu."

Hati mureebe eki Yesu yaagaambire ati, "Kandi akaba naija kumunaga omu muriro, kandi nangwa aite n'abaana be." Egyo ni rufu, etembire embaraasi. Abo n'Abapurotestante n'Abakatoriki bombi, baine akamanyiso ka rufu ahari buri omwe aharibo. Mwareeba, "Ogwo mukazi n'abaana be nibaija kucwekyerezibwa." N'ahabw'ekyo ku muraabe mwegamiire aha bigombe byanyu by'amadiini, ekirungi murahukye kubirugamu hati juba. Bwanyima kyahika aha Kamanyiso ka Mushanju, Yesu akarekyera aho honyini.

32 Akabambuura Akamanyiso ka Mukaaga, naagira ati, "Okwezi kuryahinduka eshagama, n'omwirima na buri kintu." Ebintu ebi bikaba nibiza kubaho. Twiziire kimwe hanu kandi twabambuura Akamanyiso ka Mukaaga. Ahanyima y'Akamanyiso ka Mukaaga kubambuurwa, reeru yaagarukira kimwe enyima kandi yaayoreka ekintu ekyo.

Nikwo kiri, n'emyanya eshatu etarikushushana omu Byahandiikirwe, ebikwataniise n'okushuururuwa. Mwareeba? Mureebe. Omwanya ogu Yesu yaagambire atyo; omwanya ogu obu Yaabiikuura Ekitabo, kikaba kisherekirwe kuruga aha musingye gw'ensi; reeru okushuururuwa okw'ebiro ebi hanu, nikukiteera kimwe omu mwanya aho, kukomera hamwe byona bishatu. Kandi ishatu n'omujurizi. N'ahabw'ekyo, n'amazima. N'amazima gonyini.

33 Hati, abaishiki abashugaine aba abaizire hanu, nibo abo abagwejegyeire, reeru omubiri gwona gukozirwe ekyo kibiina. Ekyo nikiza kukora . . . mwareeba, kukora o-omwishiki ow'obwengye oshugaine. Kandi abaishiki abashugaine abasHEMA nibo abo abaatandikire enyima okwo obwire nibwo bumwe obu abaishiki abashugaine ab'obwengye baatandikiiremu, antikristo, kandi nibo abarikugyezaho kugura Amajuta.

34 Hati muranzye hanu kandi mureebe nk'oku kihikire, buri hantu ahu orikuza. Ku naakubaasa kwemerera aha haza nkagamba aha bintu ebirikushuururuwa omuri ekyo kishengye, ninkugambira, bikaazengyereza emitwe yaanyu. Kwonka nooza kukikora ota, kandi obwo oine ekintu kyona hanu?

Reeru iwe, omu muringo gumwe nari ogundi, ku orikuruga omu bantu, kitandika kushuurura enaama. Bwanyima oreeba ebintu ebi otarikubaasa kwehangga kugambira abantu, nabo. Habw'okuba, nimureeba, ku kyakubaho, bakaatandikaho enyikiriza nkye.

Reeru ka tureebe eki ekiconco kikye ky'okutamba eki kikozire, oku kibuzaburize ekanisa. Buri muntu akaba aine okukyamukirira, buri muntu akaba aine eki; kandi omunda omu mutima gwangye, (Ruhanga naamanya ngu n'amazima), nkaba nimmanya ngu gakaba gatari amazima, 'habw'okuba nikwo Yangambiire. Mwareeba? Kwonka n'okutooreza kw'ebishuba, okubuza abantu kwonka. Hati, ekyo kihikire.

35 Hati, kwonka, nimureeba, torikubaasa kugamba ebintu ebyo. Ekirikukirayo oburungi n'okukireka.

Kandi nimwijuka Okukurura kwa Kashatu? Akagira ati, "Otagambira omuntu weena." Ekyo nkagira ngu kikaba kiri ki? Ni bangahi abarikwijuka ekyo? Buzima. Mwijukeye, nyemereire okwo, ndikugyezaho kutaatsya aguha omu kaina k'ako kakaito kakye, omu kworekwa okwo? Akagira ati, "Torikubaasa kwegyesa Abapentekoote abeereere ebintu ebirengire eby'obuhangwa."

Nkagira nti, "Oku nikwija kuba Okukurura kwa Kashatu, kandi Tikurimanya, n'ahabw'ekyo mpwera, ahabw'embabazi za Ruhanga." Hati-hati, turi-tushuumiire kimwe twahika omu bwire bw'aha muheru hati. Tikirikwija kutwara obwire burraigwa okuhitsya obu Ekitebe ky'Okusaasira kirikwija kuba Ekitebe ky'Orubanja.

36 Obu murikureeba ebintu ebi nibijja, kandi n'abantu aba nibataahamu, ekirungi okaataahiremu, naiwe, ku oraabe otakataahiremu. Mwareeba?

Hati, "Okuteeranira omu myanya y'omu Iguru," mwareeba, kiine amakuru agarikukira aha kwesiima kusha. "Omuyanya y'omu Iguru," ku muraabe buzima muteeraniire omuri Kristo, n'ekintu ekirikutiinisa. Nyemereire aha rubaju rwa . . . Maraika ogwo wa Mukama, nimuteekateeka ngu mukaaba nimuteera akaari n'okwamuza kwonka. Ekyo, tikyo ekyo. Nikikutiinisa oyenda kufa, haihi. Mwareeba? N'ahabw'ekyo, nimureeba, ha-hariho omutaano omu kwesiima kwonka n'okuzina ahawb'embeera nungi ey'akaanya bwanya, ekyo ni kirungi, reeru kushuumra kuhika omu kintu kyonyini. Mwareeba? Mwareeba?

Aho niho okutiina kuri. N'ekintu ekirikutiinisa. Kutari kugira ngu nootiina ngu obuzire; kwonka buzima omu maisho ga Maraika, kandi n'Omwoyo Orikwera We wenka ayemereire aho.

37 Hati, ogwo naija kuba ekicweka ky'Omugore. Ekyo nikyo kiraaze kukikora, mwareeba, abo boona abagwejegyera. Mbwenu buzima titurikubaasa kureebera kimwe . . .

[Ekyoma ekirikukwata amaraka aha ntambi kyaremwaa. Haabaho omwanya ogutakwatsirweho bigambo aha rutambi rw'amaraka -Omur.] . . . tushaba hati ngu Nooza kutambira abantu aba, okurabira omu bitambaara ebi, ebi twataho engaro. Omu Iziina rya Yesu. Amiina. Hati, kyaba gye hati? [Ab'eishe-emwe baagira batii, "Amiina." -Omur.] Mwebare. Hariho oine eki yaaribataho? [Ow'eishe-emwe yaagira ati, "Haine ebyoma bingi ebirikukwata amaraka aha runyiriri ruriya."] Ebyoma bingi ebirikukwata amaraka nibikitaho amaani maingi garengaine. Mwareeba? Ni kirungi, bihinganise kwonka. Kwata orutambi orurikukwata amaraka rwonka reero ohinganise n'orutambi orurikukwata amaraka, kandi orwihe ahari orwo. Hati, mwetegyereze hati ekibuuozo ekyakurataho.

38 EKIBUUZO; Ababuurizi b'engiri bashemereire kugumizamu n'okubuurira kw'aheeru?

"Omoo obwire obu," hatariho kubangaanisa, eki barikumanyisa. Buzima, omu muringo gwona. Mutahindura ekintu. Yesu ku araabe naija omu kasheeshe, buurira eriizooba orikushusha oti nikija kubaho emyaka ikumi okuruga eriizooba, kwonka otuure orikushusha oti nikiza kubaho omu shaaha egi.

Muta-mutaza omubirikubanganisibwaho hati. Ekyo nikyo eki ndikugyezaho kubeehanangirizaho, mwareeba. Mutaba abatari ab'obutoosha, abatari ba burijio. Mutahindura ekintu kyona. Kwonka ku muraabe nimukora ekigwire nari nimukora ekibi, mwearukyemu, mwareeba, mugarukye ahari Ruhanga. Mugumizemu na saaviisi zaanyu z'okubuurira kw'aheeru nk'oku burijio mwabaire mukora.

39 Ku oraabe nooyombeka enju, gyombekye. Yesu yajja nyekyakare, mushangwe muri abeesigwa aha murimo. Ku muraabe nimwombeka ekanisa, mugumizemu, mugyombekye. Haakiri nte esente zangye omu kintu nk'ekyo munonga, okukira kunshangwa nziine omu nshaho yangye. Mwareeba? N'ahabw'ekyo mugumizemu kwonka-kwonka, mugumizemu nk'oku muri.

Buri muntu naayetegyereza hati? [Abateeraine baagira batii, "Amiina." -Omur.] Mugumurizemu kimwe, kandi mugumirizemu kimwe nk'oku muri. Hati, mute-muteemerera. Mutakora ekintu kyona . . . Mugumurizemu kimwe nk'oku muri. Mugumizemu nimuheereza Mukama.

Hati, eky'okureeberaho, ku waakubaire-ku waakubaire nookorera omuntu, kandi okamanya ngu hariyo edakiika ikumi na itaano kuruga aha murimo. "Mbwenu," noobaasa kugira oti, "uh, edakiika ikumi na itaano ezindi zonka, n'ahabw'ekyo obwo ka ngyende kuriya nshutame." Okaasharwaho esente aha mushaara gwawe nk'ekibonerezo ahabw'ezo dakiika ikumi na itaano.

Ku oraabe noobyara engano; byara engano zaawe. Noiha ebitakuri; gumizamu, obikuure. Ogambe oti, "Mbwenu, tihariho n'omwe orikwija kubirya"? Ekyo tikirikureetaho omutaano. Bikuure, n'obu kiraabe. Mwareeba? Yee. Iwe gumizamu nk'oku ori.

40 Nkatunga ebaruha kuruga aha muntu omwe ekiro kiri. Omuntu akabagambira, ati, "Mpaho, obwire bwiriire haihi. Tunda ekyo kibanja. Hati torikwija kwetenga eby'okurya by'okukubaisaho, omu kibanja," ati, "habw'okuba Okutegyeka kw'Emyaka Rukumi kwa Kristo oku kuri haihi kutandika, kandi torikwija kukyetenga. N'ahabw'ekyo iwe gyenda omu maisho . . . Kandi obunaku bw'Okubonabona bwaba nibugyenda omu maisho, abaana baawe tibajunirwe, n'ahabw'ekyo obarekye . . . Reka-reka abaana bagire ekyo kibanja, omu barikubaasa kwija eby'okurya, kwonka imwe mwena muguze ebibanja byanyu," kandi-kandi, nari ekintu nk'ekyo. Kandi, oo, bakaba bagiine . . .

Nkagira nti, "Oo, mugyenzi!" Kuri nimmanya ngu Naija nyencakare, haza ndi omuhingi, nkaabyaire ebihingwa byangye eriizooba. Buzima. Ku Araabe yankozire omuhingi, ninza kugumira kimwe aha murimo gwangye. Ekyo kihikire. Ku Araabe yankozire makanika, nti n'oha . . .

41 Omuntu akagamba, ekiro kiri, yaagira ati, "Omuntu akataahamu reero yaagira ati, 'Gamba, ow'eishe-emwe, noomanya ki?' Yaagira ati, 'Ninza kukuha ekiboho ky'ebishumuruzo bya kabiri (kopi). Nguzire emotoka nsya.' Yaagira ati, 'Ninza kukuha ekiboho ky'ebishumuruzo bya kabiri, yaagambira omuriisa we. Ati, 'Ninza kukuha ekiboho ky'ebishumuruzo bya kabiri, 'habw'okuba Okutwarwa nikubaasa kwija, noomanya, kandi,' ati, 'Tindikwija kugyetenga bundi.'" Omuriisa akaba naaza kufeerwa Okutwarwa, nimureeba. Oo! Okwo n'okweteekateeka, tikwo? Ni kirungi. Kwonka okwo-okwo nikwo kiri,

mwareeba, titushemereire kuba tutyo na kakye. Tushemereire kuba aba-abatebeekaine omu bwonko, Abakristaayo abahamire, mwareeba, ngu ntairwe hanu okukorera kimwe okuhitsya aha dakiika ey'aha muheru. Nyine omurimo gw'okukora, kandi niinyija kushangwa ndi omwesigwa aha bujunaanizibwa. Ku Araije omu kasheeshe aka, niinyenda ngu mbe nyemereire aha kituuti aha honyini.

42 Noogira oti, "Ow'eishe-emwe Branham, ku Yaakwija omu kasheeshe aka, t'oshemereire kuba ori aheeru okwo?"

Ngaaha, sebo! Obu n'obujunaanizibwa bwangye. Niinyija kuba nyemereire aha honyini, nimbuurira, ku Araije, ndikugamba ebintu ebi bimwe ebi ndikugamba. Bwanyima, ku Araije, niinyija kushohora aheeru ngyende Nawe, mwareeba.

Ku ndaabe nintabira ebitakuri, niinyija kuba nintabira, munonga nk'oku ndikubaasa. Ku Araije, niinyija kunaga ahansi efuka reero ngyende. Nimwijuka omu mwaka gwa jubili? Ku baabaire baba nibahinga-nibahingisa efuka, bakaba bagumizamu nibahinga. Bakaba bamanya ngu obundi omwaka gwa jubili n'edakiika ikumi ezirikweyongyeraho, kandi n'enzamba neija kugamba aha mwaka gwa jubili. Bakaba bagumizamu nibayoora ebinyaatsi by'ente, eki baabaire baba nibakora kyona. Kwonka enzamba ku yaabaire egamba, obwo banaga ekiyoozo ky'ebinyaatsi by'ente, reero bagyenda. Mwareeba, nikyo ekkyo, gumizamu nooyoora ebinyaatsi by'ente kuhitsya obu enzamba eraagambe.

43 EKIBUUZO; Ni kirungi. [Orwari rwahurirwa kuruga aha kintu ekiri haihi -Omur.] Ekibuuzo, "Kurugiirira aha kubambuurwa . . ." Ekyo kya . . . Haine ekintu ekyabaho? Huh? Kya-kyareetaho orwari ahaiguru aha. Ekibuuzo: Kurugiirira aha kubambuurwa kw'Akamanyiso ka Kataano-ka Kataano, Musa na Eliya bashemereire-bashemereire kufa. Kandi shi Enoka we?

Tindikumanya. Mwareeba? Ni-ni . . . Ku ndaabe ntarikumanya, ninza kubagambira ngu tindikumanya. Mwareeba? Ti-tindi-tindikumanya byona eby'okugarukamu, bantu 'mwe. Ti-tindikumanya. Kandi ku ndaabe ntarikumanya, ninza kubagambira ku ntarikumanya. Ku ndaabe nimmanya . . . Tindikuza kubagambira okuhitsya obu ndaamanye, mwareeba. Kwonka ti-tindikumanya. Ntuura niinyebuuza ahari ekkyo, nyowe nyenka.

44 Enoka akaba ari aho . . . nindeeba Musa naija, kandi na Eliya naagaruka, kandi baitwa, mwareeba, kwonka hati Enoka akatwarwa obwire butakahikire. Kaingi nteekateekire, kandi naayebuuza, nyowe nyenka nti, "Mbwenu, niki, kandi shi ekkyo?" Kwonka, kandi, hanu hariho okuhuumuriza kumwe kwonka oku ndikubaasa kugamba, nikwo oku.

Hati yetegyereze, Musa akaheereza Ruhanga emyaka makumi ana yonka. Mwareeba? Akaba ari a-akaba aine emyaka kikumi na makumi abiri. Kwonka emyaka makumi abiri . . . Emyaka makumi ana ey'okubanza, nimmanyisa, akaba naatunga obwegyese bwe. Ekyo kihikire? Emyaka makumi ana eya kabiri, Ruhanga akaba naabumwihamu. Kandi emyaka makumi ana eya kashatu, yaaheereza Ruhanga. Mwareeba? Ni kirungi. Kwonka Enoka akagyendera omumaisho ga Ruhanga emyaka magana ataano, kandi akaba ari ohikiriire. "Mwareeba? Mwareeba? N'ahabw'ekkyo, Musa naagaruka kuhereeza omurundi ogundi; we na Eliya.

Hati, ekkyo, tindikugira ngu ekkyo kihikire, mwareeba. Ekyo ninkibaha ngu mukiteekateekyeho, mwareeba. Kwonka kugira ngu ni kicweka ki, tindikumanya. Buzima tindikubaasa kubagambira ekya-ekyabaireho okwo, nari eki Ruhanga arikora.

45 EKIBUUZO; Ni ei-eiziina ki erya . . . eririba aha bantu b'omu kitabo ky'Okushuuruurwa 3:12?

Ti-tindikumanya. Yee. Akagira ati, "Ndyamuhandiikaho eiziina risya." Ti-ti-tindikumanya eki ekkyo kiri, mwareeba. Obundi riryamanywa twahikayo, kwonka ti-tindikumanya eki riri hati, mwareeba. Mwareeba, ekkyo Naaza kukikora. Mwareeba? Akabaha eiziina risya eri-eri baabaire nibamanya, bo bonka. Mwareeba?

46 EKIBUUZO; Hati, Ow'eishe-emwe Branham, hariho Ekyahandiikirwe kyona ekirikwikiriza kushwera nari kushwerwa ahanyima y'okushenda nari okushendwa? Eki ni kikuru munonga.

Nikigira kiti, "Ni kikuru." Mbwenu, egoy niyo nshonga . . . Kibaire kitaine kakwate n'eki. Nk'oku ndikubaasa kureeba, ow'eishe-emwe mugyenzi wangye, nari ow'eishe-emwekazi, ou yaakuba ari weena, tikiriho, kureka mugyenzi waawe yaafa. Ahabw'okuba, Baiburi ekagira ngu, "Nitugyemwa kuguma nabo obwire bwona baaba bakiri abahuriire." Mwareeba?

N'ahabw'ekkyo, oku-okubaho "Ekyahandiikirwe kyona?" Ekyo nikyo ekibuuziibwe hanu ngu, "Hariho Ekyahandiikirwe kyona?" Mwareeba? "Hariho Ekyahandiikirwe kyona?" Tihaine eki ndikubaasa kubona, mwareeba, tihaine eki ndikubaasa kubona. Habw'okuba, Paulo akagira ngu aba-abashweraine, "omwe ku araafe, obwo nibakomoororwa okushwera nari okushwera ou barikwenda weena omuri Mukama." Kwonka okuhitsya obwo, kureka, reeba, iwe oikiriza ngu, "Rufa niyo eritutaanuura." Nikyo ekkyo. Ekyo okakirahirira, nooreeba. N'ahabw'ekkyo, tindikuteekateeka ngu kiriho. Hati, ku kiraabe kiriho . . . Ku oraabe oine eki waaboine, kandi kihikire, ahabw'enki, ni-ni kirungi. Kwonka nkaanye, nyowe-tindikubona na kimwe.

47 "Kwonka amajuta na viinyo otabishiisha" nikimanyisa ki, omu kitabo ky'Okushuuruurwa 6:6?

Ni Omwoyo Orikwera. Mwareeba? Ekyo tukirabiremu. Obundi omuntu nanka, noomanya, akataahamu akyerereirwe kakyeoho kuhurira Obutumwa, niba . . . mbwenu, ahabw'entambi z'amaraka ziriya, nimureeba. "Amajuta na viinyo otabishiisha." Amajuta na viinyo nibimanyisa ki? Amajuta, nk'oku tugareebire omu kirikushushanisa, nigamanyisa Omwoyo Orikwera. Mwareeba?

Viinyo ni . . . kandi amajuta, bikwataine hamwe, omuri Baiburi, omu kuramya. Mwareeba? Kandi viinyo, nk'oku tukigambire, aho niho nyihire ekiteekateeko ekkyo, "Okukyamukirira." Viinyo ekyamura. Kandi viinyo,

omu bu-buhangwa bwayo bw'obutoosha, kuruga omu kukyamukirira, ni okushuuuurirwa.

48 Hati muteeekateekye. N'enki ekikyamusya Ekanisa? Okushuuuurirwa. Mwareeba? N'ahabw'ekyo, viinyo, viinyo y'omutahe, ekaabaire . . . Hati mureebe. Amajuta na viinyo bikaba bigyenda hamwe, omu kutamba ebitambo; bigyenda hamwe, omu-omu kuramya kw'ekanisa. Hati mwetegyereze, okuteerana hamwe, bikwataine hamwe.

Ku muraabe mwine ekitabo ekirikworeka okukuratana kw'ebigambo omu Byahandiikirwe omuri Baiburi, muranzeyo hazza mureebe okukuratana kuraingwa ahu viinyo n'amajuta birikukoresibwa hamwe omu kuramya. Ku muraabe mwine e-ekya Cruden, ahabw'enki, nikikigambaho.

Hati mwetegyereze ahari eki. Kwonka hati, nimureeba, amajuta burijo ni Omwoyo Orikwera. Ekyo nitukishanga omu kitabo kya Ezekieli. Kandi nitukishanga omu Ndagaano eya Ira. Nitukishanga okuraba omu Ndagaano Ensyo yoona. Ahabw'enki tusiiga abarwaire amajuta? Tusiiga abarwaire amajuta ahabw'okuba nigashushanisa okushukwaho kw'Omwoyo Orikwera aharibo. Mwareeba? Nabwo, abaishiki abashugaine ab'obwengye bakaba baine Amajuta; abatari b'obwengye bakaba bataine Majuta, Omwoyo, mwareeba. Hati, ago nigo Majuta.

49 Reeru viinyo, ni-ni . . . Amajuta ku garaabe nigajwekyera, nigajwekyera Ruhanga. Ruhanga n'Omwoyo. Mwareeba? Ruhanga Ni Ekigambo. "Omu kutandika hakaba hariho Kigambo; Kigambo akaba ari na Ruhanga. Kigambo yaaba omuntu, kandi ogwo akaba ari Ruhanga." Hati, mbwenu, Ekigambo hati ku kiraabe omu . . . kishutami hanu omu nshusha ya burijo hati, viinyo neeshusha, nk'amaizi, ngu, nari okushuuuurirwa okurikushuuura egoo nshoboorora y'Ekigambo, ekirikukyamusya omwikiriza, nimureeba.

Mugyenzi, nibafa kugamba bat, "Tinkakireebahoga! Mugyenzi! Ekitinisa!" Ekyo niki? Mwareeba, okukyamukirira, mwareeba, kw'okushuuuurirwa. Ekyo nkaba ntarikukimanya okuhitsya ekiro kiri, nshutami aho, naanye. Mwareeba? Hati, ekyo ni, "Amajuta na viinyo ni . . ." Ekyo kyaba kiri, "Oreebe ngu tiwaashiisha." Ogwo akaba ari otembire embaraasi erikwiragura. Kandi obwo bukaba buri omu bwire bw'obusingye bw'omwrima, obusingye bwa kashatu bw'e-bw'ekanisa. Mwetegyereze. Kandi, omwo, "Hariho makye munonga Gaago agatsigaire, makye munonga, kwonka Otagashiisha." Kandi niinyikiriza ku muraayetegyereze ekyo, A-Akamanyiso ka Kashatu, aha rutambi rw'amaraka, nimwija . . . okaakishangayo, ahu tukishobooroire omu bwijwire, nari omu bwijwire, nimmanyisa.

50 EKIBUUZO; Ow'eishe-emwe Branham, Ekitabo ky'Amagara ky'Omwna gw'Entaama, kandi n'Ekitabo ky'Amagara, ni Ekitabo kimwe?

Buzima, mwareeba, 'habw'okuba omwo nimwo obucunguzi bwona buhandiikirwe, omu Kitabo eki. Mwareeba? Amaziina gaabo Gakirimu. Noogira oti, "Mbwenu, amaziina gaitu gatairwe omu Kitabo ky'Amagara ky'Omwna gw'Entaama, Ow'eishe-emwe Branham. Ndi-nditairesmu, ekiro kiri." Ngaaha toraritairesmu. Ngaaha, toraritairesmu. Okafa kushanga ririmu Omwo, ekiro kiri, mwareeba, ahabw'okuba amaziina gaabo gakahandiikwa omusingye gw'ensi gutakatairweho. Mwareeba? Ekyo ni, byona n'Ekitabo kimwe, mwareeba.

51 EKIBUUZO; Hati, Ow'eishe-emwe Branham, weeza n'amazima ngu-ngu buri Muyudaaya, owaazairwe okwihirira obu Kristo aija, aryajunwa? Kandi emitwaro ikumi na ina n'enkumi ina ni baahi? Nibo abaamanyirwe ira kuteebwaho akamanyiso k'Omwoyo Orikwera? Kandi eki bashemereire kuhikiiriza niki?

Hariho nk'ebibuuzo bishatu omuri kimwe, aho. Kwonka, hanu, eky'okubanza: Weeza n'a-amazima ngu buri Muyudaaya owaazairwe okwihirira obu Kristo, owaizire omu nsi, aryajunwa?

Ngaaha. Tihariho n'omwe orijunwa, kureka abo abu amaziina gaabo gaatairwe omu Kitabo ky'Amagara ky'Omwna gw'Entaama omusingye gw'ensi gutakatairweho, Omuyudaya nari Omunyamahanga. Mwareeba? Nikyo ekyo kyonka. Ekitabo ekyo kiine egoo naama, kandi Ekitabo ekyo nikigishuuura hati kwonka; ritari iziina rya buri omwe, kureka eki enaama egoo y'Ekitabo ekyo eri, obwo erikweta ago maziina. Aha muheru ekyo mwakyetegyereza hati? Mwareeba?

52 Ekitabo tikirkugira ngu, "Hati, Lee Vayle n'ow'okujunwa omu bwire bw'obusingye bw'ekanisa egi, nari-nari Orman Neville," nari-nari weenaween. Ngaaha, tikirkugira kityo. Nikyoreka enaama egoo kwonka, kishuuuru enaama egoo ei ekintu ekyo kiri. Kwonka itwe, itwe twenka, ahabw'okwikiriza, Nitukiikiriza. Ekyo nikyo naagambire ekiro kiri.

Omuntu omwe akagira ati, "Mbwenu, omuriinye tihariho kyetengo kugyezaho. Ow'eishe-emwe Branham akagira ngu nihaija kujunwa omwe wenka omuri Jeffersonville." Mwareeba? Hati, mwareeba, n'okworeka orufumu. Ekyo-ekyo-ekyo tikyo, ekyo-ekyo tikyo ekyo. Nihabaasa kubaho enkumi ezaajunwa. Tindikumanya. Nyine amatsiko ngu buri omwe omuribo ajunirwe, mwareeba, kwonka tindikumanya. Kwonka hanu hariho omuringo ogu ndikwenda kukiikirizamu, "Niinye omwe ogwo." Naiwe okiikirize otyo ahabwawe. Ku araabe otakozire otyo, obwo hariho ekishobire n'okwikiriza kwawe; tohamize eki orikukora.

53 Noobaasa ota-noobaaba ota kugyenda okahika omumaisho ga rufu, obwo otakahamiize kimwe yaaba ojunirwe nari otajunirwe? Mwareeba? Noobaasa ota kuza ahaifo aha reero okagambira omushaija ekimuga ogu

obyamire hanu, ohumire kandi ozingazingirwe oti, "OKU NIKWO MUKAMA ARIKUGIRA. Yemerera! Yesu Kristo yaakutambirira kimwe"?

Noobaasa ota kwemerera, ogwo mubiri ogukuzire ogurikufuka ogugangaire guri aho, gufiire, kandi gubaire gufiire kumara eshaaha n'eshaaha, kandi gurambiire aho, gurikufuka kandi gugangaire; reero okagira oti, "OKU NIKWO MUKAMA ARIKUGIRA, yemerera aha maguru gaawe"? Ekirungi iwe, oshemereire kumanya eki ori kugambahao. Mwareeba?

Mpaho, oti, "Rufu etwara buri kintu. Byona bihweire." Yee, kwonka Ekigambo kya Ruhanga ku kishuuuurwa, kandi okamanya ngu ni Ruhanga, ekyo kihindura ebintu. Ekyo kihikire.

54 Hati, eego, Abayudaaya aba tibo . . . Abayudaaya boona tibarijunwa. Ngaaha, sebo. Tibarijunwa; kureka abo abu . . .

Yaaba Naagamba aha-aha Muyudaaya ati, "Omuyudaaya," n'eiziina kwonka eryabahairwe bwanyima y'okuruga . . . Niinyikiriza, Nebukadeneeza, okwo, akatandika kubeeta "Abayudaaya," okubanza, ahabw'okuba oruganda rwa Yuda rukatwarwayo. Kandi baaheebwa eiziina ry"Omuyudaaya," hati, ahabw'okuba nibaruga eifo Buyudaaya, mbwenu bakatunga eiziina ry'Omuyudaaya. Kwonka, hati, Israeli eine omutaano. Israeli, n'Omuyudaaya, okutwarira hamwe baine omutaano.

Buri Muyudaaya-buri Muyudaaya ti Omwisraeli, mwareeba. Ngaaha, n'Omuyudaaya kwonka. Kwonka, kandi, Israeli . . . Paulo taragizire ngu Abayudaaya boona baryajunwa. Akagira ati, "Israeli yoona eryajunwa." Ahabw'enki? Israeli n'eiziina, eryo-eryo n'eiziina ry'obucunguzi, kugarukirayo kimwe enyima. Mwareeba? Kandi Israeli yoona eryajunwa, kwonka etari Buyudaaya yoona-ediini y'Ekiyudaaya eryajunwa. Mwareeba?

55 Nk'Abanyamahanga, haryabaho e . . . Hariho enkumi okuteezamu enkumi z'a-z'abantu, eego, buzima zaamirioni, omuri ebi bibiina by'amadiini, kandi nibabyeta "Omukristaayo, ekanisa ya Kristo," kandi n'agandi maziina goona nk'ago. Ekyo tikiine ekintu na kimwe eki kirikumanyisa. Ti . . . Ekyo tikirikumanyisa ngu baryajunwa. Abantu bagira ngu, "Hati, oshemereire kuba memba w'egi nari eriya, ekibiina ky'ediini, ekibiina ky'ediini nanka. Eiziina ryawe ku riraabe ritari omu kitabo kyaitu, obuzire."

Hati, egyo n'ediini y'ekikwangara. Mwareeba? Egyo n'ediini y'ekikwangara. Mwareeba? Hariho omuhanda gumwe gwonka ogu orikubaasa kujunirwamu, kandi, ogwo ni, "Tikirikwegamira okweyendera kw'omuntu, nari obweziriki bwe, ogwo ori . . . N'ahabw'ekyo, n'Okusaasira kwa Ruhanga." Kandi Ruhanga, ahabw'okumanya Kwe ira ebitakabaireho, akashoroora Ekanisa Ye Okumuuhaisa ekitinisa, kandi abo nibo abarikujunwa. Kihikire.

56 Hati, okwikiriza kwave kuhamiire kimwe Aho! Noogira oti, "Mbweni, okwikiriza kwangye kuhamiire Aho." Kandi reeba amagara ag'otwire oku garikushusha. Nooreeba nangwa ku otashemereire n'Okubayo. Okuhama kwave kugwire. Okwine aha musheenyi omu mwanya gw'orukiri. Ebingonzi bikye by'okubanza biryakuteera ahansi. Ahaa.

Reka Ekigambo kishuuuurirwe omu kintu nanka. "Ekanisa yangye ekyo tekyegyesa!" Ekyo nikyorekyeraho ngu okaba otahamiire aha rukiri rwona. Okaba ori aha musheenyi. Ahaa. Ekyo kihikire. N'abw'ekyo, hati nimureeba, mbwenu.

57 Kandi emitwaro ikumi na ina n'enkumi ina, nibo abaamanyirwe ira? Eego, sebo. Egyo ni Israeli, Israeli ey'Omwoyo. Muteekateekye kakyeho, haryabayo zaamirioni zaabo okwo. Tindikumanya ni bangahi abariyo hati; ninteebereza ekibiina kyona, kwonka boona tibarijunwa ngu ahabw'okuba bari omuri Buyudaaya. Mwareeba?

Mwine eki murikumanya kyona aha bariyo oku barikwingana hati? Tindikumanya. Kwonka obundi bari . . . Ahanyima y'okuhiigwa oku okurikukurataho kwatandika kwimuka . . . Nibeeyongyera ahabwa . . .

58 Nimumanya, nyine orutambi rw'amaraka orurikubakwataho, orundikutwara burengyerwa-izooba hati omuri-omuri emwe y'e-y'e-y'ekanisa ya Covenant eri ahari . . . N'eya ira . . . Oo, naayebwa hati. Ekatandikaho e . . . Bagaine eifo kuriya omuri Africa. Dutch Reform. N'ekanisa ya Dutch Reform, Covenant eki eri.

Hati, ku haraabe hariho weena omuriimwe oshutami hanu, ninza kubagambira ahabw'enki. Okihamiire ahari egyo Katekisimu ya Heidelberg eya ira, kandi egyo niyo nshonga buzima erikutuma na hati ori omu . . . na hati omu Dutch Reform. N'ahabw'ekyo, nimubaasa kuginyiriza n'eiziina ry'Ekinamerika. Ekyo-ekyo nikyo kintu ekiri enyima yaakyo, 'habw'okuba nimwegyeseza omuri egyo katekisimu emwe, egyo Heidelberg eya ira. Mubuuze omuriisa waanyu ekyo ku kiraabe kitahikire.

59 Mwareeba? N'ahabw'ekyo, hati, mwetegyereze eki. Emitwaro ikumi na ina n'enkumi ina, nibo abaamanyirwe ira okuteebwaho akamanyiso k'Omwoyo Orikwera? Eego, sebo. Ekyo buzima kihikire. Ni kirungi. Hati ku haraabe hariho weena . . . Hati ku ndaabe . . . Ku ndaabe ntagarukiremu, kukushemeza, ahabw'enki, obundi ndi . . . Nimbaasa kuba ngwire, mwareeba. Kwonka, eki, nikwo kumanya kwangye okurikukirayo, nimureeba. Oku nikwo kumanya kwangye okurikukirayo.

60 EKIBUUZO; Ow'eishe-emwe Branham, nk'oku obonaboine nari okub- . . . aha ruzaaro rw'enjoka . . . [Aa-oo, eki tinkireebire. Eki kyo kindabireho.] . . . oruzaaro rw'enjoka esaabiiti egi, kiri omu buteeka kubuuza ekibuuzo eki?

Banywani bangye banshabire kushoboorora Okutandika 4:1, kandi tinkaabaasa. Noija kumpwera?

Ti-tikiine kakwate n'eishomo. Kwonka, oku kiri kwona, niinyija-niinyija-niinyija kugyezaho oku ndikubaasa, ahabw'okuhwerwa Ruhanga. Ka tureebe hati. Ka ntereezeemu, ahabw'akaanya kakye. Nintekateeka aho niho ahu Haawa yaagambiire ati, "Ntungire omwana w'omwojo ahabw'okuhwerwa Mukama." Ni-niinyikiriza ngu nikwo kiri. Nintekateeka Haawa ekyo akakigamba aho. Ninja kushwijuma, mpamye. Habw'okuba, ngizire nti, ekiro kiri, mushanju . . . omu mwanya gwa . . . magana mushanju omu mwanya gw'enkumi mushanju.

61 N'ahabw'ekyo nikintiinisa munonga, mwareeba, kandi nooteekwa kuba nooreeba. Kandi n'omuzigu ahari buri rubaju, kandi ebyo no-noobimanya, nimureeba. Eego, nikyo ekyo.

Bwanyima Adamu yaamanya Haawa omukazi we, yaagira enda, yaazaara Kaini; yaagira ati: Ntungire omwana w'omwojo ahabw'okuhwerwa MUKAMA.

Hati, naaza kukugarukamu ekibuuuzo, ow'eishe-emwe mugyensi wangye, nari ow'eishe-emwekaza. Kandi hati, mwijukye, ti-tikubanagira, ngaaha. Ningyezaho kubahwera, mwareeba. Nimbakunda, kandi ninkunda n'omuntu orikubaasa kuba abaire naakigambaho kubi. Kwonka tindikuteekateeka ngu omuntu ogu naakigambaho kubi. Bagizire ngu, "Mpweza," mwareeba, ahabw'okuba abantu nibakiikiriza, kwonka tibeegyesiibwe ekirikumara, n'Omwoyo, kumanya eky'okugambira abantu abababuurize ekyo.

62 Hati, Haawa naagamba hanu eki ekibuuuzo kiri, tihariho kubangaanisa, ku nibagamba bat, "Haawa akagira ngu akatunga omwana w'omwojo ogu kuruga ahari Mukama." Nimuteekateeka ngu amagara gakaabaasize kwija gata ku gaakubaire gatarugire ahari Mukama, ka gabe omu muringo oguhikire nari ogugwire?

N'oha owaayohereize-n'oha owaayohereize Yuda Iskaryota omu nsi? Mungambire ekyo. Baiburi ekagira ngu akazaarwa ari "Omwana w'okuhwerekyerera." Ofe kubabuuza ekyo; ba nk'eniyogori omu ndimu, mwareeba. Mwareeba? Hati, nimureeba, tibarikubaasa-tibarikubaasa . . . Nikwo kiri.

63 Yetegyereze, bwanyima, ku oraabe nooyenda kubatwara omu bwengye bw'obukoryo bw'omutaano. Reeba. Haawa akagamba hanu, ku oraabe nooyenda kikitwarira omu rurimi oru kirimu hanu, ekihandiikirwe n'ahabw'ekyo kisherekirwe amaisho g'abanyabwengye n'abarikwetegyereza. Haawa, hanu, omuringo ogu kyegyesiibwemu, ngu Ruhanga Niwe ou yaazaireho omwana ogu. Kandi We n'Omwoyo, kandi tarikubaasa kukikora. Mwareeba? Hati reeba hanu, ku oraabe nooyenda kukyetegyereza. "Ntungire o-omwana w'omwojo kuruga ahari Mukama." Mwareeba, torikubaasa kukigambisa okundi . . . Kwonka kishemereire kugira enshoboorora yaakyo ehikire, mwareeba. Eego, sebo.

Ngaaha, sebo, ku kiraabe ekyo, obwo omwoyo . . . Kandi burijjo tukurata obuhangwa bw'omuzaire waitu. Ekyo nimukimanya. Mureebe omwana, obuhangwa bwe. Mpaho, n'ahabw'ekyo, Adamu akaba ari omwana wa Ruhanga; Haawa akaba ari muhara wa Ruhanga; kihikire, ekintu eky'okubanza omu bihangirwe bya Ruhanga, ekyakubaasize kuba kitaine kabara k'e-k'ekibi hoonahoona aharikyo. Ekibi kikaba nangwa kitarikumanya. Mbwenu ahabw'enki Kaini yaabaire omubeihi, omwitsi, kandi na buri kintu kyona ekindi? Ekyo kikaruga hi? Fa kwebuuza ekibuuuzo ekyo. Orwo rukaba ruri oruzaaro rw'ejoka. Mwareeba? Baiburi tikwo erikugira?

64 Mwetegyereze oruzaaro rwe kugyendera kimwe kushuma. Omuri ekyo, akaba . . . Ensi n'ey'oha? Sitaane. Orikugitegyeka hati n'oha? Sitaane. Buzima nikwo kiri. Sitaane naategyeka ensi. Akagambira Yesu, yaagira ati, "Nooreeba oku eri nungi, ekitiinisa kyayo kyona? Niinyija Kugikuha ku orandamye." Mwareeba, n'omutegyeki waayo. Hati ni mukama waayo.

Hati mureebe, abaana be n'abanyabwengye; abaana ba Sitaane. Nari, twara abaana ba Kaini, ku muraabe nimwenda, kandi mukishuumize kimwe kurabira omu bukomooko, kandi nimushanga ngu bakaba bari abantu abanyabwengye, buri omwe omuribo. Kwonka kandi obu yaita Abeeli; reero Ruhanga akamushumbusha Seezi, kikaba kiri ekirikushushanisa ky'ohikiriire, okucungura; ahabw'okuba ofiire kandi akagaruka akazooka. Kandi okuruga aho . . .

65 Hati mureebe. Tikuruga omu ruzaaro orw'okubanza, orw'obuhangwa; bakafa. Hati ebiteekateeko byanyu byaiguka? Mwareeba? [Abateeraine baagira bat, "Amiina." -Omur.] Oruzaaro rw'okubanza, rw'oruzaaro rw'obuzaarwa bw'omubiri, rurungi rw'obutoosha, rukaba nirushushanisa ekanisa y'omurembe, Abeeli. Okwenda kurinda gye obwo bukomooko kwija kushuma, ogwo akafa nikwo ondi abaase kuzooka, nimureeba. N'ahabw'ekyo, nikiteekwa kuba okugaruka kuzaarwa, omurundi ogundi. Mwakikwata? ["Amiina."] Ni kirungi, kugira ngu mukitungye, mwareeba. Mwareeba?

Nikyo ekyo, ekirikushushanisa ekihikire. N'ahabw'ekyo nangwa n'omuntu ow'obuzaarwa bw'omubiri, ozairwe A-Adamu, ishe, naayoreka obwo bukomooko bw'omubiri. Tikikaakora; omuntu ow'obuzaarwa bw'omubiri tarikubaasa kwetegyereza ebintu bya Ruhanga. N'ahabw'ekyo hakaba hariho Omushaija owaizire omu mubiri, kandi akafa, kugira ngu ekyo akigarure busya omurundi ogundi; kandi naareeberwa omu kufa kwa-kwa-kwa Abeeli, kandi na Seezi ari-arikuza omu mwanya gwe.

66 Kandi mureebe omuringo gw'abantu abo oku baabaire bari, hati, omwoyo ogwo gukamwihamu; abacureezi, abahingi, abariisa b'entama. Mureeba ekyarugire omuri obu bwengye bw'ensi hanu; abashaija abanyabwengye

munonga, abombeki, kandi-kandi n'ebiyoma, kandi n'okushoma kw'obwengye kwona n'ebindi. Mureeba ei baahendereire. Bakaba bari eifo okwo, kandi Ruhanga akacwekyereza buri omwe omuribo, buri omwe omuri bo, kandi yaajuna abacureezi.

Yesu taragizire, omuri Matayo 5 ngu, "Abacureezi baryahungura ensi"? N'ahabw'ekyo, yee, muteeraarikirira. Tibaine n'ah'okuta ekigyere. Mwareeba? Tibarikwikiriza ngu ni batabani ba Kaini. Kwonka twine orutambi rw'amaraka ahari ekyo, ku muraabe nimwenda kukihurira kishobooroirwe omu bwijwire. Mwareeba? Ngaaha, sebo.

67 Kandi nkareeba baine ekicweka omu rupapura eruguru kuriya, ahu saayansi hati erikuza kuhamya ngu "Haawa tarariire ekijuma kya apo. Akarya ekijuma kya apurikoti." Mwareeba? Nyine orupapura eruguru kuriya omu ka hati, mwareeba. "Kikaba kiri ekijuma kya apurikoti." Abantu ka-ka nibabaasa kuza hare . . . Ebyo n'ebiteekateeko by'omubiri, mwareeba. "Kandi, buzima kwo, Musa tarambukire amaizi. Akambuka kurabira omu nyanja y'ebitoogo; yaareeta Israeli yaagyambukiza orubaju rw'eruguru rw'Enyanja y'Omwonyo. Hakaba hariyo ebitoogo bingi okwo, enyanja yoona y'ebitoogo, ahu rimwe amaizi gaabaire gari, gakooma. Kandi Musa akatoora ogwa bugufu kandi yaayehinguririza batyo." Kandi amakanisa ga Orthodox gakakiikiriza. Ekyo mukireebire. Amakanisa ga Orthodox gakakiikiriza, ngu ekyo nikwo kyabaire kiri.

Oo, muntu 'we, torikubaasa kureeba orwo ruzaaro rw'enjoka, antikristo ogwo, kandi ekintu kyona kiri aho butunu? Buzima. Eego, sebo.

68 EKIBUUZO; Ow'eishe-emwe Branham, nyaabura 'we shabira owangye muto . . . (Mpaho, okwo n'okushaba okushabirwa; ninkireeba.) Shabira omwojo mwijukuru wangye, arwaire munonga ekihinzi. Ari omu Hooteeri ya Riverview.

Mukama Yesu, omuntu ogu enshoberwa hanu ekyo takihandiikiire busha. Omukazi ogu Akureebire buzima Noiha endwara y'omutima n'engingo erikukira kubandizibwa okurwara amaraka aha mwojo muto ekiro kiri. Naamanya ngu Ori Ruhanga omukuru, mbwenu nituhayo okushaba kwaitu ahabw' ogwo mwojo muto. Omu Iziina rya Yesu Kristo, reka akire. Amiina.

Omuntu ku ahandiika ekintu kyona, ti ahabwa busha. Ba-ba-baine e . . . N'obu kyakuhurirwa ahariitwe kyanguhi, kandi kirikwingana kita, kwonka-kwonka hariho ekiri enyima yaakyo, nimureeba; omukazi ogwo, omwojo muto ogwo, ekintu nanka.

69 EKIBUUZO; Eliya ogwo, orikwija kubuurira Abayudaaya, niwe mushaija wenyini owaatwire omu nsi egi, nari naija kuba omwoyo wa Eliya omu mushaija ondijo? Hati, ekyo ni, ni-nintiina kugamba. Tindikumanya. Mwareeba? Ka ngarukye nkishome. Eliya ogwo, orikwija kubuurira Abayudaaya (oo, eego), niwe mushaija wenyini owaatwire omu nsi egi, nari naija kuba omwoyo wa Eliya omu mushaija ondijo?

Hati ku naakubaasa kugarukamu ekyo kurungi, nkaabaasa kubagambira ahari Enoka, mwareeba. Kwonka titindikubaasa kukikora, mwareeba. Ekintu kyonka eki ndikumanya ni, kusha, Ebyahandiikirwe nibigamba eki kiraije kuba. Kandi hati nikibaasa kuba ngu e . . . Hati, ndi-ndi nk'ogwerekire . . . Hati, ka nkigambe omu muringo ogu. Kandi nyine amatsiko orutambi rw'amaraka, ab'eishe-emwe abaraahurikiize aha ntambi z'amaraka, nibaija kwetegyereza eki. Ngwereire eky'okwikiriza ngu nibaija kuba bari abashaija abashukirweho, aha mwoyo gwabo. Ahabw'okuba, mwareeba, naagira ati, "Tariku . . . ahari Elisa? Omwoyo gwa Eliya tiguri ahari Elisa?" Mwareeba, "omwoyo gwa Eliya." Kandi akakora nk'oku Eliya yaakozire, mwareeba. N'ahabw'ekyo, nyowe, ku ndi . . . Kwonka titindikubaasa kugira ngu ekyo n'amazima. Ti-tindikumanya, mwareeba. Ndi omwesigwa ahariimwe. Tindikumanya.

70 Ow'eishe-emwe Branham, nyaabura 'we okaangarukiramu eki, ekikwatsire aha kubatizibwa? Matayo 28:19 eyegyesa eti, "Ishebona, Omwana, n'Omwoyo Orikwera." Kandi Petero, omu kitabo ky'Ebyakozirwe 2:38, "omu Iziina rya Mukama Yesu." Empinduka egi ekabaho ryari omu Byakozirwe Entumwa? Hati, niinyikiriza, "omuri Mukama Yesu."

Mpaho, ow'eishe-emwe nari ow'eishe-emwekazi, okihandiikire weena, ti-tiharabaireho mpinduka yoona, mwareeba. Ki . . . Kandi Petero akakora ekyo kyonyini eki Yesu yaamugambiire ngu akore. Hati, omuntu ku yaakwija reero akagira ati, "Koresa ebyeterero bya Ishebona, Omwana, n'Omwoyo Orikwera," bakakora ebi Petero yaagambire okutakora, kureka ebi Ruhanga yaagambire okutakora. Mwareeba? Hati, Yesu akagira ngu . . .

Nitwija kufa-kufa kutwara kakyeho. Turi . . . Niinyenda kugira eki naakworeka hanu. Yetegyereze.

71 Hati yetegyereze, ku oraabe ori hanu, omuntu ogwo. Ninza kuta ebicweka by'ebintu bishatu hanu. Hati reeba. [Ow'eishe-emwe Branham yaata ebintu bishatu omu mwanya nk'ebi'okureeberaho -Omur.] Ogu n'Ishebona, ogu n'Omwana, ogu n' Omwoyo Orikwera; nk'oku abantu ba tiriniiti babiikiriza, baikiriza ngu n'abantu bashatu bataanisiibwemu. Nibaikiriza ekyo. Mwareeba?

Mpaho, n'ahabw'ekyo, hati reka mba . . . Reero omuri Matayo 28:19. Yesu akagira ati, "Mugyende omu nsi zoona, mbuurire Engiri ebihangirwe byona. Ogwo . . ." Ngaaha, munsaasire. Niinjuriza omu kitabo ky'Ebyakozirwe hati, nari omu Byakozirwe 2, niinyikiriza. Ngaaha, ekitabo kya Luka 24:49, niinjuriza. Akagira . . .

Ka nkishome, bwanyima nkitungye, mwareeba, reeru . . . 'habw'okuba ekiro kiri ekyo nkakigamba kunu nta . . . Niinyenda ngu mpamye ku eki nkitungire okuhikire. Nimmanya omutwe gw'ebi orikugamba aho, kwonka niinyenda kutunga eki Yaagambire. Ka ntandikire aha mushororongo gwa 16, ogw'eya 29. "Bwanyima abeegi Be ikumi n'omwe ku baabaire bashutami aha by'okurya, e . . ."

Bwanyima abeegi be ikumi n'omwe . . . baaza Galilaaya, aha rushozi oru Yesu (yaabaire) abaragiire.

Ku baamureebire, baamuramya; kwonka abandi baabanganisa.

Yesu yaija, yaabagira ati: Mpa . . . obushoboorozi bwona omu iguru n'omu nsi. Mpairwe obushoboorozi bwona omu iguru n'omu nsi.

Hati obushoboorozi bwa Ruhanga burahi? Ruhanga arahi? Obushoboorozi bwona kuruga omu Iguru ku burabe, kandi n'obushoboorozi bwona oburi omu nsi, buhairwe, hati Ruhanga arahi? Ngugwo aho, mwareeba. Niwe Ogwo orikugamba naiwe. Ni kirungi.

N'ahabw'ekyo mugyende, omu mahanga goona, muhindure abantu abeegi nimubabatiza omu iziina rya Isheboona, n'ery'Omwana, n'ery'Omwoyo Orikwera,

72 Hati okwetegyereza kw'abarikwikiriza obushatu ahari ekyo bat, "Niinkubatiza omu iziina rya Isheboona, omu iziina ry'Omwana, omu iziina ry'Omwoyo Orikwera." Ekyo nangwa tikiri n'omu Byahandiikirwe Ebirikwera. Mwareeba? Akagira ati, "Mubabatize omu Izina rya Isheboona, n'ery'Omwana, n'ery' . . ." Atari omu . . . kandi kuta eiziina omu maisho ga buri hamwe. Eiziina rimwe! Reeba hanu. Taragizire ngu, "Mubabatize omu maziina." E-i-z-i-i-n-a, Eiziina rimwe, "Omu Izina rya Isheboona, Omwana, n'ery Omwoyo Orikwera." Mwareeba?

Hati niinyenda kubabuuza. "Isheboona" n'eiziina? [Abateeraine bat, "Ngaaha."] "Omwana" n'eiziina? [Ngaaha.] Ba ishe babaana abari hanu nibangahi? N'oha omuriimwe orikwetwa eiziina "Ishe"? Abaana ni bangahi abari hanu? Abantu ni bangahi abari hanu? Mwareeba? Otyo, n'oha omuriimwe orikwetwa eiziina "Ishe," eiziina "Omwana," nari eiziina "Omuntu"? Mwareeba?

73 Nk'omukazi rimwe owaagambire, akagira ati, "Ow'eishe-emwe Branham, 'Omwoyo Orikwera' n'eiziina. Omwoyo Orikwera ni Omuperesona."

Nkagira nti, "Eego, sebo. Ndi omuntu, kwonka eiziina ryangye tiriri 'Omuntu.' Ndi omuntu, mwareeba. Eiziina ryangye ni William Branham; kwonka ndi omuntu." Omwoyo Orikwera ni Omuperesona. Ekyo nikyo Ari. Tiriri iziina; n'ekyeterero ky'Obuperesona bwa Ruhanga. Mwareeba? N'ekyeterero ky'obuperesona bwa Ruhanga, eki Ari.

Hati-hati ku . . . Akagira ati, "N'ahabw'ekyo mugyende, kandi mwegyese amahanga goona, nimubabatiza omu Izina rya Isheboona, n'ery'Omwana, n'ery'Omwoyo Orikwera." Kutari "omu iziina rya Isheboona, iziina ry'Omwana, iziina ry'Omwoyo Orikwera." Nari, kutari "omu maziina ga Isheboona, n'ag'Omwana, kandi n'ag'Omwoyo Orikwera," kureka, "Omu Izina rya Isheboona, Omwana, kandi n'Omwoyo Orikwera."

Kandi "Isheboona, Omwana, n'Omwoyo Orikwera" ku riraabe ritari iziina, mbwenu shi niki? Imwe bantu 'mwe ku riraabe riri "eiziina," mbwenu, ni riiha? Nooyenda kweta kimwe aharibyo eiziina, n'eiziina ki? Ku oraabe nooyenda kweta ekyeterero eiziina, mbwenu n'eiziina ki, ni kyeterero ki eki orikwenda kubatizamu, ekya "Isheboona" nari eky'Omwana"? Ni rimwe, mwareeba.

74 Hati tubikuure enyima hanu, kandi ekyo n'ekitabo eky'aha muheru kya Matayo. Nk'oku ntura burijo ninkishoboorora. Ku orikushoma ekitebyo kya rukundo, kandi kikagira kiti, "Yohaana na Mariamu bakatuura bashemereirwe obwire bwona ahanyima." Mwareeba, n'ahabw'okuba tori-torikumanya Yohaana na Mariamu abu bari. Garukayo aha kutandika kw'ekitebyo kyawe, ozoore Yohaana na Mariamu ni baahi. Mwareeba?

Hati ekyo nikyo orikukora hanu omuri Matayo. Nooshoma ekicweka ky'aha muheru kyayo kusha. Garukayo omu kutandika kw'ekitabo kya Matayo oshome eki ekitebyo ekyo kiri. Egyo n'eshuura ey'aha muheru y'ekitabo kya Matayo, kandi n'emishororongo y'aha muheru.

Nk'oku waakutoratoora ekitabo, kandi okagira oti, "Yohaana na Mariamu bakatuura bashemereirwe ebiro byona bwanyima. Ogwo akaba ari Yohaana Jones na-na Mariamu Nanka na nanka? Ogwo akaba ari . . .? Ngaaha, ogwo akaba ari Yohaana . . .? Ogwo akaba ari Yohaana Henry kandi ogwo akaba ari Nanka na nanka? Ogu ni Yohaana Ondi na Nanka na nanka?" Ngaaha, nabwo tokabaire kumanya, nooreeba. Ekintu kyonka eky'okukora, kuhamya, n'okugarukayo omu kitabo kandi okakishoma. Mwareeba, torikubaasa kutorotoora akacweka hanu. Oshemereire kugaita ekintu kyona hamwe, kukora ekishushani.

75 Hati garuka omuri Matayo, eshuura y'okubanza. Kandi neegyenda kandi eha obukomooko, okushuumma omu shuura y'okubanza. Bwanyima eshuuma okuhika aha mushororongo gwa 18, reero egira eti,

"Hati okuzaarwa kwa Yesu Kristo kukaba kuri kuti."

Ekyo kihikire? [Abateeraine bat, "Amiina." -Omur.] Hati niinyenda kugira eki naababuuza. Hati muhurikize

omurundi ogundi. Imwe, imwe mukyete eiziina. [Ow'eishe-emwe Branham yaayorekyereza ahari buri kimwe ky'ebyo bintu bishatu by'okureeberaho-Omur.] Ogu n'oha? Ruhanga i . . . [Abateeraine bati, "Isheboona."] Ruhanga o . . . ["Omwana."] Ruhanga o . . . ["Omwoyo Orikwera."] Hati ogu n'oha? [Isheboona"] Ogu n'oha? ["Omwoyo Orikwera."] Ogu n'oha? ["Omwana."] Omwana. Ni kirungi. Hati twakitunga hati. Hati mwagizire ngu ogu n'oha; Ruhanga oha? ["Omwoyo Orikwera."] Omwoyo Orikwera. Ni kirungi. Hati, ni kirungi.

Okuzaarwa kwa Yesu Kristo kukaba kuri kuti. Mariamu nyina . . . akaba naagambwa Yosefu obugyenzi. Kwonka Yosefu ku yaabaire atakamutaahize, Mariamu yaareebwa aine enda y' . . . [Abateeraine baagira bati, "Omwoyo Orikwera." -Omur.]

76 Hati, naaba nintekateeka ngu mugizire ngu Ruhanga Niwe Ishe. Hati hariho ekishobire hanu; Tarikubaasa kugira ba Ishe babiri. Ekyo nimukimanya. Mwareeba? Hati hariho ekishobire. Hati n'oha omuri aba Bantu, ku baraabe bari Abaperesona bashatu, n'oha Ishe Omuribo? Baiburi neegamba hanu, butunu eti, "Mariamu akareebwa aine enda y' Omwoyo Orikwera," Ruhanga Isheboona akaba ataine kakwate nakyo. Kandi Yesu akagira ngu Ruhanga akaba ari Ishe, kandi nitumanya ngu Ruhanga akaba ari Ishe wa Yesu. N'ahabw'ekyo, Akaba aine baishe babiri; hati n'Ekinyandaaro, buzima kwo. Hati reeba ahu waahika? Hati:

Mbwenu Yosefu iba, ahawb'okuba omuntu ohikiriire . . . tiyaayenda kumuhemura, yaateekateeka kwita obugyenzi bwe bwesherekye.

Kwonka ku yaabaire naakiteekateeka atyo, . . .

77 Mwijukye, akaba ari omushaija murungi, hati. Kandi omukono gwa Mukama n'omukono nka hati; abo abaamanyirwe ira baryakyetegyereza. Mwareeba?

Kwonka ku yaabaire naakiteekateeka atyo, maraika wa Mukama yaamwizira omu kirooto, . . . kukuratiire omuri Baiburi yaanyu? [Abateeraine baagira bati, "Amiina." -Omur.] Ni kirungi. . . . yaamugira ati: Iwe Yosefu, mwene Daudi, otatiina. . . kutaasya Mariamu omukazi waawe: ahakuba enda ei . . . aine n'ey'. . . "Ruhanga Isheboona"?

Ekyo naakishoma kubi? [Abateeraine baagira bati, "Eego." -Omur.] Buzima nikwo. "Enda ei aine," teine kakwate na Ruhanga Isheboona, n'ey" Omwoyo Orikwera." Kandi hati nitumanya ngu Ruhanga Akaba ari Ishe. Ekyo kihikire? ["Amiina."] N'ahabw'ekyo ekyo niki? Omwoyo Orikwera n' Omwoyo wa Ruhanga, hatariho kubangaanisa.

Hati mwakitunga. Mwareeba?

78 Ruhanga Isheboona kandi n' Omwoyo Orikwera ni Omuperesona omwe, nari Akaba aine ba ishe babiri. Reero ni-ni muntu wa muringo ki ou muramya? Ni Ruhanga wa muringo ki ou mwine hati? Mwareeba? Mwareeba? Ruhanga Omwoyo Orikwera, na Ruhanga Isheboona, ni Omwoyo ogwo omwe.

Aryazaara omwana w'omwojo, . . . (ogu Muntu hanu) . . . kandi oryamweta eiziina . . . Niki? [Abateeraine baagira bati, "YESU." -Omur.] "Eiziina Rye!" ["YESU."] Hati mwijukye. . . . (eiziina) YESU: ahawb'okuba niwe arijuna abantu be aha . . . omu bibi byabo.

Ebyo byona bikabaho, ahawb'okuhikiiriza ebi Mukama yaagambire naaraba omuri nabi, ou Ekigambo kiizira, naagira ati:

Reeba, omwishiki oshugaine aryagira enda, azaare omwana w'omwojo, . . . eiziina rye aryayetwa Emanueli, amakuru ngu Ruhanga ari hamwe naitwe.

79 Eiziina rya Ruhanga ni riiha? Eiziina rya Isheboona, Omwana, Omwoyo Orikwera ni riiha? [Abateeraine baagira bati, "YESU." -Omur.] Baiburi ekagira ngu "YESU" rikaba riri Eiziina Rye.

Reero omuntu hanu arikugyezaho kukihakanisa rimwe, hanu omuri tabirinaakuru, akagira ati, "Ow'eishe-emwe Branham byona yaabyogamu, kwonka eki kyo tarikwija kukyogamu." Yaagira ati, "Hanu nikyoreka abantu bashatu abatarikushushana, buzima, gye munonga." Yaagira ati, "Matayo, eshuura ya 3!

Ngugu hanu Yohaana akaba ayemereire, naabuurira; ngugu hanu Omwana yajja, arikuza kubatizibwa. Akaza omu maizi, Yohaana yaamubatiza; yaaruga omu maizi. Kandi, 'Reeba,' yaagira ati, 'eiguru Ryamukinguukira.' Kandi yaagira ati, 'Omwoyo Orikwera yaashuma kuruga omu Iguru, naashuma nk'enkombe. Kandi Eiraka kuruga omu Iguru, nirigira riti, "Ogu n'Omwana Wangye ou nkunda, ou . . ." Abantu bashatu beetongoire, omurundi gumwe gwonyini! "Oo, mugyenzi!"

80 Yee. Nikyoreka ngu abantu abatabatiziibwe, kandi abateetsirwe omu ofiisi y'o-y'omu-omuheereza, tashemereire kuba aha kituuti. Ekyo kihikire. Nka-nka-nkaabaasize kutwara omuntu ogwo, hati, ahawb'okuhwerwa Ruhanga, kandi mbakomera omu ishumi emitwe yaabo ezengyerera. Reeba, tindikufayo eki . . . Tikiri kwo, tindikumanyisa "nyowe." Ekyo tikirikuhrirwa gye. Munsaasire. Naaba ntarikumanyisa ekyo, Mukama. Tikyo naamanyisa, hati. Naahurira Yanzibira ahari ekyo, mwareeba, n'ahabw'ekyo mbaire ntamanyiise kukigamba ntyo. Mu-munsaasire. Niinyikiriza ngu Omwoyo Orikwera naabaasa kushuuruurira omuntu ogwo

enaama zimwe. Ekyo nikihurirwa kurungi okukiraho.

Nink'okutereeza ekyoma ky'abeeshongozi kugira ngu eiraka rihike gye ahi ririkwetengwa, waakora ekintu ekigwire. Kandi noobaasa kukimanya, nk'Omukristayo, ku ogambire ekintu kigwire. Ekyo Tiyaakikunda. Mwareeba, ekyo niinye kibaire nikitamu aho. Mwareeba? Tindi omu kishushani, na kakye. Ndi . . . tindikwenda nangwa ngu mbe nyowe nari ekintu kyona. Reka abe We kusha, ka abe Ariwe owaakora omurimo. Akore ogw'okugamba. Enzamba ni ekiteta; kureka eiraka eriri enyima yaayo, niryo ririkugamba.

81 Hati, mureebe hanu. Omushaija akashoboorora kubi Ekigambo. Mwareeba, Ni . . . Mwijukye, "Kisherekirwe abanyabwengye n'abarikwetegyereza; byashuuuruirwa abaana bato." Hati, ngugu hanu ogwo Muntu omwe, Yesu Kristo, ayemereire aha nsi. Hati, eiguru; hatariho kubangaanisa, hariho omwanya gw'ahaiguru omu mwanya.

Hati reeba, "Kandi Yohaana akahamya . . ." Hati ogwo mushaija naateekwa kugira ati, "Hanu hariho Ruhanga Isheboona; kandi hanu hariho Ruhanga Omwoyo Orikwera, nk'enkombe; kandi hanu hariho Ruhanga Omwana; barikukora abaperesona bashatu." Kigwire. Yohaana, ayemereire enyima hanu, akamanya ngu ogu akaba ari Omwana gw'Entaama. Yohaana akagira ati, "nkahamya, nindeeba Omwoyo wa Ruhanga nk'Omwana gw'Entaama . . ." Hariya hariho Ruhanga Omwoyo, nk'enkombe, nimmanyisa. Hati hariho ekintu nikyo kimwe eki ngambire ekiro kiri, nimureeba; omu mwanya gwa magana mushanju, nk- . . . Mwareeba? Omwoyo wa Ruhanga! Ogu akaba ari Omwana gw'Entaama hanu. Kandi Omwoyo wa Ruhanga, Enkombe, akaba ari Ruhanga. "Omwoyo wa Ruhanga naashuumaa naaruga omu Iguru. Kandi Eiraka ririkuruga omu Iguru, nirigira riti, 'Ogu n'Omwana Wangye Ou nkunda, Ou nshemerererwa kutuuramu.'" "Obushoboorozi bwona obw'omu Iguru n'omu nsi buhairwe omu mukono Gwangye." Mwareeba? Mwareeba? Mwareeba? Niwe Ogwo. Hati Eiziina Rye rikaba riri riiha? [Abateeraine baagira bat, "YESU"-Omur.] Buzima. Mwareeba?

82 N'ahabw'ekyo, eky'enshoboorora y'aba tiriniiti, ngu hariho ba Ruhanga bashatu bataanuukaine, okwo n'okutamanya Ruhanga! Ekyo kikaba kitakeegyesibwahoga omu Baiburi. Tikireegyesiibwe omu Butumwa bw'entare, kwonka bakakitaatsyamu omu bwakuratsireho, ekyabaire kiri antikristo. Buuza weena ou orikwenda kubuuza, otendekirwe omu by'ediini weena. Ekyo tikiraizire, kureka omu nyegyesa y'Abanikolaiti.

Egyo niyo nshonga eyaatumire kyarugayo na Martin Luther; egypto niyo nshonga eyaatumire kyagumizamu na John Wesley; kandi kikashuumaa kikeeshuka omu Bapentekoote. Omu biro ebi Abapentekootebaarugiireyo, bakatunga ekibiina ky'aba "Yesu Wenka." Hati, ekyo kigwire, na mbwenu. Yesu naabaasa ata kuba Ishe We wenyini? Mwareeba? N'ahabw'ekyo nikikiihamu.

83 Kwonka hashemereire kubaho obwire bw'empungu obwaija. Mwareeba? Obwo nibwo bwire bw'okutereezamu ezo naama. Mwareeba? "Isheboona, Omwana, n'Omwoyo Orikwera" n'ebysterero bya Mukama Yesu Kristo. Reeba, boona bashatu!

Matayo akagira ati, "Isheboona, Omwana, Omwoyo Orikwera." Petero akagira ati, "Mukama Yesu Kristo." Isheboona n'oha? "Mukama akagambira Mukama wangye ati, 'Shutama aha rubaju Rwangye rwa buryo.'" Ekyo kihikire? Isheboona; Omwana, Yesu; Omwoyo Orikwera, Logos ogwo owaarugire omuri Ruhanga. "Isheboona, Omwana, Omwoyo Orikwera" buzima n'ebysterero bishatu by'Obuperesona bwa Ruhanga naayeyorekyera omu-omu-omu miringo eshatu etarikushushana, nari oburanga bushatu Obwe wenka.

Kandi okukyoreka butunu, aha muntu ogwo otakaayetegyereza, ni nka ofiisi ishatu za Ruhanga ogwo omwe. Buzima, ni oburanga bushatu bwa Ruhanga ogwo omwe. Ruhanga arikukorera omuri bishatu, bitarikushushana; ahansi y'okuba Ishe, ahansi y'okuba Omwana, ahansi y'obusingye bw'Omwoyo Orikwera. Ruhanga naahikiirira omuri ishatu.

84 Nimwijuka enamba ya antikristo, ina? Mwareeba? Ruhanga, "Isheboona, Omwana, n'Omwoyo Orikwera," buzima ni "Mukama Yesu Kristo."

Ku orikubatiza, omu Iziina rya "Yesu" ryonka, ekyo kigwire. Nka, "Ninkubatiza omu Iziina rya Yesu," ekyo kigwereire kimwe. Manyiriire ba Yesu baingi. Ahabw'enki, ba Yesu, baijwire omu mahanga g'Abaraatini. Kwonka ogu ni "Mukama Yesu Kristo," nikyoreka buzima Eki Ari. Hariho ba Branham baingi, ku oraabe nooyenda kungambaho nk'omuntu, kwonka ndi-ndi William Marrion Branham omwe ogwo. Ogwo-ogwo niinye. Kwonka hariho ba William Branham abandi baingi, kandi n'ebindi nk'ebyo, okwehinguririza. Kwonka oku n'okweta Omuntu omwe oyetongoire, Mukama Yesu Kristo, mwareeba, Owaashukirweho amajuta. Hariho Omwe aharibo wenka.

Hati, ekyo kihikire. N'ahabw'ekyo ku haraabe hariho ekirikukira ahari ekyo, handiika ebaruha nari ekintu, nari-nari bumwe naaba ndi aha bibuuzo ebindi. Niinyenda kugyezaho kutunga eki, nikwo mbaase kureeba ku turaabe nitubaasa kutunga bamwe aha barwaire abarikushasha, kubashabira.

85 EKIBUUZO; Ow'eishe-emwe Branham, ekibuuzo eki ku kiraabe kita-kitahikire, ku kiraabe kitahikire omu . . . otakigarukamu. (Ekyo ni kirungi. Ninkisiima) Ni baana ki-ni baana ki abariza omu Kutwarwa, ku haraabe hariho abato boona? Yebare.

Tibahandiikireho eiziina ryona. Hati, ku oraabe otarihandiikireho, tikirikwetaagisa. Kwonka, mureebe. Ruhanga yaata eiziina omu Kitabo ky'Amagara ky'Omwanan gw'Entaama omusingye gw'ensi gutakatairweho,

tihariho kintu kyona omu nsi ekirikubaasa kurisanguramu, ahabw'okuba rihandiikirwe na bwino y'Eshagama ya Kristo. N'obu kyakuba kikuru kiti, kikuru kityo, nari kikuru kityo, nari oku kyakubaasa kuba kwona, nikyo kimwe. Mwareeba?

86 Abaana boona, Ekanisa yoona, na buri kintu ekiriho, ni . . . Ruhanga, ahabw'okumanya Kwe ira ebintu bitakabaireho.

Hati, titurikumanya. Nimugira muti, "Ow'eishe-emwe Branham, noobaasa kuhamya ngu oriyo?" Ngaaha, sebo. Tindikubaasa kukihamya. Ruhanga naabaasa kunkozesa nk'ekikozeso ky'ekintu ekindi, kandi naiwe akukozese omu muringo nigwo gumwe. Kwonka niinyikiriza, kandi ahabw'okwikiriza, njunirwe. Tinjunirwe ahabw'obwengye; ahabw'okwikiriza! Okwo nikwo ojunirwe. Okwo nikwo twena tujunirwe.

Kwonka, mwijukye, Ruhanga taine bugarukiro. Ekyo nimukiikiriza? [Abateeraine bat, "Amiina"-Omur.] Taine bugarukiro! Mbwenu, ahabw'okuba otaine bugarukiro, ekyo Nikimukora . . . Kandi, kyaba kiri kityo, n'Orikumanya byona. Ekyo nimukiikiriza? ["Amiina."] Okumanya byona nikimanyisa "Orikumanya ebintu byona." Tarikubaasa kuba-Tarikubaasa kuba orikumanya byona atabaire otaine bugarukiro. Mwareeba, tihakabahoga kintu kyona eki ataramanyire. Akamanya buri katonera akabaire nikaza kuba omu nsi, kandi n'emirundi ei kaabaire nikaza kuhumbya amaisho gaako, kandi n'ebishaju ebi kaabaire nikaza kugira oku birikwingana, oku birikwingana byona obitaire hamwe.

87 Akamanya buri mwitsyo ogu waabaire nooza kwitsya, kandi na hare ahu gwabaire niguza kuhika omu bihaha byawe. Ekyo n'okutagira bugarukiro.

Hati, ku araabe Ataine bugarukiro, ekyo Nikimuhindura orikumanya byona. Ekyo kihikire? [Abateeraine baagira bat, "Amiina."]-Omur.] Kandi ku araabe Ari orikumanya byona, ekyo Nikimuhindura kuba ori hoonahoona, ahabw'okuba Naamanya buzima edakiika, eshaaha, obunaku, n'obucweka-cweka bukye munonga emitwaro etaano n'enkumi itaano bw'esekenda emwe, y'obu kirikuza kubaho. Mwareeba? Ekiteekateeko ekyo mwakitunga hati? ["Amiina."] N'ahabw'ekyo, Naamanya ebintu byona. Kandi egyo niyo nshonga erikutuma Yaagira obushoboorozi bwona, akamanya ebintu byona, kandi akabaa kukora ebintu byona.

Hati ka tureebe. Hati, "Kandi abaana boona abu Ruhanga . . . Buri omwe ou Ruhanga . . . Ku ba . . ." Hati, mwijukye, ni ryari obu Yesu . . . Baiburi ekagira . . .

88 Hati nitumanya ngu Yesu akaitwa nk'omu mwaka gwa 30 A.D. Ekyo kihikire? Nka, bukaba buri nka rwagati y'omwaka, ninteebereza, gwa 30 A.D. Hati, kwonka Baiburi ekagira ngu Akaitwa ensi etakabaire kuhangwa. Kandi eiziina ryawe, obu Ekitabo ky'Omwana gw'Entaama . . . Omwana gw'Entaama obu yaitwa, kucungura Ekitabo eki. . Hanu hariho ekintu kikuru hati. Nikibaasa kureeta okukyamukirira. Mureebe. Ku o-ku o-ku Omwana gw'Entaama . . .

Hati mwijukye, Baiburi ekagira ngu Ekitabo ky'Amagara ky'Omwana gw'Entaama kikahandiikwa omusingye gw'ensi gutakabaireho. Kandi eiziina ryawe rikateebwamu, rikaba riri omuri ekyo Kitabo obu Omwana gw'Entaama yaitwa omusingye gw'ensi gutakabaireho, kucungura buri iziina eryabaire rihandiikirwe omuri ekyo Kitabo. Mwareeba? Mwakitunga hati?

Mwareeba, tihariho kintu kyona ekitari omu buteeka. Nikikora buzima kwo nk'eshaaha ya Ruhanga mpango, mwereeba, nk'eshaaha erikwetooroora. Eziina ryawe rikateebwamu omusingye gw'ensi gutakabaireho, obu Omwana gw'Entaama yaitwa kucungura ebyabaire biri omuri ekyo Kitabo. Mbwenu hati Naarugayo kandi atwara Ekitabo ekyo, kwegianurira Ebicungwirwe Bye. Tindikwenda kutandika aho; titukaagarukamu ekindi kibuuzo eriizooba. Ni kirungi. Ekibuuzo:

89 EKIBUUZO; Okuzimu, n'enyanja erikwaka omuriro n'obuganga bw'ekibiriiti, nibishushana?

Ngaaha. Okuzimu, okuhindura omu Baiburi, niinyikiriza. . . Hati, hariho abarikumanya bingi kuruga omu kwega abashutami hanu, kandi niinyenda ekyo kukiha ekitinisa. Ow'eishe-emwe mugyenzi waitu Iverson oshutami hanu, kandi n'OW'eishe-emwe Vayle, kandi na baingi omu b'eishe-emwe aba abatendekirwe eby'ediini buzima. Ekigambo kyahindurwa, okuzimu (hades), nikimanyisa "ekituuro." Ekyo kihikire? Ekigambo ky'Oruguriiki ekirikumanyisa ekituuro. Kwonka Enyanja y'Omuriro n'ekintu ekindi. Ahabw'okuba, okwo omu Kitabo ky'Okushuururuwa, "Byombi, okuzimu na byona, bikanagwa omu Nyanja y'Omuriro." Mwareeba? Ni kirungi. Hati ka tureebe.

90 EKIBUUZO; Ku kiraabe kitari kwo, Enyanja y'Omuriro, n'okuzimu, n'Ebitahwaho?

Ngaaha, sebo. Ngaaha, sebo. Ekintu kyona ekyahangirwe tikiri Ekitahwaho. Ngaaha. Ekintu kyona ekyahangirwe . . . Egyo niyo nshonga erikutuma hatarikubaasa kubaho okuzimu Etahwaho. Omuntu weena ku araakugambire ngu nooza kuhira omuri kuzimu Etahwaho, niinyenda Ekyahandiikirwe kyakyo. Mwareeba. Tihariho ekintu nk'ekyo.

Okuzimu ekahangirwa Sitaane na baamaraike be, ahabwa antikristo n'abantu be; ogwo akaba ari Sitaane, Sitaane ari omu muntu. Ekahangirwa ekyo, kucwekyereza. Kandi ekintu kyona ekyabaire kiine . . . Ekintu kyona . . .

. Hariho ekintu kimwe kyonka, kyonka, okuruga omuri buri kintu ekirih, ensi yoona kandi na buri kintu ekindi, hariho ekintu kimwe kyonka Ekitahwaho, kandi ekyo ni Ruhanga.

91 Hatakabaireho atomu, nari za elekituronizi, nari hatakabaireho n'ekyererezi kya kozimiki, za elektronizi nari ekintu kyona, Akaba Ari Ruhanga. Niwe Muhangi. Kandi ogwo nigwo muringo gwonka ogu orikubaasa kuba Otahwaho, n'okwakiira Amagara Agatahwaho. Ekyo kigambo ky'Orugriiki aho, nintekateeka, ni Zoe. Ekyo kihikire? Zoe. Reeru, ago-ago Magara, Ruhanga agakuha. Nk'oku ishe, sho, akuha amagara ge, okuraba o-omu ndagaano y'obushwere na nyoko; kandi sho, ahabw'egyo ndagaano, akuha, o-okushemererwa kw'okuha, (munyetyegyereze) okw'okuha amagara ahabw'omwana. Kandi ogwo nigwo muringo ogu Ruhanga akoramu, okushemererwa omu kuha Amagara Ge omwana. Mwareeba?

Kandi bwanyima ohinduka ekicweka Kye, nikyo Zoe, Amagara ga Ruhanga We wenka. "Ndyabaha Amagara Agatahwaho." "Mbazoore, aha kiro ky'aha mperu." Ekyo nikyo kintu kyonka eki-eki. . . Oine Amagara Agatahwaho. Kandi ago Magara Agatahwaho nigamanya omubiri Gwago, kandi nigaba nigateekwa kurugayo. Kugira ngu gabaase . . . Tikirikubaasika amagara ago kugumayo.

92 Nk'oku Omwoyo wa Kristo yaasangiire omubiri, Omwoyo wa Ruhanga ahaiguru ya Kristo, aha kiro ekyo kikuru, gukaba nigumanya ngu nigwija kugaruka kuzooka; nikwo n'abarikwera bari omu mibiri yaabo.

Hati mwijukye. Yesu, ku Yaafiire, akaza okuzimu. Habw'okuba, Akaba naateekwa kuzayo; Akaba ari ekirikukingira ekibi. "Kandi Akaabuurira emyoyo eyaabaire eri okuzimu, ey'abantu abatareeteisize, omu kugumisiriza, omu biro bya Noa." Ekyo kihikire? Akaza okuzimu kandi yaabuurira emyoyo, emyoyo eyetaaniise na Ruhanga. Okufa nikimanyisa "okutaana." Kandi bakaba bataine na Ruhanga, batarikubaasa kugaruka bundi. Kandi Yesu akaza kuhamya ngu Akaba ari Ogwo owaabaire agambirweho, Oruzaaro rw'o-omukazi.

Oruzaaro rw'enjoka, nimureeba oruzaaro rw'enjoka eki rwakozire? Antikristo; naahenderera omu kufa, okutaana, embaraasi erikutukura. Oruzaaro rw'omukazi, Amagara, naahenderera aha mbaraasi erikwera, Yesu Kristo. Mwareeba? Ekyo ni ki? Kimwe kirikuhanisa ekindi; oruzaaro rw'enjoka rurikuhanisa Oruzaaro rw'omukazi. Mwakitunga hati? Oo, tukaabaasa kuguma ahari ekyo akaanya kakye! Ekyo tikyakubaire kirungi? Kwonka reka tugume n'eki.

93 EKIBUUZO; Ow'eishe-emwe Branham, otembire embaraasi ow'okubanza, Akamanyiso k'Okubanza, naahikiiriza Abatesalonika ya Kabiri, "okushuuuurwa kw'ogwo mugomi"?

Eego. Ekyo kihikire. Ogwo naakihikiiriza. Ekyo kyanguhi. Ogwo naakihikiiriza. Niwe ogwo mugomi. Omuntu ogwo omwe naaguma, omu madaara, atembire embaraasi okuhitsya obu arikuhika aha mbaraasi kisa erikwetwa "Rufu." Kristo naashuumu kuraba omu, kwiwhaho orurbanja, okwezibwa, kuhika aha mbaraasi erikwera, kandi nigo Magara ago, nimureeba.

94 EKIBUUZO; N'enki ekyabaire aha baikiriza abazairwe obwa kabiri abari omu bigombe by'amadiini ebitari bimwe kwonka batari omu Mugore wa Kristo? N'enki ekirikubabaho?

Mbwenu, nintekateeka ngu ekyo tukishoboroire, akaanya kakye akaahingura. Mwareeba? Nibaza omu Kubonabona. Nibaitirwa okwikiriza omu Kubonabona. Nibaija aha muheru, ahanyima y'Okutegyeka kwa Kristo kw'Emyaka Rukumi, ahabw'okucwerwa orurbanja kwabo. Mwareeba? Ahabw'okuba, Baiburi ekagira ngu abahuriire abaatsigara . . . "Abafu abandi abaatsigaireho bo tibaragarukire kuba abahuriire, okuhitsya ahi emyaka rukumi yaahwereire." Bwanyima haabaho okuzooka, reero baarugayo bombi, abahikiriire n'abatahikiriire, kandi Kristo n'Omugore baabacwera orurbanja. Akaija omu nsi aine obukumi kuteezamu obukumi bw'abarikwera Be. Ekyo kihikire? Omugore We.

Emanja zaatandika kuhurirwa. Ebitabo ebyo byashuuuurwa. Ebitabo byashuuuurwa. Kandi n'Ekitabo ekindi kyashuuuurwa, ekyabaire kiri Ekitabo ky'Amagara. Akashoroora, okuruga aho, embuzi omu ntaama. Ekyo kihikire? Ekyo kikaba kitaine kakwate n'Omugore. Omugore akaba ayemereraire aho butsimba omu rubanja, n'Omugabekazi we . . . Omugabekazi n'Omugabe, bari hamwe.

95 "Akaija n'abarikwera Be; kakumi emirundi obukumi baamuhereza," omukazi We. Emanja zaatandika kuhurirwa, reero entaama zaashoroorwa omu mbuzi. Nimwiju ekiro kiri, ndikureeta okucumitiriza okwo okukye, kugira ngu mukaakyetegyereza, okuteekateeka munonga kw'omuriisa w'ente? Mwareeba? Nikyo ekyo. Ngaaha, bo, abo nibo,

e-e-ekanisa, abantu abari omu bigombe by'amadiini, abari A-Abakristaayo b'amazima, abatungire Obutumwa kandi Abataribureeba na kakye. Tiburibabuurrwa na kakye.

Kandi abo abari omu mutwe gw'orujwangye, abu Burikubuurrwa, Nibwija kuraba ahaiguru y'emite yaabo, kureka amaziina gaabo ku garaabe gaabaire gari omu Kitabo ky'Amagara ky'Omwanwa gw'Entaama. Yee. Kwonka nibaija kuba bari abantu barungi. Kandi baryagaruka bazoorwe kandi bahoze, bacwerwe orurbanja n'ekibiina kyonyini ekyababuuriire. "Timurikumanya ngu abarikwera nibo baricwera ensi oubanja?" Nibaija kubuurrwa, mwareeba. Nibaija kubuurrwa, n'abantu bamwe bonyini abaabahaire obujurizi bw'Obutumwa, ku "Kirugamu!" Mwareeba? Nyine amatsiko ngu ekyo kyakishoborora. Nyine bingi munonga hanu, ebi . . .

96 EKIBUUZO; Ow'eishe-emwe Branham, maraika owa mushanju, aine omwoyo gwa Eliya, n'omuntu orikushusha Eliya owaayohereziibwe aha mitwaro ikumi na ina n'enkumi ina y'Abayudaaya omu myaka eshatu n'ekicweka bwanyima y'Okutwarwa? Bamwe omuriitwe tushobeirwe, omuri eki.

Ngaaha. Tari omwe. Mwareeba, n'abantu babiri abatarikushushana. Elisa ogwo owaizire omu muringo gwa Eliya akaba atari Eliya. Kandi n'omwoyo gwa Eliya ogwaizire aha mushaija orikwetwa Yohaana Omubatizi akaba atari Eliya. Kandi n'omushaija ogwo ori entumwa maraika wa mushanju, aha muheru gw'Obusingye bwa Laodikea, tarikwija kuba ari Eliya wenyini. Naija kuba Omunyamahanga, aha bantu be.

Eliya naija, nari omwoyo gwa Eliya obunaku obwo, gurikwija omu. . . n'aha bantu okwo, naija kuba Omuyudaaya, mwareeba, ahakuba nibatumwa aha bantu baabo. Okwo n'okushuuruuuirwa kwangye.

97 Enshonga ni . . . Ya Tommy Osborn, ekyo ku twakigambireho, obwire obwo, Nyowe na Tommy, nkaba ntakakimanyahoga. Nkaba nshabira abarwaire kusha. Kandi nkaija eruguru okwo, kandi hakaba hariyo omukazi w'ekitiinisa owaizire naaruga Fort Wayne Gospel Tabernacle, omubuurizi w'ediini omu nsi z'aheeru. Eibeere rye rikaba riri rihango rityo, rikaba ririibwe ekookoro. Kandi akaba ari aho omu nju nkye omu twabaire nitutuura, eruguru hanu omu kaguuto. Kandi naashabira Ow'eishe-emwekazi omukundwa ogwo. Reero yaakira, kandi yaagaruka omu kubuurira aheeru.

Kandi ku . . . Akaruga omuri Afrika. Kandi akaba atsigireyo akatabo aha bumiishani. Nka-nkateekateeka nti, "Mpaho, abamiishani ni barungi." Kandi ni . . . Tinkateekateekahoga munonga aha bamiishani. N'ahabw'ekyo naateekateeka nti, "Mpaho, nabo ni ofiisi ya Ruhanga aheeru okwo. N'ahabw'ekyo ekyo ni . . . Ogu n'omwanya gwangye hanu honyini, ahari Eighth na Penn Street." N'ahabw'ekyo nkaba ningumizamu kukora oku naabaire nimbaasa.

98 Kwonka ekiro kimwe, nshutami omu kishengye ky'okushomeramu, nkakwata ekyo kitabo. Kandi kikaba kiine ekishushani ky'o-ky'oruganda rw'Abaniguro, omushaija mukuru okuzire, kandi akaba aine omuguniro mukye gw'eishokye ogurikwera. Kandi omunda hakaba hahandiikirweho bat, "Mujungu 'we, mujungu 'we, sho akaba arahi? Mwareeba, hati nkuzire kandi tinkirahuka kwetegyereza gye omu bwonko, kandi tindikwetegyereza kurungi munonga. Kuri naamanyire Yesu nkiri omutsigazi, nkaabaire mutwariire abantu bangye."

Reero, naakishoma. Kandi Ekintu kyaguma nikingambira kiti, "Garuka okishome. Garuka okishome." Naaguma ninshoma. Oo, mutungire obwire obwo. "Garuka okishome kandi okigarukyemu. Haine ekintu ekirimu."

Nk'eruguru kuriya ekiro kiri ahari Green's Mill, obu naaruga omu nyanga. Nkaba ntarikubaasa kukyetyegyereza, oku abantu barikubaasa kugamba omu "ndimi" kandi bakateera akaari, kandi ari Omwoyo Orikwera ow'amazima, kandi nabwo babe antikristo. Bagambe omu "ndimi," okugamba omu "ndimi" z'Omwoyo Orikwera w'amazima, kandi nabwo babe sitaane. Ekyo kihikire. Ekyo nimbaasa kukikuhamiza. Eego, buzima kwo.

99 Reero yetegyereze . . . ku baayemereire aho. N'ahabw'ekyo, "endimi" ti kamanyiso k'Omwoyo Orikwera. Ni kimwe aha biconco by'Omwoyo Orikwera. Mwareeba? Kandi Sitaane naabaasa kutooreza buri kintu eki Ruhanga aine, Okutamba kwa Ruhanga n'ebindi byona. Akagira ati, "Baingi baryaija Ahariinye aha kiro ekyo, kandi bagire bat, 'Mukama, tindabingire baadaimoni? Tina . . ." Okwo n'okubuurira Engiri. "Tindakozire emirimo mikuru omu Iziina Ryawe, kandi n'ebintu ebi byona okwo?" Ndyabagarukamu nti, 'Mundugye omumaisho, imwe abakora eby'obugomi! Tinkabamanya."

Baiburi ekagira, ngu, "Agwisiza enjura abahikiriire n'abatahikiriire, nikyo kimwe." Kandi obukurura nikyo kimwe, buri omu musiri gw'engano okwo, nibubaasa nabwo kushemererwa kandi buteere akaari, n'amaizi nigo gamwe agabugwireho, nk'oku enjura eyohereziibwe ahari byombi. "Kwonka muryabamanyira aha byana byabo."

100 Obwo bukurura bukye bukuzire nibubaasa kwemerera erugura aho, kandi bushemereirwe kandi nibuteera akaari nk'oku kirikubaasa, bwijwire enjura niyo emwe ei engano etungire. Nikyo ekyo. N'ahabw'ekyo nibabaasa kuteera akaari, bagambe omu "ndimi," kandi batooreze buri kintu ekibarikwenda; aha kiro ekyo, baryayetwa, "Abakora eby'obugomi."

Nk'oku mbagambiire, akaanya kakye akaahingura, muhurikize eki ndikugamba! Muhurikize mufiireyo. Mureebe enyima, mweshwijke n'Ekgambo kandi mureebe ahu muri. Imwe bakazi 'mwe abaine eishokye rigifu, murirekye rikure. Nimujwara empare; muzijuure. Mutwaze nk'abakazi b'ekitiinisa.

Imwe bashaija 'mwe abakirikureesa zaasigara, kandi murikwirukira omu bishengye by'okuzaaniram muuzaano gwa puuru, mukirekye. Tindikufayo n'obu oraayature okurikwingana ki. Ku oraabe okiramatiire omuri ekyo kibiina ky'ediini, kandi orikugira ot, "Nikyo Eki, kandi nikyo Eki," ekirungi okaakirekire. Reeba enyima, okishwijume n'Ekgambo. Nitukirugiramu kimwe omu . . . Tukaashemereire kuba tuhingwire aha bintu by'amashokye magufu n'ebindi. Obusingye obu hati, twagaruka omu Kintu hati, ahu Ruhanga arikushuurura enaama ezisherekirwe, ezaatairwe omu Kitabo omusingye gw'ensi gutakateirweho.

Kandi abo aboorobeire ebintu ebi ebikye, nibaija Kukitunga omu bintu ebi ebindi. Ku baraabe batabitungire, Nibija kubaraba ahaiguru y'emitwe, nk'oku oburugwa-izooba eri hare n'oburengyerwa-izooba. Nikwo . . .

101 Nka Gideoni, naabaganisa abantu be. Hakaba hariho enkumi n'enkumi. Ruhanga yaagira ati, "Abo ni baingi munonga ekirenga. Garuka obabaganisemu." Yaabaha ekindi kigyezo. Kandi ati, "Garuka obabaganisemu. Garuka obabaganisemu." Kandi n'okugumizamu, okuhitsya obu yaatsigaize bakte. Yaagira ati, "Ekyo nikyo kibiina eki ndikwenda ngu kikore omurimo." Buzima ekyo nikyo kyabaireho.

Abakazi b'Abapentekoote (barikuza oku n'oku) bashutami aho, nibahuriira, kandi nibamanya, ekigwire, okuraba omu Kigambo. Nimuteekateeka ngu nibaija Kukiikiriza? Ngaaha, sebo. Buri mwaka, ku ndikurabaho, nihaba hariho baingi abashazire eishokyе okukira abaabaire bariho obu naatandika. Ati, "Ekyo kiine kakwate ki . . . Oshemereire ku . . ."

Omuntu omwe akagira ati, "Ahabw'enki, Ow'eishe-emwe Branham, abantu bakutwara nka nabi." Hati, tindikugira ngu nkaba ndi nabi. Tihaine n'omwe ohurira ningamba ekyo. Kwonka ninza kugamba eki, ngu ku-ku oraabe waakozire ekyo, ku oraabe nookitwara . . . Ati, "Ahabw'enki otarikwegyesa abantu oku baraattungye Omwoyo Orikwera, kandi n'oku baraattungye eki, kandi n'oku baraattungye ebiconco by'omwoyo bikuru kandi n'okuhwera ekanisa?" Nimbaasa nta kubeeegyesa kubara egumire kunu batarikwija nangwa n'okuhurikiza za ABC zaabo? Nikyo ekyo. Mukore ebintu ebi ebikye. Hika ahansi hanu reero obisangure byona, otandikye gye. Amiina. Ni kirungi.

102 Mbaire ningamba ahari ki, n'obu kiri kityo? Reka tureebe. Timanyiise okuteishuka aha ishomo eryo. Munsaasire, mwareeba. Ni kirungi. "Bamwe omu . . . bamwe omuriitwe tushobeirwe. Eliya ogwo niwe omwe nka . . ." Yee, ahaa, nikyo ekyo. Ngaaha. Eliya ogu oryaija aha Banyamahanga, naija kuba Omunyamahanga oshukirweho n'omwoyo ogwo, ahabw'okuba Ruhanga akakozesa omwoyo ogwo omwe kwiha abantu Be omu muzambaaro buri bwire. Kandi kikahikiiriza ekigyendererwa Kye kurungi, n'ahabw'ekyo Naakigarurira kimwe omurundi ogundi. Ahabw'okuba, mwareeba . . . Habw'okuba, hati, ku Araakozese abarikwetegyereza ab'ahaiguru, abeegire, nibo ab'omuringo ogwo abu Yaakutungire.

Naareeta omuntu otarikumanya na kakye za ABC ze, kandi otarikubaasa kwatura ebigambo bye kurungi, kandi na buri kintu nka batyo; ekintu ekuzire ky'eihamba kuriya ahantu nanka, kandi Akireetemu kandi akishuumizamu kimwe omu bantu abo abanguhi. [Ow'eishe-emwe Branham yaateera eshabari omurundi gumwe - Omur.] Kandi Nibakitunga, batyo. Nibakitunga, mwareeba. Ku Kiraije, kandi ekitogi . . .

103 Nk'oku Paulo yaagizire ati, "Tindaizire waanyu n'okukyenga kw'obwegyeso, kureka nkaija owaanyu omu Maani g'okuzooka." Kikatwariira Ruhanga emyaka eshatu n'ekicweka, eifo okwo omuri Arabia, okubumwihamu, obwegyeso bwe. Kikatwara-Kikamutwarira emyaka makumi ana kubwiha omuri Musa. Mwareeba? N'ahabw'ekyo nikyo ekyo. Ekyo ni . . . Tindikugira ngu Ruhanga ta . . . Tindikuagira obutamanya kushoma n'okuhandiika hati, kureka ni-ningyezaho kubagambira ngu tikirkwetaagisa . . . Obwegyeso tiburi . . .

Obwengye bw'ensi egi nibuhakanisa. Obwegyeso bubaire ekirikuzibira ekirikukirayo obuhango eki Engiri eragizire. Kuri tutaragizire bwegyeso, titukaagizire zaaseminario mpango ezi zonna kandi n'ebintu ebi twine hati. Bakaabaire abantu, abanguhi, abaakubaire nibahurikiza Ekigambo. Kwonka bakyengire munonga kandi baazambaara, kandi bakomeirwe okwo, n'obu kiraabe, ebibiina by'amadiini ebyo, okuhitsya obu barikuza kuguma nakyo. Nikyo ekyo kyonka. Nibatwara omwoyo ogwo.

Oreetegyereize omukazi murungi, akashwerwa omushaija mubi? Ogwo mushaija mubi naaba o-omushaija murungi nk'oku omukazi ari, nari omukazi naaba mubi nk'oku omushaija ari. Mwareeba? Ekyo kihikire. Egyo niyo nshonga eyaatumire Yaagira ati, "Mubarugyemu, naaba ninyeteekateekyera Okutwarwa okwo." Oshemereire kugira orugyero rw'okwikiriza okurikwija kukwiha hanu.

104 EKIBUUZO; Ni ryari obu endagaano, ya Danieli 9:27, yaahamiibwe ahabw'esaabiiti?

Ekicweka kyayo kimwe kikahamibwa, endagaano ego, obu Yesu Kristo yaabaire ari omu nsi naabuurira Abayudaaya. Taragiire omu Banyamahanga, na kakye. Kandi Akagambira abeegi Be ati, "Mutaza omu Banyamahanga." Ekyo kikaba kiri aha Bayudaaya, bonka. Mwareeba? Kandi Akabuurira emyaka eshatu n'ekicweka. Ekyo n'ekicweka ky'esaabiiti ya makumi mushanju, hati, nk'oku Danieli yaagizire ngu Akaba naaza kukora.

Hati mwijukye, Akaba ayorekyeirwe kimwe aha Muyudaaya. Kwonka amaisho gaabo gakahumibwa, kureetaho omwanya ogu gw'Omunyamahanga. Tmurikubaasa kureeba puroguraamu yoona? Mwareeba? Kandi Akeehama We wenka, nabi, yaakora buzima eki nabi yaakukozire, yaabooreka akamanyiso ka nabi. "Eki, Ekigambo kyanyu kyagambire kiti, 'Omuntu ku agira ngu n'ow'omwoyo nari nabi, mureebe eki arikugamba; kandi ku kiraahikiirire, kikaguma nikihikiirira, eki yaagambire, kikagumizamu obutwire.'"

105 Nka, mwaareeba omu Baiburi, kikagira kiti, "Mukongoote, muryaigurirweho; musheruure, muzoore; mushabe, muheebwe." Hati, ku oraije kwetegyereza, ni "okukongoota." Kuguma nookongoota obutoosha. [Oweishe-emwe Branham yaatandika kukongoota aha kituuti emirundi makumi abiri n'eshatu-Omur.] Guma aho honyini. Nk'omuramuzi otahikiriire, akaba atagarukamu omukazi ogwo; akaguma naakongoota aha rwigi rwe. Oti, "Ndi omu mikono Yaawe." [Ow'eishe-emwe Branham yaarekyera aho kukongoota.]

Kutari kusherura, oti, "Mukama, nkaayenzire kutunga eki. Amiina." Ekyo tikyo. Gumaho aho okuhitsya obu

oraakitungye. Noomanya ngu nikiza kwija. N'ahabw'ekyo, Akakiraganisa, n'ahabw'ekyo gumiraho kimwe aho okuhitsya obu oraakitungye. Mwareeba? Hati, hati, omu kicweka ky'aha muheru, esaabiiti ya makumi mushanju, ekicweka kyayo ky'aha muheru kiryabaho omu bunaku bw'Okubonabona, ahanyima y'Okutwarwa kw'Ekanisa. Bwanyima hanu hariho emyaka eshatu n'ekicweka hanu, eryagaruka ekahamibwa aharibo na baanabi, mwareeba, Musa na Eliya, Okushuuuruurwa 11.

106 Hati ka tureebe eki eki kiri:

EKIBUUZO; Ku oraabe ori omwe aha batoorainwe Be, oryatwarwa omu kaabunga omu Mugore?

(Eego. Ahaa. Eego, sebo. Ekyo kyanguhi.)

107 EKIBUUZO; Ow'eishe-emwe Branham, obaire noomanyisa kugamba enkumi mushanju abataratsimbiire maju gaabo Baali, nari magana mushanju?

Enkumi mushanju, nikyo mbaire nimmanyisa kugamba. Ekyo mukinsaasire, mwareeba. Nikyo kimwe o . . . Nikyo kimwe o-omuringo gw'okugamba. Mbaire na . . . Nk'oku, ngambire akaanya akahingwire. Muunyetegyereize nyemereire aho, ngizire nti, "Kandi-kandi bakahamy, nibareeba Omwana gw'Entaama . . . ? Mwareeba? Mwareeba? Omwana gw'Entaama akaba ari omu nsi. Mwareeba?" Baahamya, nibareeba Omwoyo wa Ruhanga naija aha Mwana gw'Entaama."

108 Hati, munda aho, kikagira kiti, "Ogu n'Omwana Wangye ou nkunda, kandi Ou Nshemerererwa." Nimureeba? Hati, ekyo kihandiikirwe omu buryo obuhikire bw'Oruguriiki, kuta engambi omumaisho g'empikiiriza. Kwonka nimwetegyereze hanu, buzima n'eki. Hati kwata Ekigambo kwonka, mwareeba. Baiburi neegamba, omu kuhindura kwa Yakobo Orikwera hanu, "Ogu n'Omwana Wangye ou nkunda, kandi Ou Nshemerererwa kutuuramu." Kwonka, buzima, ku twakukigamba nk'oku tugamba ebiro ebi, "Ogu n'Omwana Wangye ou kunda, Ou Nshemerererwa kutuuramu." Nimubaasa kukihindura, mwareeba. Mwareeba? "Ogu n'Omwana Wangye ou nkunda, Ou Nshemerererwa kutuuramu." Mwareeba? Hati, nitubaasa kukigamba ebiro ebi tuti, "Ogu n'Omwana Wangye ou nkunda, Ou Nshemerererwa kutuuramu." Mwareeba, ekigambo nikyo kimwe, okukihinduraho kwonka. Mwareeba?

109 Hati, eego, manyisize . . . Munsaasire, bantu 'mwe. Ni . . . Kandi-kandi, ab'eishe-emwe, imwe abahurikiize aha ntambi z'amaraka aheeru okwo, n'abanywani, muhurikize. Ekyo timanyiise kukigamba ntyo. Ndi-ndi-ndi omuheereza w'Engiri. Nyowe, emirundi mingi nk'oku ekyo nkibuuriire, mbaire nimmanyisa ngu abo ni enkumi mushanju. Kifiire kubaho naagamba magana mushanju. Timmanyiise magana mushanju. Nkamanyisa, imwe . . . Tinkishomire omu Byahandiikirwe. Kifiire kwija omu biteekateeko byangye obu mbaire ningamba, reero naafa kugamba magana mushanju omu mwanya gw'enkumi mushanju. Enshobe ezo nzikora obwire bwona. Ni-nimpamya ndi omushema, n'ahabw'ekyo munsaasire. Mwareeba? Timanyiise kukora ekyo.

110 EKIBUUZO; Omugore wa Kristo n'Omubiri gwa Kristo, ni kimwe?

Eego, sebo! Mwareeba? Hati, hanu, hati nimureeba, tindikwenda kutandika ahari ekyo, 'habw'okuba nintunga eis- . . . kubuuriraho eishomo, mwareeba. Kwonka tindikuza kukikora. Kwonka niinyenda kubooreka. Ruhanga ku yaahaire Adamu omugore we, okuruga omu rubaju rwe, akagira ati, "N'omubiri ogwaruga omu mubiri gwangye, kandi n'eigufa eryarunga omu magufa gangye." Ekyo kihikire?

Ruhanga ku yaahaire Kristo Omugore We, Omwoyo akaha Omugore omubiri, Akafumurwa, yaacumitwa omu rubaju ahaifo y'omutima Gwe, kandi amaizi, Eshagama, n'Omwoyo, bikarugamu; ekyo kyaba "omubiri ogwaruga omu omubiri Gwe, kandi n'eigufa eryaruga omu magufa Ge." Turi ogwo mubiri n'amagufa; Omugore naija kuba omubiri n'amagufa bya Kristo, kihikire. Bo nibo . . . Ogwo niwe Mugore We.

111 EKIBUUZO; Omugore wa Kristo aryagira . . . Omugore wa Kristo aryagira obuheereza Okutwarwa kutakabaireho?

Buzima. Ekyo nikyo ekirikugyenda omumaisho hati hati, mwareeba, Omugore wa Kristo. Buzima. N'Obutumwa bw'obwire, mwareeba, Omugore wa Kristo. Buzima. Omugore arimu entumwa, baanabi, abeegyesa, ababuurizi b'engiri, n'abariisa. Ekyo kihikire? [Abateeraine baagira bat, "Amiina." -Omur.] Ogwo niwe Mugore wa Kristo. Buzima. Omugore aine obuheereza, obuheereza bukur, obuheereza bw'obwire. Nibwija kuba obwanguhi munonga.

112 Hati mwijukye. Ni bangahi ababaire bari hanu, aha kutandika, obu nta . . . Esaabiiti ehweire, mwareeba, nimwijuka eki naabuuriireho? Obucureezi. Oo, obwo mutabwebwa. Naaza kwemereraho edakiika, kugaruka kurabura ahari ekyo. Mwijukye, Ruhanga ku aranga ekintu kyona kikuru kubaho, abantu nibaba nibareeba hare munonga, omu obwengye bwabo, okuhitsya obu barikuhaba aha kirikubaho. Ruhanga ku agamba ngu ekintu ni kikuru, ensi ekishekyerera. "Ekyo kibiina ky'abashema!" Ekyo kihikire. Kwonka ku ensi y'amaani, n'ekanisa y'amaani ey'ahaiguru, biti, "Mwojo 'we, ekyo ka n'eky'ekitiinisa!" Ruhanga agira ati, "Ekiina ky'abashema!" N'ahabw'ekyo, mwareeba, nimuteekwa kureeba. Tindikukimanyisa obundi omu muringo ogwo, omu muringo ogwo buzima, kwonka okwo nikwo kiri.

Reeba! Hanu hakaba hariho ekanisa nkuru, erikwera ey'aba Orthodox, "Nitumanya Ekigambo. Twine

amashomero. Twine zaaseminario. Twine abashaija baitu abeetegyereize munonga! Ahabw'enki, tutwire turi abeesigwa ahari Yehova okumara emyaka amagana. Niitwe Kanisa. Niitwe Sanihedurini. Twine Orukiiko rw'Amakanisa hanu. Abafarisayo n'Abasadukaayo bombi, n'ebigombe by'amadiini byona, byerundaana hamwe," nk'oku turikwerundaana. Mwareeba? "Twena turi omu kintu kimwe, O-Orukiiko rw'ekanisa. Niitwe abantu bakuru ab'ekitiinisa hanu. Nitumanya Ekyahandiikirwe ekyo. Omuntu omukye, omushema eifo okwo aha mugyera, n'obureju burikureereeta ahamaisho ge, kandi n'ekicweka ky'oruhu rw'entaama, naatugambira ki?"

113 Buzima, Tibakaakihurikiize. Kwonka Baiburi ekagamba, omu kitabo kya Malaki 4 esh- . . . nari eshuura ya 3 eti, "Ndyatuma entumwa Yangye, kutebeekanisa omuhanda omu maisho Gangye." Emyaka magana mushanju na ikumu na ibiri enyima okwo kitakabaireho, Yohaana . . . Oo, nabi omukuru ow'omuri Isaaya akeemerera aho, kandi yaagira ati, "Haryabaho eiraka ry'orkugambira omu ihamba ati, 'Musheemeze omuhanda gwa Mukama, kandi mugorore akahanda Ke.'" Ekyo kihikire.

Kandi yaagira ati . . . kandi Dau- . . . Oo, baingi omuribo! Ati, "Emyanya yoona etungwirwe eryabandikwa." Oo, bakagira bati, "Haryabaho, o . . . Omushaija ogu ku aryaija, aryayorekyerera orukumu rwe, kandi ahigure enshozi. Oo, kandi n'emyanya yoona ey'ahansi, ebiina, eryatunguurwa. Bwanyima byona, egyo n'emyanya yoona etaringaniire, eryaringanizibwa. Ow'eishe-emwe, niitwija kubyara engano omuri buri musiri hanu hoona. Kandi, oo, nituza kukora ebantu bikuru omushaija ogu ku araije." Mwareeba?

114 Bakaba baine amatsiko ngu Ruhanga akaba naija kutwara ekyoma kandi akakitandikisa, akashuumya omuhanda ahansi, ati, "Shuuma, iwe orikubandiza Mesia Wangye." Reero ahonaaho yaaheza kugyenda, bakikurure bakigarure ahaiguru, kandi obuheereza bwe buhwe. Bagarukye bakishuumye ahansi, kandi bakite ahansi hanu aha rubaju rwa seminario, kandi bagire bati, "Ni Kirungi, Mwana Wangye ou nkunda, gyenda oshuume kandi obagambire." Mwareeba,

Oo, mugyensi! Reeba, ku yaizire. N'enki ekyabaireho? Hanu haija omushaija owaabaire atarikumanya amashomero gaabo. Akaba ataine nangwa na kaada y'okukwatanisa. Oo! Akaba ataine amabaruha agarikuhamya eki ari. Ngaaha. Tihaine n'omwe oramanyire yaaba yaaragiireho omu ishomero ekiro kimwe omu magara ge. T'okaabaasize nangwa n'okukimanya ahabw'emigambire ye. Taragambire nangwa n'omu migambire ya . . . y'abanyadiini abatendekirwe. Akagamba aha njoka, empango, n'amahamba, kandi-kandi-kandi n'ebantu nk'ebyo, mwareeba, emit. Taragambire omu migambire y'abanyadiini abatendekirwe b'ebiro ebyo, nari ebi ebi nari ebi ebindi byona.

115 Akaija "nk'omunyaihamba" nk'oku turikukyeta hanu omuri Indiana. Akaruga omu kishaka ahantu nanka. Akaba atamweire, n'eishokyе rimukuriire aha mutwe. Tindikuteekateeka ngu akanaaba; rimwe buri meezi abiri nari ashatu. Kihikire. Tarajwaire mpare n'esaati by'okuraaramu. Taratembire motoka. Tarakuubire amaino ge. Oo, mugyensi! Ogu ka n'omuntu! Ngaaha buzima.

Ngugu yaija hanu, naateera emitsindo kurabira omu ihamba, nka batyo, ati, "Ndi eiraka ery'orkugambira omu ihamba. Musheemeze omuhanda gwa Mukama, kandi mugorore akahanda Ke!"

Bamwe omu beegyesa bakeemerera kandi baagira bati, "Huh! Bati, mushaija 'we, oine ebyawe . . . Titurikubaasa kukwatanisa naiwe omu hururu egi. Hanu, titurikubaasa kukora eki. Mbwenu, eyaawe erahi-kaada yaawe erahi? Ekirikworeka ngu niiwe kirahi?"

116 Akabeehuzya. Akaba aine obutumwa, n'ahabw'ekyo akagumizamu nabwo, nimureeba, naabuurrira nk'obutoosha. Bakagira bati, "Ahabw'enki, rindaho kakye! Mbwenu, ku turaaze eifo kuriya, nituza kutwarayo bishopu, eriizoba, haza tureebe eki araakigambeho. Nitwija kushuumayo ku turaamanye. Abo nibo bakuru b'ekanisa. Kandi nitumanya ngu naateekwa kubaakiira. Ku araabe ari owa Ruhanga, naija kwakiira baabishopu baitu."

Baateebwa eifo kwo boona omu runyiriri, reero baayemerera ebiso okwo, ab'ebitiinisa. Yaagira ati, "Imwe baana b'enjoka 'mwe! Imwe njoka 'mwe eziri omu binyaatsi!" Engoro zijweirwe, kandi "ba faaza abarikwera," n'ebindi nk'ebyo. "N'oha obahabwire kuhunga ekiniga ekirikwenda kwija? Nimumanya obwire bwanyu bwiriire haihi. Mutateekateeka ngu . . . Nimugira muti, "Mbwenu, turi ab'eki, kiriya.' Nimbagambira, Ruhanga ou mpeereza naabaasa amabaare aga kugaihiramu Abrahamu abaana." Oo, mugyensi!

Hati yaaza kutandika embushukane ze, okuruga aha migambire y'abatendekirwe eby'ediini. Ati, "Ningamba ngu empango eteirwe aha kitsintsi ky'omuti! N'ahabw'ekyo buri muti ogutarikwana byana birungi guryatemwa gunagwe omu muriro! Oo, buzima nyowe ninza kubabatiza n'amaizi, ahabw'okweteisa, kwonka Naija enyima yangye. Okwezi kuryahinduka eshagama! Kandi, oo, mugyensi, Aryayeyerera gye embuga Ye! Kandi Aryatwara e-ebishushunga kandi aryabyotsya omu muriro ogutaraara, kandi Aryahunika engano omu kitara. Aryataanisa enkyenzi n'engano." Oo, mugyensi! Ka n'obutumwa!

Bagira bati, "Omushaija ogu? Huh! Agambire ki, bu-bu-bukaba buri bwire ki? Oo, obutamanya! Twine omushaija eruguru kuriya, Ow'eishe-emwe Jones. Niwe mutu orikwija kukora ekyo, ku haraabe hariho omuntu weena omu busingye obu. Bishopu Nanka na nanka aryakikora; Faaza Orikwera Nanka na nanka." Oo, mugyensi! Mwareeba? Ruhanga omu bwanguhi, mwareeba, naakorera omu bwanguhi.

117 Bwanyima, ekintu eky'okubanza nimumanya, ayemereire aho ekiro kimwe, kandi yaagira ati, "Eego, Ayemereire rwagati yaanyu!" Akaba naahamiza kimwe ngu niwe egoy ntumwa. Akaba naamanya eki yaabaire ari. Egoy niyo nshonga eyaatumiye yaabaasa kubatengyesa akabaihaho oruhu. Ati, "Hati, mutatetema, kwonka mufe kugyenda omumaisho kandi mugumizemu. Imwe baserukare 'mwe, mworobere bakama baanyu. Kandi ku muraabe mwakozire ekibi kyona, mutware ekyo . . ."

Tugire tuta? Turekye kukora eki? Turekye kukora eki?"

Akagira ati, "Mugumizemu nk'oku muri. Mugumizemu mutyo. Mugumizemu mutyo. Mugyende omumaisho. Ku muraabe nimuhinga ebitakuri, mubihingye. Mwareeba? Imwe baserukare 'mwe, murekye kunyagisa amaani. Kandi-kandi naimwe mukore eki. Kandi eki muraakore kyona, mugumizemu nk'oku muri. Mworobere bakama baanyu, n'ebindi nk'ebyo."

"Rabi, tukore ki?"

"Mugumizemu nk'oku muri, mwareeba. Kwonka hariho Omwe ahagati yaanyu, ou mutarikumanya." Ekyo akakimanya, obwire bw'obutumwa bwe. Akaba naamanya ngu n'ow'okwanjura Omuntu ogwo. Akaba naamanya ngu Ariho. "Omwe rwagati yaanyu! Timurikumureeba. Ebintu nibigyenda omumaisho, ebi mutarikumanya." N'ahabw'ekyo, kyaba kiri kityo, "Hariho-hariho ekintu ekirikuza kubaho," yaagira ati, "nimureeba, kandi Naija kuba hanu. Kandi niinyija Kumumanya."

118 Kandi bwanyima ya byona, ekiro kimwe, yaagira ati, "Reeba, Ngugwo aho! Ngugwo Omwana gw'Entaama wa Ruhanga orikwhaho ekibi ky'ensi!" Ati, "Kandi obwire bwangye bwahika hati. Naamubanjurira. Nintekwa kugarurwa ahansi hati. Nintekwa kurugaho. Naija kugumizamu kutandikira aha." "Okutegyeka kwa Kristo kw'Emyaka Rukumi nikwija kutandika ahonaaho, mwareeba, kandi n'o-obwire bwiriire haihi."

Bwanyima ku Aryaija, ku . . . Nangwa na Yohaana akagira ati, "Naija kukikora, oo, Naija kwihamo oruhu. Naija ku-Naija kutaanisa engano kuruga omu bi-bishushunga, kandi Naija kubyotsya. Kandi Naija kweyerera gye embuga Ze, kandi orugari Rwe ruri omu ngaro Ze!" Kwonka Akaba ari ki? Mukye, mukye munonga . . .

119 Hati, bakaba bataire puraani yaakyo kyona, "Oo, mushaija 'we! Aryaba aine eicumu eririhika omu bureingwa bwa mailo. Aryayemerera enyima hanu omuri Palesitaini, ayemerere eruguru okwo kandi . . . ahari kimwe omu bicu ebi ebirkwera, kandi akwate Abarooma aba boona, nka bat, kandi abanagye okuzimu. Agumizemu naakora nka batyo, mwareeba, okuhitsya obu Araabasingure boona." Ahabw'enki, ekyo bakaba bakiine kyona kihamire. Kandi ku kyabaireho, Omwana gw'Entaama mukye yaija naagyenda yaabataahamu, ari omucureezi kandi orikutwaza gye, naatsindikwa hanu na hariya.

120 Nangwa na Yohaana akagamba. Hati reeba Yohaana, nabi; akagira ati, "Mugyenda mumubuuze. Buzima kwo Niwe Ogwo?" Akaba ari omucureezi munonga, okuhitsya obu nabi ogwo yaakifeereirwe. Ati, "Niwe Ogwo, nari tusherure ondijo?"

Hati, Taramuhaire ekitabo ahaw'abeegi abo, omu-omu kitabo kya Matayo 11. Bakaija kandi Baamubuuza, obu abeegi ba Yohaana . . . Yohaana akaba ari omu kihome. N'ahabw'ekyo akaba weena yaabangaaniise munonga okuhitsya obu . . . Niinyikiriza ni Pember owaagizire ati, "Eriisho rye ry'empungu rikagiibwaho oruhu, eifo okwo," nimureeba. Akaba naabaasa . . . A-akashuuma omu nsi; akaba yaabaire ari ahaiguru omu mwanya. Kwonka obunabi bwe ku bwahweire, yaagaruka yaaragara ahansi, mwareeba, 'habw'okuba, bakaba bamutaire omu kihome, nimureeba. Amapapa mahango ago gakaba gatakimwiniire mugasho hati, n'ahabw'ekyo akaguma ari eifo okwo. Kwonka akaguruka yaaza ahaiguru munonga okukira abandi boona abaatsigara. Ka ngire eki naabooreka. Ruhanga akamukozesa.

121 Kandi Yesu akaba naakimanya, nimureeba, 'habw'okuba ogwo akaba ari-ogwo akaba ari Ruhanga ohindukire omuntu aho. Mwareeba? Akaba ari . . . N'ahabw'ekyo, A-Akagamba aho, Akagamba . . . Hati, Taramuhaire ekitabo ky'oku araayetware omu kihome; Naagira ati, "Hati mutegyerezeho edakiika. Niinyija kuhandiika ekihandiiko kikye hanu, reero mukigarureyo kandi mugambire Yohaana oku araayetware ari omu kihome, Ahabwangye." Mwareeba? Ngaaha, ekyo Tarakigambire.

Taragizire ati, "Mugyenda mugambire Yohaana ngu akaashemereire kubanza yaatunga diguri ye ya Ph.D. atakarugiremu." Mwareeba? Ku yaakukikozire, akaabaire yaabaire ari n'abandi abaatsigara; akaabaire yaabaire orikwanga kwikiriza. Yohaana akaba ari omwesigwa kandi yaabuuza ekyo kibuzzo.

Kandi Akagira ati, "Mutegyerezze okuhitsya obu oruteerane ruraahwe, reero mugyende mworekye Yohaana ebibaireho, obwo naija kumanya. Ku muraamugambire ebirkugyenda omumaisho, obwo naija kumanya." Mwareeba? Mwareeba? Mugyende mumu. . . Mumugambire. Mumugambire ni . . . Ari omu kihome kandi tabaasize kuba hanu. Kwonka-kwonka mushutamire omu ruteerane, kandi mureebire ebibaireho. Mugyende mumugambire."

122 N'ahabw'ekyo, bwanyima, abeegi baagira bat, "Ni kirungi munonga, Mwegyesa." Bwanyima baagyenda baarengyera aha rushozi. Yesu ashutami aha rukiri oru, naabareeba okuhitsya obu baayambukire kuriya kandi bakanyegyera bakarenga orushozi. Akahindukira abateeraine, yaagira ati, "N'oha-n'oha ou mwagiire kureeba,

omu bwire bwa Yohaana?" Mwareeba? Ati, "Mukaza kureebayo ki? Mukaza kureeba omushaija ojwaire engoro, kandi n'emyenda erikuterera, kandi okyengire munonga kandi oyegire. N'omuntu ow'omuringo ogwo ou mwagiire kureeba?" Yaagira ati,

"Ngaaha. Niumanya abantu nk'abo eki bari? Banywegyea abaana, kandi, niumanya, baakora omu bikaari by'abagabe. Bo, okwo-okwo tikwo Yohaana yaabaire ari." "Mpaho," ati, "mbwenu, ahabw'enki mwagiireyo? Kureeba omuntu ohairwe obuheereza kandi akabutaahiza kimwe omu kibiina ky'ediini, nari ekintu nk'ekyo? Orikutengyetsibwa na buri . . . N'ahabw'ekyo, ab'Obumwe ku-ku baraabe batarikumwenda, naija kuza omu b'Obushatu? Kandi ab'Obushatu ku baraabe batarikumwenda, naija kuza omu b'ekanisa ya church of God, hoonahoona? N'omuntu ow'omuringo ogwo ou mwagiire kureeba, orikutengyetsibwa n'orubingo rwona?

Oo, ngaaha. Ti Yohaana. "Akagira ati, "Mbwenu mukaza kureebayo ki? Nabi?" Yaagira ati, "Kandi ningamba ngu ekyo kihikire. Kwonka naaza kubambira ekintu eki mutarikumanya; akaba naakirira kimwe nabi. Akaba naakiraho.

Ku muraabe nimukunda kukiikiriza, ogu niwe ogwo owaahandiikirweho, omu Baiburi, mwareeba, enyima okwo, Ebyahandiikirwe, 'Ndyatuma entumwa Yangye ekumbandize omumaisho Gangye,' Malaki 3, mwareeba, 'kandi niyo erishemeza omuhanda omumaisho Gangye.' Mwareeba? Kandi tibareetegyereize. Nangwa n'abeegi tibarakyetegyereize, mwareeba. Ekyo kihire. Oo, mugyenzi! Obwanguhi! Ba omucureezi, mwareeba. Shuumira kimwe ahansi . . . Ruhanga ku aragaanisa ekintu kihango, mwareeba, ni kihango omumaisho Ge.

123 Hati, ku muraabe nimwenda burijjo kugumya eki omu biteekateeko, niinyenda ngu mu . . . Eki mukigumye omu biteekateeko. Kandi eki ku kiraabeho, obwo nimubaasa kukihindura. Inaama ahansi kandi ocwe kimwe aha bimuri ebi ebikye omu bunaku bw'enjura ebirikurabya omwaka ogu, nari eibabi ry'ekinyaatsi ky'obutoosha okigumye omu ngaro zaawe, reero ogire oti, "Eki naaza kukigumya hati, haza ndeebe ekintu ekyo, ekyanguhi munonga, ekikozire eki. Kandi niinyenda kureeba obwengye, oburikubaasa kwohereza roketi aha kwezi, nibukora eibabi eri ry'ekinyaatsi." Oryaguma oriine burijjo. Ekyo noobaasa kukihamya otuurize. Oryaguma oriine burijjo. Mwareeba? Eibabi ry'ekinyaatsi riine amagara omuriryo, mwareeba. Kyanguhi munonga kandi kicureire.

Nimureeba, omulu ku araabe ari omuntu mukuru, ni kirungi, kwonka ku araabe ari mukuru ekirikumara okuhitsya obu arikubaasa kuba omucureezi, mwareeba. Aryabona Ruhanga. Kwonka ku araabe atabaire omucureezi, Tarimureeba. N'ahabw'ekyo oshemereire kuba omucureezi. Hati omushororongo . . .

124 EKIBUUZO; Omu kitabo ky'Okushuuruurwa, omushororongo gwa 5:9, ni baahi aba abarikushangwa nibeesho nibeeshongora obu Omwana gw'Entaama aiha Ekitabo ekyo omu-omu . . . atwara Ekitabo ekyo? Aba-aba n'abarikwera abatwairwe?

Ngaaha. Okushuuruurwa 6 . . . 5:9, nimmanyisa. Ngaaha. Ku murikwetegyereza, aba tibari abarikwera. Bakaba ba . . . Takeegaruriga ebintu Bye na hati. Mwareeba? Aba tibari abarikwera. Ku murikwetegyereza, ni abakuru n'Ebihangirwe, kandi nibeeshongora.

125 Reka tukishome, nikwo omuntu ogwo . . . Reero naaza kugyezaho . . . Nyine haihi nk'ekicweka ky'edaazini ebindi hanu, kandi nintekateeka ngu nimbaasa kubimara omu dakiika nkye. Ka tureebe. Okushuuruurwa 5:9. Hati ka tubanze tushome kakyeho. N'ahabw'ekyo, omuntu ogu, hati, n'omwesigwa ahari eki, kandi nibenda kumanya. Mureebe.

Ku yaatwaire-yaatwaire ekitabo, ebihangirwe ebyo ebina n'abakuru abo makumi abiri na bana baagwa ahansi, baajumara omu maisho g'Omwana gw'entama, buri omwe aine enanga . . . n'orwabya rw'ezaabu orwijwire obubaane bw'omugaju, nibyo by'okushaba by'abarikwera;

Baayeshongora eky'eshongoro kisya (mwareeba, mwareeba,) nibagira bat: Oshemereire kutwara (ekyo) kitabo n'okubambuura,

(mwareeba,) . . . (Iwe okatucungura) waacunguriira . . . (Kandi) . . . waatuhindura abanyamurwa n'abagabe . . . Ekyo n'ekiibina ky'omu Iguru, tibakabaire abacungwirwe. Ni kirungi, hati.

126 EKIBUUZO; Ow'eishe-emwe Branham, boona ku ba . . . Hati murindeho akaanya kakye. [Ow'eishe-emwe Branham yaayemerezamu-Omur.] Ninteebereza, ni . . . Munsaasire. Ow'eishe-emwe Branham, boona abarikutiina Ruhanga ku-ku, (yee), abarikutiina Ruhanga ku baraaze omu kaabunga omu Kutwarwa, Eliya na . . . na Musa baryarugahi?

127 Hariho ekintu ekishobire. Hariho ekintu ekishobire. Nikyo ekyo kyonka. Hariho-hariho ekintu ekyabaho. Mwareeba? Hariho ekintu ekyashoba ahantu. Buri mutnu naayehurira gye? [Abateeereine baagira bat, Amiina. "-Omur.] Tihariho . . . tihariho orwaire, nari ekintu kyona? [Ow'eishe-emwe omu bateeraine yaagira ati, "Garuka oshome omushororongo gwa 9, omu kitabo ky'Okushuuruurwa 5."] Ka tureebe, ekitabo ky'Okushuuruurwa . . . Kibaire kirahi, ow'eishe-emwe? Oo, ekibuuzo ekyo! Oo, ekibuuzo eki naagarukamu. Hati ka tureebe. "Iwe . . ." Omwanya oguhikire:

Ku yaab- . . . ekitabo, ebihangirwe ebyo ebina n'abakuru abo makumi abiri na bana baagwa ahansi, baajumara

omu maisho g'Omwanan gw'entaa, buri omwe aine enanga n'orwabya rw'ezaabu orwijwire obubaane bw'omugaju, nibyo by'okushaba by'abarikwera;

Baayeshongora ekyeshongoro kisya nibagira bati: Oshemereire kutwara (ekyo) kitabo n'okubambuura akamanyiso kakyo, Ahabw'okuba oka . . . okaitwa, wa . . . Nkiki hanu! Nkiki hanu! Mbaire nshobize ahari ekyo. Mwareeba? . . . waacungurira Ruhanga abantu n'eshagama . . . ab'enganda zonna . . .

128 Ekyo kihikire. Hati, nimuteekateeka ki ahari ekyo? Oo, Okubaho kw'Omwoyo Orikwera ku kuraabe kutari hanu, ekirho niki? Takaarekire . . . Mwareeba, naashomire ekicweka ky'okubanza kyonka ky'ogwo mushororongo. Mwareeba, ni-ni nk'omusho- . . . nari ekintu ekihandiikirwe hanu, kandi mbaire ningyezaho kukirabamu, ndikureeba ahari egoy shaaha. Kwonka Mwamureeba naanyemereza ahari ekyo? Ekitiinisa! Mwareeba, tinaashomire ekindi kicweka kyakyo. Mwareeba, naahikire hanu, "Kandi . . ." Mureebe hanu, "Kandi ba-baayeshongora ekyeshongoro kisya," reero naayemerera, mwareeba. Kwonka, mureebe hanu, "Ekyeshongoro eki baayeshongoire, nibagira bati, 'Okatucungura waatwiha omu nganda zonna, endimi, n'amahanga.'" Buzima, nibo abo. Mugyenzi! Oo, mugyenzi! Oo, mugyenzi! Mwakireeba? Kandi, ebyo bikiri aho, hariho ekindi kibuuzo ahaifo hanu, nabwo.

129 EKIBUUZO; Okaabaasa (k-u-t-a-n- . . .) kutaanisamu abo abahairwe . . . Mpaho, kutaanisamu "abo abahairwe ebijwaro ebirikwera," ab'omu kitabo ky'Okushuururwa 6:11, n'abo "abaayogize ebijwaro byabo omu Shagama y'Omwanan gw'Entaa?"

Hati reka tureebe, Okushuururwa 6. Tindikubaasa kwehuuta ahari eki, bantu 'mwe, nk'eki hanu, mwareeba, ababw'okuba nikiza . . . Ninja kugarukamu ekintu kubi. Hati, Abaire atarikwenda-Abaire atarikwenda ngu ekyo nnikore. Ago n'amazima, n'ahabw'ekyo mpwera. Omwoyo Orikwera wa Ruhanga naamanya ngu ago n'amazima. Mwareeba? Ndi kakye . . . Hariho nk'ekintu . . . Nfi-nfiire kukireeba . . . Mbaire nindeeba eshaaha, shaaha itaano n'ekicweka, reero naateekateeka nti, "Ku ndaabe ntarahukize hati, tindikuza kushabira abarwaire." Kandi ningyezaho kuhika ahari ekyo. Ahabw'okuba ni . . . Kandi ebiteekateeko byangye biri munonga . . . Tinkaabaasa . . .

Mwijukye, mushemereire kwetegyereza hati, ndi-ndi omuntu, mwareeba. Kandi ma-mazire omunda kuriya ebiro mushanju, kandi ekyangye . . . Kandi nyine ekintu nabwo, eihangwe eri, eki nshemereire kusherura kuruga ahari Ruhanga. Kwonka, abaire Acwereiremu kimwe ngu ntakora egoy nshobe, banshabire kugaruka nkashoma ebitsigaireyo aha mushororongo ogwo.

130 Nfiire ku . . . Nyehuriiremu nk'Ekintu kyanyetooroora ahaiguru aho, reero kyagira kiti, "Garukayo! Garukayo!" Naateekateeka, "'Garukayo'? Niki? Kwemereza hati hati kandi n'okutandika kushabira abarwaire? Kwonka ni-niki? Naakora ki?" Kandi naatandika kuza kukikora, omuntu yaagira ati, "Garuka oshome omushororongo ogwo." Kandi naagaruka naagushoma. Kandi aho, ahansi y'ekibuuzo eki, kibaire kiri aho, mwareeba, "Okushuururwa 6."

Mwareeba, nshomire eky'okubanza. Ekyo nikihurirwa nka kyo, eky'okubanza, mwareeba, "Kandi baayeshongora ekyeshongoro kisya." Kwonka ahansi hanu, nimureeba eki kibaire kiri? Ekirikukurataho, kushuma ahansi, "Okatucungura." Buzima, akaba ari Omugore, abarikwera abaatwairwe. "Okaabaasize . . ." Kandi hanu, buzima, O-Omwana gw'Entaa akaba aine Ekitabo omu mukono Gwe. Akaba arugire omu Kitebe ky'omuteerani ky'embabazi. Mwareeba?

131 Nimureeba oku Omwoyo Orikwera arikureeberera ekyo? Habw'okuba, buzima, ekyo nikyo kintu kimwe eki ngambire ekiro kiri. Ku Yaabaire aherize kugamba naanye omu kishengye, kandi naashuumma naija hanu kandi mwena naababuurrira, nti, "Omwana gw'Entaa ku yaarugire omu mwanya ogwo." Oo, mugyenzi! Hati niinyikiriza nituza kutandika eishomo. Mwareeba, "Omwana gw'Entaa akaba arugire omu kitebe Kye kandi arugireyo," mwareeba, nk'oku naabaire naimukire aho obu Yaabaire ariho, Omushana ogwo, niwe Kristo; obu Yaabaire ariho, nkakigamba. Omwana gw'Entaa ku aruga omuri ekyo Kitebe, aha ky'okuba Omuteerani, Naija hanu, kandi Ekiro ky'Obucunguzi ky'Ekanisa nikiba kyahwa.

132 Obucunguzi obundi oburikwigurwa, n'obw'Abayudaaya, abo emitwaro ikumi na ina n'enkumi ina. Ekyo kihikire? Ahabw'okuba Akaragaanisa ngu Naija kutemaho omuti, nimumanya. Hati, hanu, hati hanu Naarugayo, Omwana gw'Entaa, reeru ekyo Kiro ky'Obucunguzi kihwe. Kandi boona abarikuza kucungurwa, baaherize kucungurwa kandi baatairwe omu Kitabo, mbwenu Ari hanu naashuurura Ekitabo ekyo. Nikyo!

Oo, Yebare, Mukama. Mwareeba? Saasira omuheereza Waawe omutiini ahabw'okugyezaho kurahutsya ekintu.

Hati, okaabaasa kutaanuura "abo abahairwe ebijwaro ebirikwera," b'Okushuururwa 6:11 . . .

Hati ka tureebe, 6:11. Ni kirungi. Hati turahi ahari eki? "Ebijwaro ebirikwera," yee, abo n'a-n'abaabambirwe, ahansi y'eitambiro. A-Abayudaaya, ahagati y'obwire obwo, "Bakaheebwa ebijwaro ebirikwera."

133 . . . hamwe "n'abo abaayogize ebijwaro byabo omu Shagama y'Omwanan gw'Entaa," ab'omu kitabo ky'Okushuururwa 7:14?

Ngaaha. Hati, ekyo kiine omutaano, buzima kwo. Habw'okuba, mwareeba, hanu, nitushanga hanu, ngu "aba bakaheebwa ebijwaro ebirikwera," enyima hanu omu bwire obu. "Bakaheebwa ebijwaro ebirikwera," bo bonka, ahabw'embabazi. Kandi aba hanu, "Bakaba boogize ebijwaro byabo omu Shagama y'Omwana gw'Entaama," kandi enyima omu kitabo ky'Okushuururwa enyima hanu, aba nibo "omutwe muhango gw'abantu abaizire omu maisho ga Ruhanga, ab'enganda zonna, endimi, n'amahanga." Kandi aba buzimazima n'abaafeereire okwikiriza, Abayudaaya, nimureeba. Hati, hati ekyo kihikire, hati.

134 EKIBUUZO; Ow'eishe-emwe Branham, abarikutiina Ruhanga boona ku baraabe baagiire omu kaabunga omu Kutwarwa, Eliya na Musa baryaruga hi? Baryaba bari Abayudaaya? Nari Eliya waitu, otuhairwe, aryaba-aryaba nabo?

Ngaaha. O-Omunityamahanga orishukwaho n'omwoyo ogu, kweta Abanyamahanga, aryaihwaho. Habw'okuba, nimureeba, Ekanisa yoona, yoona, yaatwairwe omu kaabunga. Kandi baanabi aba babiri, ab'omu-ab'omu shuura ya 11, nibareetwa omu nsi. Kandi ekiro ky'embabazi nikihwa aha Munyamahanga, kandi kyohererezibwe aha Bayudaaya. Ngaaha, tarikwija kuba omuntu ogwo omwe. Hati, ekyo ni-ninkihamiza kimwe. Hati mwijukye, ebi n'okumanya kwangye okurikukirayo oku ndikubaasa.

Reka tureebe eki eki kiri, kirikugamba hanu.

135 Ekibuuzo,

EKIBUUZO; "Engano na viinyo bikora . . ." Oo, "Biko . . ." E-n-g-a-n-o. Ngaaha, ninteebereza ki-kimanyisize, "Nibikora . . ." Tikiine "ki" aho. Nikigamba kusha: Enga na viinyo, nari engano na viinyo, bikora ki e . . . by'Okushuururwa 6:6? Reka tureebe eki kiri, ku ndaahikye ahaifo hanu hati, eki hanu.

Naahurira nk'eiraka ahagati y'ebihangirwe ebiine amagara ebina, nirigira riti: Endengo y'engano y'edenaari, n'endengo ishatu za sayiri z'edenaari; . . . kwonka viinyo na . . . amajuta otabishiisha.

Ninteebereza ekyo nikimanyisa "engano na viinyo." Ekyo kibaire kiri kimwe, aha bindi. Nimmanyisa, n'ekirkushushanisa, viinyo erikunywibwa aha meeza ya Mukama y'okushembera, ey' Okushu- . . . ey'omu kitabo ky'Abakorinso eky'okubanza 11:24? "Egyo viinyo ekora-egyo viinyo . . ." Ngaaha. Kimwe omuribyo n'ekirkushushanisa ky'ebi'omwoyo, mwareeba. Kandi ekindi buzima n'o-okushuururirwa kw'Ekgambo.

136 EKIBUUZO; Kikaabaasika kuba kiri ngu enshonga erikutuma baingi bari abarwaire, n'ahabw'okuba tutareetaire aha Mubiri gwa Mukama? (Kihikire!) . . . kwonka hati kishuurwirwe ahabw'okubambuurwa kw'Akamanyiso ka Mukaaga? Hati, reka tureebe. Ka ndeebe ku ndaabe nimbaasa kikitunga hati. Tiiwe; niinye. Tokozire . . . Okakihandiika kurungi; niinye. Kikaabaasika kuba kiri ngu enshonga erikutuma baingi bari abarwaire, n'ahabw'okuba tutarikweta aha Mubiri gwa Mukama? (Ekyo kirihi akabuuza, aha muheru gw'ekyo.)

Mbwenu, Ekyahandiikirwe nikigamba, ngu, "Baingi barwaire kandi baagira amagara mabi omuriimwe, ahabw'okweta aha Mubiri gwa Mukama." Ekyo kihikiire kimwe. Ahabw'okuba, mwareeba, Omubiri gwa Mukama ni Omugore. Kandi baingi omuribo barugaho, kandi tibagyenda Nagwo. Ago n'amazima. Mwareeba, tibarikumanya kwetwara oku kishemereire. Batuura amagara goona agu baakunda; kandi bashembera kandi n'ebindi. Ekyo tikihikire. Mwareeba? Abantu ku bashembera, ababeisha kandi bakaiba n'okunywa ebirikusinza, kandi, ekyo-ekyo-ekyo n'eky'akabi. Timushemereire kukikora. Mwareeba?

137 . . . kwonka hati kishuurwirwe ahabw'okubambuurwa kw'Akamanyiso ka Mukaaga? "Okubambuurwa kw'Akamanyiso ka Mukaaga."

Reka tureebe hati. Ngaaha. Hati, nooshanga, Akamanyiso ka Mukaaga nikabambuurwa hanu, kakaba kari aha Bayudaaya. Mwareeba, E-Ekanisa yaaherize kugyenda. Obu n'obunaku bw'Okubonabona, n'ahabw'ekyo tibikaaba bimwe. Ngaaha. Ngaaha. Tikwo kiri.

Kimwe omuribyo ni viinyo y'omwoyo, okwo n'okushuururirwa Ekgambo, bwanyima o-omwikiriza akyamukirira ahabw'okushuururirwa Ekgambo. Kandi kiriya ekindi n'ekirkushushanisa Eshagama ya Yesu, erikunywibwa aha meeza ya Mukama. Hati, okwo n'okwetegyereza kwangye okurikukirayo aharikyo.

138 EKIBUUZO; Boona abataramanyirwe ira baryaikiriza Mukama? Ku baraikirize, baryagwa?

Tikwo kiri ku baraabe baamanyirwe ira. Ngaaha. Mwareeba, tibakaabaasa.

139 EKIBUUZO; Ekyahandiikirwe kirahi ekirkworeka ngu e . . . ngu Obukatoriki buryabeihabeiha Abayudaaya kandi butware obutungi bwabo?

Hati, "Ni nkahi ahu kirikugamba ngu-ngu-ngu enyamaishwa eryabeihabeiha ahabw'okwenda kutunga eitungo?" Tikirikugamba ekyo. Kwonka nitufa kikitwara ngu ekyo kikaba . . . Hati, ekiro kiri, nimwijuka. Mureebe aha rutambi rw'amaraka mufireyo munonga. Tinaagambire ngu ekyo nikyo baabaire nibaza kukora. Nkagira . . . Mwareeba, Abakatoriki nibo kibiina ekirkukirayo obutungi omu nsi. Tihaine n'omwe ori nkabo. Kandi ebi bataine, Abayudaaya baine ebyatsigara.

Aho niho eby'entasaaya n'ebi'obutungi by'eihanga eri hati . . . Obwa hati nitubeisibwaho esente z'emishoro, kurugiirira aha katabo k'amahurire ka Life line, ngu aha mishoro (erikurugira kimwe Washington, D.C.) neija kushashurwa omu myaka makumi ana okuruga eriizooba. Ezo nizo turikushohoza hati. Okwo nikwo turi enyima hare tutyo, nituha esente z'empapura, mwareeba, aha mishoro erikwija kushushashurwa omu myaka makumi ana okuruga hati. Eihanga tiriine sente. Rihweire.

140 Hati, Castro, ekintu eky'obwengye kyonka eki arakozire, kikaba kiri obu yaakora esente z'ebikwangara reero akashashura esente z'empapura, endagaano z'esente, kandi akazootsy, kandi-kandi akahindura esente. Ekyo nikyo kintu kyonka eki yaabaire naabaasa kukora. Kandi hariho ekintu kimwe kyonka eki eihanga ry'Amerika ritsigaize kukora. Hati mwijukye, ogu ni William Branham, mwareeba, orikugamba. Eki n'ekiteekateeko kyangye. N'okuteebereza kwonka, okukireebera omu buryo bw'obuntu, ekirikubaasa kuba kiri mirioni zaamailo hareho. Niinyikiriza ngu aho honyini, omu sente ezo . . . "Okwetenga empiha n'omuzi gw'ebibi byona." Kandi niinyikiriza ngu nabwo aho honyini nimwo kiritandikira.

Hati, ekanisa Enkatoriki enyima okwo, kuruga omu kushaba sente ahabwa misa, kandi n'ebindi, eine obuntungi bw'ensi. Nimwijuka, Baiburi ekagira eti, "Akaba ari omutungi," kandi nikwo yaabaire ari. Kandi, mwijukye, teri ntungi omu ihanga rimwe ryonka. N'entungi omuri buri ihanga eriraho ahansi y'Eiguru. Neebuga hoona. Eine esente. Hati, eki bataine, Wall Street ekiine, neetegyekwa Abayudaaya.

141 Hati, kandi nimwijuka, akatunga esente obu Yakobo yaagaruka (tukireebire nyomwebazyo ekiro) kandi yaaba Israeli. Buzima akaba aine esente. Kwonka esente ze zikaba zitarikubaasa kugira eki zaamugurira, mwareeba, ahari Esau. Esau akaba aziine, nawe. Mwareeba, bombi nibahakanisa, kandi-kandi ogwo omwe . . . Mwareeba, kihikiire kimwe.

Hati mureebe hanu. Nkagira nti nibabaasa kwenda kweteerana hamwe aha sente, kandi n'o-kandi n'obushoboorozi bw'Abarooma butware obushoboorozi bw'Abayudaaya, kandi n'obw'esente, barikuhenda endagaano egyo. Ekyo nikibaasa okutaba kityo. Mwareeba, nimmanya ngu baryagihenda, kwonka tindi-tindikumanya ni nshonga ki, 'habw'okuba tinshuuuruuriwe eki baryakora.

Kwonka mureebe. Hati, kuri eriizooba, hati kuri eriizooba, ekintu kyonka eki turikubaasa kukora, tukaakozire ki? Ku turaabe nitushorooza emishoro (okugamba okwo ku kuraabe kuhikire) kuruga omu mpiiha, kuruga omu sente z'emishoro z'emyaka makumi ana kuruga hati, nimureeba, ezaabu yaitu e . . . Tugikoreise. Tukyenire. Titwine ka sente koona. Kandi tubeesiibweho eiziina rirungi ry'enyima ryonka.

142 Ekyo nikyo ekanisa erikukora ebiro ebi, ekanisa; atari Mugore. Ekanisa neebeesibwaho eiziina rirungi eri yaatungire enyima okwo ahansi y'obuheereza obw'obwire bw'entare. "Niiwe egyo Kanisa! Niiwe nyin'Ekelezia! Tukatandika . . ." Ekyo kihikire. Mwareeba? Neebeesibwaho eiziina rirungi!

Abametsodisiti nibabeesibwaho eiziina rirungi ryabo. Ababaptisiti nibabeesibwaho eiziina rirungi ryabo. Kandi n'Abapentekoote nibabeesibwaho eryabo. "Ruhanga aheebwe ekitiinisa! Obwire buraingwa obuhingwire, obu abarikwera baabaire bazinira omu Mwoyo, kandi n'oku ba . . . Mukama akakora eki na kiriya." Ekyo, ekyo n'ekintu ekyahingwire. "Twena tukaba ab'amaani hati, ow'eishe-emwe." Oo, mugyenzi! Mwareeba? Byona n'ah'eiziina rirungi eryahingwire!

143 Eihanga eri niribeisibwaho-niribeisibwaho eiziina rirungi eryahingwire ery'eki b'eishenkurubo baabaire bari, mwareeba, kandi egyo niyo nshonga erikutuma twateekateeka ngu turyajunwa. Ruhanga tarateiremu Israeli kitinisa aha ki baabaire bari, eki baabaire batwire; ni eki baabaire bari obunaku obwo!

Mwetegyereze. Kwonka, hati, hanu hariho eki ndikuteekateeka, eki ndi-ndikuteekateeka ngu kiryabaho. Hati, nikibaasa okutaba kityo. Niinyikiriza ngu obwire nibuza kwija obu turaagyemwe kworeka empiha ezishoroozibwe. Kandi ku kiribaho, ekyo, omu mwanya gwaitu okuhindura empiha . . . Ekyo kikaakozire ki Philip Morris? Ekyo kikaakozire ki ahari-zaakampuni za wisiki? Ekyo kikaakozire ki ah'eikorero ry'ebyma? Ekyo kikaakozire ki eby'obushubuzi byona? Ekyo kikaareetsire ki? Ekyo kikaabyemereize. Bikaabuzire sente. Kwonka, kuri, "Nitubaasa kweguza esente ezo." Nimureeba oku ari omunyabwengye? N'ahabw'ekyo eihanga niryeguza ekanisa. Kandi bwanyima ekanisa n'eihanga bigarukye bigaitwe, reero aho eije. Mwareeba? Nikyo ekyo.

Mwetegyereze. Ni kirungi. Hati, omuri eki:

144 EKIBUUZO; Omuntu ku araabe ari omu kwegaita kw'ekibiina okurabira omuri gavumenti yaitu, kandi arikubaasa kugamba eby'omu mutima gwe, nari ari omu Mazima ag'ebiro by'aha muheru, naija kubarwa nk'omwe ahari "baamaraaya"? Reka tureebe.

"Omuntu ku araabe ari omu kwegaita kw'ekibiina ni . . ." Mpaho, mwareeba, okwegaita kw'ekibiina; e-ekibiina, kihairwe obugabe gavumenti, kugamba. Mwareeba, ekyo tikiine kakwate n'omutima gwe. Mwareeba? Hati, ku araabe ari omwikiriza w'amazima, kandi azairwe Omwoyo wa Ruhanga, obunaku bumwe naaza kuzibirwa. Mwareeba? Tikirikubaasa kureebekyera kimwe butunu reero we atakireebe.

145 Hati, nimbenza . . . Mwareeba, nimwetaaga kwijuka eki, munywani, ngu Ruhanga-Ruhanga takikoraga, nari ngu arakikozire obwire bwona, nk'oku ndikubaasa kwijuka, mwareeba, kureka eki . . . Mureebe, Yesu akaba ari-

akaba ari mukuru waabyo byona, 'habw'okuba Akaba ari Ruhanga, Emanueli, ahindukire omuntu.

Hati, mureebe ahari ogu-ogu Muntu, Yesu. Obu . . . Mubaire nimukimanya, obu Yaija omu nsi, hakaba hatariho, ninteebereza, kimwe kya ikumi ky'ensi ekyamanyire ngu Akaba ari hanu? Nimumanya, obu ogwo orikubandiza yaija, obu "enshozi" zoona, kandi n'ebintu byabaire nibiza kubaho, hakaba hatariho na kimwe kya kikumi aha muhendo gw'abantu ba Israeli, ninteebereza, abaakimanyire? Ekyo t'eky'okutangaaza? Ahabw'enki, hakaba hariho Abayudaaya kandi n'ebindi, kandi n'abantu omu nsi yoona.

146 Hati, mwijukye, Yesu akaija kuba kareebi, nk'Omujuni w'ensi. Ekyo kihikire? Ahabw'enki, hakaba hariho abantu, ahanyima y'abantu, ahanyima y'enganda, ahanyima y'abantu, abataakimanyire nangwa na busha. Bakagumizamu, nk'ensi oku yaabaire etaine eki erikukimanyaho; kwonka, obwire bwona, ekyo kikaba nikigyenda omumaisho omu nsi. Mwareeba?

Ahabw'enki Atarabaikiriize ngu bamanye? Akaija, kandi abo abaamanyirwe ira kutunga Amagaara Agatahwaho nibo Abaamwakiire. Tikiyakugizire mugasho okubagambira ekintu kyona abo abandi, ahabw'okuba Takaabaasize kubacungura, ahabw'okuba nangwa bakaba batarikubaasa n'okucungurwa. Ahabw'enki kyabaire kiri kityo, obu abanyamurwa abo baayemerera aho? Kandi obwo, Akaba ashemereire kwija aha mwanya ogwo ahabw'okuba abo abaamanyirwe ira bakaba bacumiirwe kuba omu mwanya ogwo, aho hoona, n'ahabw'ekyo Akaba ashemereire kubabuurira nk'ekibiina.

Kandi abeegi bakuru abaabaire bashemereire kuba Baamumanyire, bakagira bat, "Omushaija ogu ni Belezebuli. Titurikwija kwikiriza Omushaija ogu kututegyeka, kandi n'ebindi, mwareeba. Titurikwija kukikora." Kwonka maraaya omukye okuzire, omuriwe harimu Amagara, owaamanyiirwe ira Amagara Agatahwaho, kandi eiziina rye rihuriire obutahwaho omu Kigambo kya Ruhanga hanu. Akainamuka aho, kandi, omurundi gw'okubanza obu Omushana ogwo gwajwera egoy mbibo nkye, jubajuba ogwo mukazi akakimanya. [Ow'eishe-emwe Branham yaateera enkomyo n'orukumu rwe omurundi gumwe -Omur.]

147 Mureebe, omushohi okuzire akaija aho. Ngugu Yaayemerera aho, naakora obumanyiso n'eb'yokutangaaza, kandi-kandi naagambira abantu abatari bamwe enaama z'omu mitima yaabo, kandi Naayeshuuura. Kandi, mugyenzi, hakaba hariho Abafarisayo beemereire aho, reero baagira ati, "Ogu Mushaija ni Belezebuli."

Bakaba nibateekwa kugarukamu ekibiina kyabo. Boona bemereire aho, "Dokita Jones, nooza kushuuma eifo reero ohurikize Omushaija ogu? Na-Naareebeka nk'orikumanya eki Arikugambaho. Tarikugamba nk'omuntu wa buriijo."

"Niinyija Kumuhurira." Yaashuumayo, mwareeba. Yee, Ruhanga-Ruhanga takaabaasize kumuhikaho. Kandi aho Akeemerera eifo okwo, kandi Yaagira ati . . .

Bakagira bat, "Hati mureebe kuriya. Mureebe kuriya. Aho haija Omushaija aho. Ngugwo omwe aha beegi Be. Ngugwo omushaija yaarugayo hati. Hati, eiziina ry'omushaija ogwo, ni Anderea. Nimwijuka. Oo, nimwijuka abashohi abakuzire-abakuzire eifo hanu? Nibo abo. Yee, hari-hariho Simooni, omurumuna. Mwareeba? Kandi abo-abo n'abaana ba Yona omugurus. Hati aho baka . . . Mureebe, Na-Naamureetera omuntu. N'oha? Yee, mureebe eki Arikuzuka kukora hati.

N'o-n'orikukurataho eruguru hari." Kandi yainamuka. Kandi Yaagira ati, "Eiziina ryawe ori Simooni, kandi ori mwene Yona."

148 "Omushaija ogu ni Belezebuli! Mwareeba, Aine nk'omwoyo Ahariwe. N'Omuntu ow'omutaano. Mwareeba? Murabireho kimwe, mwna mutahrikiza busha nk'egyo, mwareeba. Aho muheetantare. Tinkaagiire omu nteerane ezi bundi, na kakye, mwareeba. Ahonaaho ekintu eki ku kiraahwe, nituza kushohora turugye hanu. Titurikwija kuruga aha, omu mwanya ogu omurundi ogundi." Mwareeba?

Ahabw'enki? Hati, ekyo nikyo yaateekateekire, kandi obwo yaabaire ashemereire kuba ogwo. Mureebe, abo bonyini abu Yaiziriire nibo bonyini Abaamubambire. Mwareeba? Kwonka hakaba hariho maraaya omukye ou buri omwe yaabaire ashohoize! Tindikuagira obwamaraaya. Ngaaha, buzima! Kureka nimbooreka Embiboyaamanyirwe ira kwonka.

149 Mureebe ogu mushaija hanu, ogu mushohi okuzire, takaabaire naabaasa ku . . . Baiburi ekagira ngu akaba ateegyesiibwe. Ekyo kihikire? T'ekyo kyonka, kureka akaba ari mubisi. Hati, ekyo kihikire nari kigwire? Oo, ku twakubaasa kuba babisi aha bintu ebi bingi ebi turikuteekateeka ngu nitumanya. Mwareeba? Ni kirungi. Mwareeba, akaba ari byombi mubisi kandi oteegyesiibwe. Reero yaaza eruguru okwo omu Kubaho kwa Mukama Yesu, kandi Yaamugambira ou yaabaire ari. Ago magingo ekyo kikamara.

Hati, ezindi mpaka z'omushaija ogu ahari ekyo nizihi? "Mpaho, mureebe, akakiiriza.

Mureebe ou ari. Nimumanya ogwo ou ari. Mbwenu, omushaija ogwo tara . . . Ahabw'enki-ahabw'enki, n'omushohi. Ahabw'enki, tarikumanya za ABC ze. Nkamuguraho eby'enyanja; akaba atarikubaasa nangwa n'okumpandiikira risiiti. Ekyo, mwareeba, nikyo ekintu nk'ekyo! Nibo bantu nk'abo abarikuhurikiza ekintu nk'ekyo." Mukama Asiimwe. Amiina. Mwareeba? "Ahabw'enki-ahabw'enki, tariku. . . Mureebe ishe; akaba ari

mubisi. Taraboohereize nangwa n'omu ishomero.“ Kureka niwe ogwo ou Yaayohereize aha ishomero; akeegyesa omuringo ogu Yaabaire naayendamu.

150 Tindikushagika okutaza omu ishomero, hati. Nyine amatsiko ngu nimwetegyereza. Kureka hariho ekirikushushanisa, mwareeba, eki orikutunga omuri ekyo. Ogwo nigwo muringo, n'enshonga erikutuma kyabaraba ahaiguru.

Kandi nimumanya ki? Tihariho n'omwe . . . Nkaagizire, nti tihariho na kimwe kya kashatu ky'Abayudaaya boona omu ihanga abaamanyire ekintu kyona aha kwija Kwe. Kandi-kandi, bwanyima, kimwe-kimwe kya kataano kya kimwe kya kashatu Bakamuhurikiza. Kandi, obwo, kimwe kya kikumi kya kimwe kya kataano bakakyakiira. Nimumanya abu Yaabaire aine oku baabaire nibaingana. Akaba aine ikumi na babiri beemereire aha musharaba aho, omu kibiina kyona. Abandi abatsigara barahi? Mwareeba? Makumi mushanju bakarugaho.

151 Hati, obu Yaabaire naatambira abarwaire, kandi naagumizamu kwonka, Atarikugamba kintu kyona aha Nyegyesa Ye; Akagumizamu omu maisho, naatambira abarwaire na buri kintu. Oo, mugyensi! Ogwo, ogwo akaba ari Omwoyo wa Ruhanga Omuriho. Ekyo nimukiikiriza? [Abateeraine baagira bat, “Amiina.”-Omur.] Obu Yaabaire naatambira abarwaire, n'eky'okutangaaza! “Ogwo ni Rabi omukuru. Ati, imwe mwena ab'eishe-emwe, mwena mushemereire Kumweta omu kanisa zaanyu. Mwojo 'we, gamba aha maani, Omushaija oriya naabaasa buzima kutambira abarwaire! Mushemereire kumureeba. Aine ekiconco ky'okutamba.”

Mpaho, hatariho kubangaanisa, nibaza kugira abarikutooreza ahari ekyo. Mbaba hanu baija, 'habw'okuba buri kibiina kishemereire kugira omuntu waakyo. Ngugu hanu Yaija.

Kandi bwanyima, ekintu ky'okubanza noomanya, ekiro kimwe Akashutama ahansi.

“Oo, buzima, Rabi, nitwija kugyenda Naiwe.”

152 “Ni kirungi, mushutame ahansi. Ka tuyende.” Ni kirungi, Yaayohereza makumi mushanju abo, n'ebindi nk'ebyo.

Bwanyima ekiro kimwe, ahanyima y'eky'amahano ky'amaani kukorwa, Akashutama ahansi kandi yaatandika kubagambira Ekigambo, mwareeba. “Aha kutandika kw'okugamba kwa . . .” Ni kirungi. Akatandika kubagambira Ekigambo, Amazima.

Bakagira bat, “Aa, hati, rindaho edakiika! Hum! Tindikumanya ahari Eki.” Kitaine n'enyegeyesa yaabo. Ati, “Mbweni, nimmanya ngu tukatsigaho sinagogi na buri kintu nk'ekyo, kwonka obundi tu-tubaire tugwire, ab'eishe-emwe. Kikaabaire kirungi tugarukyeyo, 'habw'okuba Omushaija ogwo agambira omu nfumu. Ni nk'Omuntu otari wa burijjo. Ekyo tindikubaasa kukyetegeyereza.”

Mwareeba? Kikaba kiri ki? Embibo ekaba etaramanyirwe ira kuruga aha kutandika. N'ahabw'ekyo, ekintu eky'okubanza nimumanya, Akaba aine ekibiina kikye ky'abaheereza, kandi yaagambira abaheereza. Baagira bat, “Ah! Hum! Ekirungi tugarukyeyo, naitwe, kandi tugarukyeyo reero tutaahe omu bikiina by'amadiini, tugarukane ebihandiiko byaitu, mwareeba. Habw'okuba, Omushaija ogu, ahabw'enki, n'oha orikubaasa kwetegyereza Omushaija nk'oriya? Naagamba eki hanu, kandi naagamba eki hariya.

Aa!“Abo abandi Tibarakyetegyereize batyo.

153 Akaba naayoreka enfumu ahari bamwe omuribo, kwonka atari aha bandi abo. N'ahabw'ekyo bakamurugaho. Bwanyima Yaahinduka kandi yaareeba bari ikumi na babiri beemereire aho. Yaagira ati, “Nimwenda kugyenda, naimwe?” Mwareeba?

Hati mureebe. Petero akagira ati, “Nimumanya ki? Nkashomera omu mwanya ogwo ogwa ira eifo kuriya obwire bwona. Ni nkahi ahi naakugiire? Nkaagiire hi? Ni nkahi-ni nkahi ahi naakugiire? Ahanyima y'okukora omurimo hanu . . . Kandi tindikubaasa kugaruka omu debe ya kasasiro eriya omurundi ogundi, ahi ebyondo by'emiringo yoona by'ensi bigirimu. Mwareeba? Ni-ni . . . Nkaagiire nkahi? Ti-tinkaabaasa kukikora.”

Akagira ati, “N'ahabw'ekyo, ni kirungi, mwije, mugumizemu.” Hati, nikyo ekyo. Mwareeba? Ekyo oku kyabaire, obunaku obwo? Ikumi na babiri kuruga nk'omuri mirioni ibiri n'ekicweka. Kandi Omujuni w'ensi, okuruga omuri za birioni, beitu obwo acureire, mwareeba. Guma ocurereire. Mureebe.

Hati, n'abo Bafarisaayo boona; kandi maraaya mukye ogwo akarugayo aho. Maraaya yaagamba, “Ati, Nooteekwa kuba ori nabi! Hati, nitumanya ngu Mesia naija, kandi ku Ariija Aryakora ebyo.”

Yaagira ati, “Niinye.”

Maraaya yaagira ati, “Nikyo ekyo,” kandi yaarugaho yaagyenda. Iwe oyezeho na rimwe kumuzibira? Tokaabaasize kukikora.

154 EKIBUUZO: Ow'eishe-emwe Branham, ninkuramutsya omu Izina rya Mukama Yesu. Nyaabura 'we shoboorora ou omuntu, omuri Matayo 22:11, omuntu owaabaire atajwaire kijwaro ky'obugyeniyi bw'okugaitwa, otajwaire kijwaro ky'obugyeniyi bw'okugaitwa. Nimmanya ngu omushaija ogu takaabaasize-takaabaasize kuza

omu Iguru atajwaire kijwaro ky'obugyenyi bw'okugaitwa. Ogu akaba ari omugyenyi, nimmanya, t'Omugore.

Eego ekyo kihikire. Akaabaire ari . . . Yee, akashensheramu kwonka. Mwareeba? Hati mureebe. Hati, ni . . . Ekyo kikaabaasa kutwara eishomo ryona. Hati nyine edakiika ikumi, kushabira abarwaire kandi n'okuheza eki. Kandi naamaraho ekicweka kyabyo, ninteebereza. Mwetegyereze. Kwonka ninza-ninza kurahutsya, kihikire, buzima kwo, ahanyima y'eki. Mwareeba?

155 Nkiki hanu ekyabaireho, ku muraabe nimumanya emicwe y'amahanga ga Asia. Mwareeba? Kishwera ku aha za kaada z'okweta abantu aha bugyenyi bwe bw'okugaitwa, aha za kaada nyangi munonga. Kandi buri kaada ei yaabaire ayohereza, akaba aba aine omukozi oyemereire aha irembo, kumujweka ekijwaro. Yaaba yaabaire ari omworo, nari eki yaabaire ari kyona, akaba aine . . . ku araabe yaabaire ari omutungi nari omworo, eki kyabaire kiri kyona, we, boona, bakaba nibateekwa kujwara ekijwaro eki ky'obugyenyi bw'okugaitwa.

Ku baabaire beemerera aha irembo, bakaba bamujweka eki, kishweka ebi yaabaire aba ajwaire. Yaaraarikwa, yaaba ari mirioniya nari yaaba ari omworo orikweyaguza orugusyo, yaaba ari omuhingi, nari omurimi w'ebiina, nari eki ari kyona, nari omutegyeki, ari-ari hanu ajwaire ekijwaro hati. Ahabw'okuba, ekijwaro nikimujwekyerwa aha irembo, yaataahamu okuraba aha irembo.

156 Hati, mukwate Orirkwera Yohaana 10, niinyikiriza nikyo, Akagira ati, "Niinye irembo." Mwareeba? "Niinye irembo erirkutaasya . . . erirkubataasyamu." Hati ngugwo ayemereire aha irembo, kandi ngugu Omuntu ogwo ow'okumujweka ekijwaro, Omwoyo Orirkwera, kumuha ekijwaro ky'okuhikiirira ku araataahemu.

Hati, omushaija ogu akaba aizire kurabira omu kibiina kimwe ky'ediini, enyima omu dirisa enyima hanu, omu mwina gumwe gw'okushensheramu. Kandi akataahamu yaaza aha meeza kandi yaashutama. Kandi bwanyima Kishwera ku yaizire haza akaranza oku n'oku, akaba ari . . . we . . . Aba bakaba baabaire bari abantu b'omutaano, okubanza, hati niwe muntu w'omutaano. Mwareeba? "Nookora ki hanu batyo, otabatiziibwe n'Omwojo Orirkwera kandi n'ebintu ebi byona? Hanu waataahiremu ota?"

Mpaho, akataahiramu ahanti hantu ritari irembo. Kandi akaija ataraarikirwe omu muringo ogurigwo. Mwareeba? Akaija kurabira omu ntawaza y'ebi'owwegyese, mwareeba, nari ekindi kintu nk'ekyo. Akataahamu. Kandi Akabagira ati, "Mumubohe, emikono n'amaguru; mumwihe hanu, mumunagye aheeru omu mwirima, okwo niyo abantu bariririra, bakaborooga, bakanena enhaya." Mwareeba? Akaza omu bunaku bw'Okubonabona. Mwareeba? Tarataahiremu kurabira omu irembo. N'ahabw'kyo, ni kirungi. Ekibuuzo:

157 EKIBUUZO: Eliya owa Malaki 4 aryaba niwe omwe nk'ogwo ogambirwe omu kitabo ky'Okushuuuruwa 11:3? Kandi bari bajurizi ba- . . . Bari bajurizi babiri n'abantu abatarikushushana, batarikushushana?

Eego. Eliya wa Malaki 4 tarikwija kuba Eliya wa Malaki 3. Ekyo tukishobooroire, ekiro ekihweire. "Kandi bari bajurizi tibarikushushana, abo babiri?" Eego, sebo, Musa na Eliya; aha kushuuuruwa kwaitu. Hati, tindikwenda kubakyerereza hanu munonga.

158 EKIBUUZO: Ekitabo ky'Abagabe eky'okubanza 19, Ow'eishe-emwe Branham, niinyikiriza ngu omubaro gw'abataratsimbire maju gukaba guri kash- . . .

Yee, ekyo kihikire. Magana mushanju omu mwanya gwa . . . Yebare. Ekyo kihikire. Gubaire guri magana mushanju omu mwanya gw'enkumi mushanju . . . "Ow'eishe-emwe Branham . . ." Mwareeba? Enkumi mushanju omu mwanya gwa magana mushanju. Hati, ekyo mwakireeba?

159 Nimumanya, buzima, omuntu ku aija bat, oku-okubuurira . . . Niinyenda kugira eki naababuza, hati, kugira ngu mwetegyereze. Eliya ogwo ku yaizire kuruga omu ihamba, akaba aine obutumwa bumwe. Akajumbukirayo kimwe kuruga omu ihamba eryo, kandi yaashuumira kimwe kandi yaagambira omugabe ogwo ati, "N'orume tirurigwa kuruga omu iguru okuhitsya obu ndaaruragiire." Ebyo nibyo bigambo ebi yaabaire aine. Kandi yaagarukayo naaribata n'emitsindo, kandi tiyaagambira omuntu weena ekintu kyona. Mwareeba?

Ku yaatungire obundi butumwa, akashuma yaizira kimwe kandi yaagamba obutumwa obu. Kandi yaahinduka, yaagaruka omu ihamba. Mwareeba?

Hati, ku muraayetegyereze, obu naata eibaare ry'aha nshonda ahansi y'egyo tabirinaakuru, Akagira ati, "Kora omurimo gw'omubuurizi." Kandi hati obwire nibwija obu omurimo ogwo gurikwebaganisamu. Hariho ekintu ekindi ekirikubaho. N'ahabw'ekyo ndi nko . . . Mwareeba, nimpika hanu kandi ngeyzaho kubuurira kandi n'ekintu ekindi, mbwenu nooreeba abu ori? Mwareeba? Muri . . . Oo, nyi-nyine amatsiko ngu ekanisa n'ey'omwoyo ekirikumara kwetegyereza.

160 EKIBUUZO: Ow'eishe-emwe Branham, Niinyetegyereza ngu Eliya naateekwa kubaho kashatu. Nootugambira ngu yaaherize kubaho kabiri ahu turikugambira, kandi aryagaruka ogundi murundi. Mbwenu, omuntu ogwo, ou omwoyo gwa Eliya guribaho, nawe aryaba omwe aha bajurizi babiri ba Musa na Eliya kuriya?

Ngaaha. Ngaaha. Aryaba Omunyamahanga, mwareeba, aha Kanisa y'Abanyamahanga. Ruhanga atuma, buruijo, aha bantu Be, mwareeba. "Akaija ahari Abe; abaabaire bari Abe Tibaamwakiira." Buruijo Ayohereza Abe, Obutumwa bw'obwire.

Obu Ruhanga yaabaire naakoragana hamwe n'Abayudaaya, tiharaimukireho baanabi boona b'Abanyamahanga. Ruhanga yaaba naakoragana hamwe n'Abanyamahanga, tihariho baanabi b'Abayudaaya boona. Ruhanga yaahindukira Abayudaaya, tiharikwija kubaho baanabi b'Abanyamahanga. Mwareeba? Mwareeba eki ndikumanyisa? Ni kirungi.

161 EKIBUUZO: Okutwarwa kwaheza kubaho . . .

Hati, haryabaho obwire bw'okuheerezana, hatariho kubangaanisa, Obutumwa bumwe okubuheereza ondijo. Nikiteekwa kutaahiramu kimwe nka bat, nimureeba, nk'oku ekyo nkishobooroore, mwareeba; nka Paulo aha Banyamahanga, n'ebindi nk'ebyo. Ni kirungi.

EKIBUUZO: Ahanyima y'Okutwarwa kuheza kubaho, hariho weena ow'ekanisa orijunwa aha muheru, otaragiire omu Kutwarwa?

Ngaaha. Ahaa. Habw'okuba, Eshagama yaaherize kurugaho. Nimureeba, tiharibaho okutonganirira. Obusingye bw'Abanyamahanga buhweire. Tiharibaho n'omwe owaajunwa ahanyima y'Okutwarwa, nari tihariho n'omwe ow'ekanisa, huh-uh, egyo kanisa. "K'osiisikaire, agume asiisikaire; ogwo orikwera, agume ari orikwera." Mwareeba? Ekyo tikiribaho, mwareeba, taribaho ahanyima y'Ekanisa kugyenda.

162 EKIBUUZO: Ow'eishe-emwe Branham, naakwetegyereize, okugamba kwave aha saabiiti makumi mushanju za Danieli aha Butumwa bw'Akamanyiso k'Okubanza. Niinyetegyereza, ahari Danieli, aha rutambi rw'amaraka rwa Danieli, Engiri ku eraagarukire Abayudaaya, esaabiiti makumi mushanju ziryatandika. Hariyo emwe ya makumi mushanju . . . esaabiiti emwe, emyaka mushanju, etsigaire ahabw'Abayudaaya? Nari, nabwo, hariyo ekicweka kimwe ky'esaabiiti kyonka, emyaka eshatu n'ekicweka etsigaire ahabw'abo?

Ekicweka kimwe ky'esaabiiti kyonka. Yesu akaragura, ekicweka ky'okubanza ky'esaabiiti, nk'oku kyabaire kirangirwe. Batsigaize ekicweka kimwe ky'esaabiiti kyonka.

163 Ow'eishe-emwe Branham, obu otaashabiire abarwaire omu saabiiti egi, noija . . . ?

(Okwo n'okushaba kwonka ahabw'ekyo.)

164 Ow'eishe-emwe Branham, noija kundeeba ahanyima ya saav- . . . ?

(Okwo n'okushaba, mwareeba, aho.)

165 Nyaabura 'we okaashoboorora ahari Sitaane okubohwa emyaka rukumi, kandi n'okurekurwa ahabw'orugamba rwa-orugamba rw'Okushuururwa 20:8? Eki kiine buzaare ki n'Orugamba rwa Haramagedoni nk'oku kigambirwe omu Kamanyiso ka Kana? Googi na Magoogi baryarudaanwa kuruga omu bantu b'ensi ensya?

Mbwenu, eki ni kiraingwa, kandi ni-ninza kuteekwa kukwata aha by'omugasho byakyo, mwareeba. Hati, ekintu ky'okubanza, "Noi . . ." Hati, obundi tindikubaasa kukishoboorora. Ninja kukora oku ndikubaasa.

166 EKIBUUZO: Nyaabura 'we noobaasa kushoboorora oku Sitaane arikubohwa emyaka rukumi, n'okugaruka akakomoororwa ahabw'orugamba rw'Okushuururwa 20:8?

Orwo ti rugamba rwa Haramagedoni. Orugamba rwa Haramagedoni nirubaho aha rubaju oru, mwareeba, ni kirungi, obunaku bw'Okubonabona ku buraaahwe.

EKIBUUZO: Hati, eki kiine kazaare ki hamwe n'Orugamba rwa Googi na Magoogi?

Tikariho. Kimwe n'egi myaka rukumi, kandi ekindi n'omuheru gw'e-omuheru gw'emyaka rukumi.

EKIBUUZO: . . . nk'oku kigambirwe omu Kamanyiso ka Kana? Googi na-Googi na Magoogi baryarundaanwa kuruga omu bantu b'ensi ensya?

Sitaane akabohoororwa kuruga omu kihome kye, kandi yaaza kurundaana abantu boona, ababi, kubareeta omu mwanya ogu. Kandi Ruhanga akagwisa omuriro n'obuganga bw'ekibiriiti kuruga omu iguru, kandi baacwekyerera, mwareeba. Engamba ibiri, zoona hamwe. Ekibuuzo:

167 EKIBUUZO: Ekikwatsire ahari mirioni makumi mukaaga na munaana abaitsirwe ekanisa y'Abakatoriki ya Rooma, ni bwire ki omu byafaayo obu eki kyabaireho? Kandi eki kikabaho kumara obwire oburikwingana ki?

Kwata ekitabo kya Schmucker ekirikwetwa Glorious Reformation. Ninteebereza bamwe omu bashomire aba ekyo bakiine. Kandi n'ebyaafayo by'ekanisa. Kandi hati naayebwa orupapura oru kiriho, kwonka kikabaho kuruga omu bwire bw'e-e. . . ekintu kikareetwa, nari kikaheebwa ekanisa, Orikwera Augustine wa Hippo, Afrika. Ogwo gukaba guri omwaka gwa 354 A.D. Kandi kikamara okuhitsya 1850, okucwekyereza kw'abantu ba Ireland, mwareeba. N'ahabw'ekyo obwire obwo n'okuruga omu mwaka gwa 33 A.D nari ogwa 30 A.D. . . . 354. Reka ekyo nkigorore, hati, mwareeba. Kuruga A.D. 3-5-4 okuhika-okuhika A.D. 1-8-5-0, 1850, kurugiirira omu byafaayo, bakaba bari Abapurotesitante mirioni makumi mukaaga na munaana abaitsirwe, abahandiikirwe omu kitabo ky'Abarooma ky'abaafeereire okwikiriza, ahabw'okutaikirizana na paapa wa Rooma. Ebyo n'ebyaafayo. Ku oraabe

nooyenda kugira ngu kigwire, mpaho, kyaba kiri kityo, shana obundi George Washington akaba atari hanu, nari Lincoln. Nimumanya, tihariho n'omwe omuriitwe owaabaire ariho enyima okwo kukireeba. Kwonka niinyikiriza ngu bakaba bari hanu, n'obu kiraabe. Nindebra obumanyiso ngu bakaba bari hanu.

168 Ow'eishe-emwe Branham, eshuura ya 19 ya . . . kandi n'omushororongo gwa 18, "Kwonka nyetsigiireho abantu enkumi mushanju omuri Israeli, enkumi mushanju omuri Israeli, boona abatakatsimbiraga agaab . . . abatakatsimbiraga Baali amaju, kandi na buri kanwa . . . nari-nari kutsimbira Baali amaju, kandi na buri . . . abatakamunywegeraga, eminwa etakamunywegeraga." Nyaabura 'we eki kinshoboororere, ahari-ahari abo magana mushanju.

Zibaire ziri enkumi mushanju. Mwareeba? Kandi ngu, "okunywegyera Baali," timurikumanya. . . Ni bangahi hanu abaabaire bari Abakatoriki omu kubanza? Buzima. Mwareeba? Nimunywegyera ebishushani. Mwareeba? Kandi, mwijukye, omu bwire bwa Babulooni na Nebukadeneeza, obu obugabe bw'Abanyamahanga bwatandikwaho, mwareeba; obugabe bw'Abanyamahanga obu bwatandikwaho, bukataahamu n'okuramya omuntu.

169 Nebukadeneeza akabaija ekishushani ky'omuntu. Kandi ku muraabe mwine enteekateeka y'omwoyo, hati muhurikize okushuuruurirwa oku. Omwoyo ogwo, ogwo muntu ou yaahindwire okushuuruurirwa kwe, nari ou yaakoziremu ekishushani, ahabw'okushuuruurirwa kwe, akaba ari Danieli, omuntu omunyadiini arikuramibwa. Mwakireeba? Ahabw'okuba, akamweta Beliteeshaza, tiryo? Nari, Beliteeshaza, eryabaire riri eiziina rya ruhanga we. Kandi akakora ekishushani kya ruhanga ogwo, ekyabaire kiri ekishushani kya Danieli. Kandi Danieli akanga kwinamira ekishushani kye kyonyini. Mwareeba? Kandi nkiki hanu omurundi ogundi, mwareeba.

Hati mureebe. Obugabe bw'Abanyamahanga bukatandikwaho, omu biro bya Babulooni, n'Omugabe Nebukadeneeza; omugabe w'Omunyamahanga naateerana ekanisa n'eihanga hamwe, ahabw'okutwara ekirikwera ekish- . . . nari ekishushani ky'omuntu orikwera, kandi n'okugyema okukiramya. Obugabe bw'Abanyamahanga nibuhereerukira omu bigyere, hamwe n'ekiganja nikihandiika aha kisiika, ahabw'obushoboorozi bw'ebi'obutegyeki obugaitsire ekanisa n'eihanga hamwe; okugyema kunywegera ebishushani ebirikuramibwa omurundi ogundi, nimureeba, ekintu nikyo kimwe, ekishushani ky'omuntu orikwera. Buzima.

170 EKIBUUZO: Ow'eishe-emwe Branham, Okutwarwa oku ku kuraabeho-Okutwarwa ku kuraabeho, abaana bato abatarikumanya ekihikire n'ekigwire baryaza omu Kutwarwa?

Amaziina gaabo ku gaarabe gari omu Kitabo. Yee. Ekyo kihikire. Mwareeba. Ni kirungi.

171 EKIBUUZO: Ow'eishe-emwe Branham, ogambire ekiro kya nyomwabazyo ngu e . . . bakaba bari abantu magana mushanju ab'okujunwa, abaakubaire nibajunwa omu kubuurira kwa Eliya. Omanyiisize enkumi mush- . . . ?

Yee. Ekyo kihikire. Nyaabura 'mwe munsaasire ahabw'ekyo, mwareeba. Ekyo ni kirungi, mwareeba, nkikozire.

172 EKIBUUZO: Ow'eishe-emwe Branham, noija kushoboorora . . . Waaheza kubambuura . . . Ow'eishe-emwe Branham, o-o (o-bu-si- . . .) obusingye . . . Munsasire. "Obusi- . . . burya . . ." Hati, tiiwe. Niinye, mwareeba. Obusingye bw'embabazi nibwija kuba buhweire, waaheza kubambuura Akamanyiso ka Mushanju?

Nyne amatsiko ngu tikwo kiri. Ngaaha. Ngaaha. Banywani, ekyo mutakita omu biteekateeko byanyu hati, mwareeba. Imwe mugumirizemu kimwe mugyende omumaisho. Mutabire ebitakuri, kandi muze aha kanisa, kandi mugumizemu. Ku kiraabeho omu kasheeshe, mushangwe nimukora buzima ebi mushemereire kuba nimukora.

Muta-mutatandika . . . Mwareeba, ku muraakikore, nimomyora ekintu ekyo kyonyini kukiiha aha-aha kigyendererwa eki kigyendereire. Nimutunga ebiteekateeko ebitari bya burijo, kandi mutunga ebiteekateeko byanyu ahabwanyu aha bintu. Mutagira ekiteekateeko kyanyu ahabwanyu. Ku muraashutame kandi mukahurikiza ebintu nk'ebyo, mukagira muti, "Yebare, Mukama. Ninja kugyendera haihi munonga Naiwe." Mwareeba? "Ninja kugyenda . . ." Mutareka kukora reero mukagira muti, "Niinyija kuguza buri kintu."

173 Omushaija akataahamu, eruguru hanu, ekiro kiriya, kuruga Obukizi-bwa-bumoshio bwa Carolina, obwo tutakarugireyo. Reero yaagira ti, "Ruhanga aheebwe ekitiinisa! Noobaasa kungambira omuntu mukuru omwe ahu ari?"

Kandi naagira nti, "Ngaaha."

"Oo, eego, sebo," yaagira ati, "omushaija ogu aine e . . ." Yaagira ati, "Omushaija ogu ni purezidenti wa Audio Mission."

Naagira nti, "Niki?"

Yaagira ati, "Audio Mission."

Naagira nti, "Tindikwetegyereza."

Kandi yaagira ati, "Oo," ati, "omushaija ngu ni purezidenti."

Naagira nti, "Waagizire ngu eiziina rye n'oha?"

Yaagira ati, "Branham, niinyikiriza. Ekintu ekiri nk'ekyo, Brown nari Branham."

Naagira nti, "Mpaho, eiziina ryangye ni Branham."

Yaagira ati, "Niiwe purezidenti wa Audio Mission?"

Naagira nti, "Ngaaha, sebo."

Yaagira ati, "Mbweni, Okutegyeka kwa Kristo kw'Emyaka Rukumi kurahe?"

Naagira nti, "Tindikumanya."

Yaagira ati, "Ahabw'enki, ori e . . . No-noomanyisa ngu kwa-kwa-kwatandikire hanu, kandi torikukimanya?"

Naagira nti, "Ngaaha, sebo, tindikukimanya."

Yaagira ati, "Mbweni, Ruhanga aheebwe ekitiinisa!" Ati, "Nyine bamwe-bamwe ahari banywani bangye abaizire bakangambira," kandi yaagira ati, "Ndugire aha murimo." Nabwo akijwaire ebijwaro bye by'emirimo. Yaagira ati, "Ow'eishe-emwe, niinyenda okwo Kutegyeka kwa Kristo kw'Emyaka Rukumi."

Kandi naagira nti, "Mpaho, ni-niinyikiriza ngu obuzabuziibwemu kakye, tikwo ori, ow'eishe-emwe?"

Nk'ago magingo emotoka yaija, emotoka ya takisi. Omukazi yaagira ati, "Rindaho kakye! Rindaho kakye! Rindaho kakye!" Omukazi mukye yaarugayo aho, yaagira ati, "Hati waaza kushabira ibanyi."

Naagira nti, "Eego, nyabo. Ni-niki?"

Omukazi yaagira ati, "Mpaho, niinyetegyereza ngu oshemereire kutegyereza okwezi kugira ngu obuuzibwe otungye obuhabuzi, mwareeba, obone kushabirwa."

Kandi naagira nti, "Niki?"

Kandi omukazi ogwo yaagira ati, "Eego, sebo." Ati, "Kwonka ndi nk'oyehweire amatsiko. Oshemereire kushabira ibanyi."

Naagira nti, "Buzima. Arahi? Mureete hanu."

Ogu mushaija ayemereire aho, naareeba kuri, yaagira ati, "Oshabira abarwaire, naiwe?"

Naagira nti, "Eego, sebo."

Yaagira ati, "Waagizire ngu eiziina ryawe ni riiha, Branham?" Naagamba. . ."Haza torikumanya ekintu kyona ekiine akakwate aha Kutegyeka kwa Kristo kw'Emyaka Rukumi?"

Naagira nti, "Mpaho, ni . . . Ngaaha, tindikukimanya." Naagira nti, "Ti-tindikukyetyegyereza. Kuri omu Baiburi honyini."

Yaagira ati, "Ngaaha, ni hati hati. Abantu barugire buri hamwe."

Naagira nti, "Erahi?"

Yaagira ati, "Jeffersonville, Indiana, ahaifo y'orutindo honyini."

"Sebo, wantangaaza, munonga." Kandi naagira nti, "Tinyine ekintu kyona eki ndikukimanyaho." Naagira nti, "Reka tutaahemu reero tushutame. Obundi nitubaasa kugamba aha kintu eki." Tukakikora, mwareeba.

Muta, muta, nimureeba, banywani, mutaryetenga obuheereza. Nimumanya eki ndikumanyisa. Mwareeba? Nimwija kuba gye munonga oku muri. Mwareeba? Imwe mugumirizemu kimwe mugyende omumaisho.

174 EKIBUUZO: Ahanyima y'Okutwarwa kw'Omugore, ni ryari obu ekanisa, eyaabaire eshemereire kuraba omu bunaku bw'Okubonabona, eryemerera omu rubanja? (Terikwemerera omu rubanja . . .) N'Okutegyeka kwa Kristo kw'Emyaka Rukumi kutakabaireho nari ahanyima yaakwo? Ahabw' "ekanisa ego." Oo, ninshaba ngu munsaasire. Munsaasire, weena ohandiikire eki. "Ni ryari obu ekanisa eri . . ." Ahanyima y'Okutwarwa kw'Omugore, ni ryari obu ekanisa, eyaabaire eshemereire kuraba omu bunaku bw'Okubonabona, eryemerera omu rubanja? N'ahanyima nari okubanza . . .?

Ahanyima! "Abafu abandi abaatsigaireho bo tibagarukire kuba abahuriire okuhitsya ahi emyaka rukumi yaahwereire," abo abataragyenzire n' Omugore. Reka tureebe:

175 Ogambre kaangi ngu obukomyunisiti Ruhanga niwe yaabwimukizeho, kuhikiiriza ekigyendererwa Kye,

nk'Omugabe Nebukadeneeza. Hati ni nkahi ahu obukomyunisiti bwataahire gye omu kishushani ekiryajia . . . eki aha muheru . . . kirikora aha muheru? Nikihendera kita? Abeegire baingi nibaikiriza ngu obukama bw'obukiizi bwa bumosho, Googi na Magoogi obugambirweho omu Byahandiikirwe, nibushuma kurwanisa Israeli omu-omu . . . (Tindikubaasa kwetegyereza eki ekyo kiri. Yee. Yee.) Niinyikiriza, ahari . . . zimwe aha ntambi z'amaraaka ezikwatsirwe, zikagira, okagira ngu aha muheru bukaba nibuza kunaga e . . . ngu obukomyunisiti aha muheru bukaba nibuza kucwekyereza Obukatoriki, nari Vatikani, n'okubaruka. Eki kihikire?

Eego. Okushuururwa 16, noija kukibona, kandi n'Okushuururwa 18:8 na 12. Omuntu ogwo ku araabe ari hanu, arikwenda kutwara ekicweka ky'akapapura aka, ahari ekyo, noobaasa kukisherura. Yee. Mwareeba, "Ai bambe, ai bambe orwo rurembo orukuru! Ahakuba omu shaaha emwe ruhikire aha muheru gwarwo." Nimureeba, abashuubuzi na buri kintu ekindi, abaareetsire eby'okushuubura bye. Nikija kubaho. Ekyo kihikire. Kandi muta . . .

Fa kurugamu, obukomyunisiti bukwebe. Mwareeba? Ti kintu kureka ekibiina ky'a-ky'abantu abatari kintu kureka ebizahambuki ebi-ebitatiina Ruhanga. N'entwaza. Ka ngire eki naabooreka, mboorekye kwonka oku kiri ekyanguhi. Ahabw'enki, hariho ekicweka kimwe ahari kikumi kya Russia yoona ekiri obukomyunisiti. Nibeetenga entumwa. Mwareeba? Ekicweka kimwe ahari kikumi; obwo, ebicweka makumi mwenda na mwenda ahari kikumi na hati bakiri aha rubaju rw'Abakristaayo. Ekicweka kimwe ahari kikumi, mbwenu nikibaasika kita ekicweka kimwe ahari kikumi kutegyeka ebicweka makumi mwenda na mwenda ahari kikumi? Ekyo kishemereire kukibashoboororera, aho aho. Kuri Ruhanga atarakiikiriize, ahabw'enki, mpaho, bakaabaire baanagirwe aheeru ira munonga. Mwareeba? Buzima.

176 EKIBUUZO: Ow'eishe-emwe Branham, okagira ngu Rooma ekaba neeza kutwara gavumenti y'Abayudaaya aha muheru gw'emyaka eshatu n'ekicweka. Egyo neeza kuba e-emyaka eshatu n'ekicweka ey'okubanza y'Okubonaboona, nari neija kuba emyaka eshatu n'ekicweka ey'aha muheru? Eki kihikire?

Eryaba egoo myaka eshatu n'ekicweka ey'aha muheru. Ekyo kihikire. Teri ey'okubanza, 'habw'okuba yaaherize kuhingura. Nyine ekindi kimwe ahanyima y'eki:

177 EKIBUUZO: Ow'eishe-emwe mugyenzi wangye omukundwa, Eliya wa Malaki 4: 5 aryaza omu ihamba, nk'oku ekitabo ky'Abagabe Eky'okubanza 17 kitugambira Eliya ondijo oku yaakozire?

Mbwenu, buzima tinkaagira ngu naaza kukikora, ngu naaza kuza omu ihamba. Kwonka aryaba eki, nimureeba, akaba ari . . . Elisa na Eliya, mwetegyereize? Abashaija abarikukira obwingi abari batyo n'abashaija abeetaanisa; bo, nibeetaanisa n'abantu. Tibari b'obutoosha. Tibakwatanisa n'abantu munonga.

Nimwetegyereza oku Elisa yaabaire ari, na Eliya, na Yohaana Omubatizi, kandi n'ogwo muringo gw'omwoyo ogwo, nimureeba. Kandi tibari . . . We-we, niinyikiriza omushaija ogwo aryaba enkunzi y'ehamba, kandi obundi atuure omu ihamba. Kwonka, hati, kugira ngu naaza kuba orikutuura wenka kandi atuure omu ihamba, ekyo tindikukimanya. Obumwe n'obumwe bakakikora. Elisa tarakikozire, kwonka Eliya akakikora. Reero, Yohaana, aka-akatuura omu ihamba.

178 Kandi, kigumire kugamba, baanabi aba abandi, ku baraaruge omuri Buyudaaya okwo, tindikumanya ahu barituura. Nibabaasa kutuura aha kabungo ahantu nanka. Nari-nari, eki barikora omu biro by'obunabi bwabo, ti-tindikumanya eki barikora. Kwonka nimu . . . Eki ndikugyezaho kugamba n'eki. "Bo, nibaija, nibaija kuba e-e-e . . ."

Nibateeraho kubuuza bati, "Baryaba abatuuzi b'omu ihamba?" Mpaho, bakaashemereire kuza omu bukiizi-bwa-bumosho bwa British Columbia kutunga eihamba eririkumara kutuuramu hati, ahantu nanka, nimureeba. N'ahabw'ekyo aryaba omuntu . . . Eihamba ryona ritemirwe. Mwareeba? Tihaine eihamba ringi eritsigaire. Mwareeba? N'ahabw'ekyo, ekintu kimwe kyonka, ba-bakaabaasa kuba enkunzi z'ehamba, mwareeba, kandi obundi batuure munonga omu ihamba, kandi baryaba . . . Nimubaasa kwetegyereza obuhangwa bwabo, n'obwo obw'okuteshengyereza, mwareeba, kandi nimwija-nimwija kukimanya ku kiraije. Mwareeba? Nimwija kukireeba; nimu-nimureebera kimwe.

179 Hati, hanu hariho kimwe, tindikumanya oku ndaakikwateho. Kandi nyine ekindi enyimaho y'eki, reeru ninza kubashaba kwemereza orutambi rw'amaraka nk'edakiika.

EKIBUUZO: Ruhanga ku araabe ari omuperesona omwe, ahabw'enki nari Akabaasa ata kwegambira We wenka aha Rushozi rw'Okuhindurirwaho?

Mpaho, ekyo naaherize kukishoboorora, nimureeba. Mwareeba? Nkaayenzire ngu mbabuuze eki. Naaza ku . . . Obu Yesu yaashaba Ishe, nimureeba. [Ow'eishe-emwe Branham yaatandika kugamba n'ow'eishe-emwe omu bateeraine -Omur.] Niinyikiriza ngu oine okubatizibwa kw'Omwoyo Orikwera. Tikwo, ow'eishe-emwe? Noobaasa kwemerera nk'edakiika emwe. Noogira ngu oine Omwoyo Orikwera? [Ow'eishe-emwe yaagira ati, "Eego, sebo."] Mwine, naanye. N'ahabw'ekyo, ekyo niki? N'ahabw'ekyo tindikugira ngu nyine e-nyine obushoboorozi omuriinye kushwekuura enaama ezi. Tinyine obushoboorozi bw'okutambira abarwaire. Ni Ruhanga. [Ow'eishe-emwe Branham yaagumizamu kugamba n'ow'eishe-emwe omu bateeraine -Omur.]

Niinyikiriza ngu ori omuheereza. Ku ndaabe ntashobize, nooruga Arkansas. Ni kirungi, hati. Kandi omuriyi,

oine, harimu-harimu okubuurira Engiri. Nka burijo, okakurira omu iriisizo n'okwetooroora batyo. Tihaine eki orikukimanyaho; kureka Ekintu kikakwijamu, ky'okubuurira Engiri. Ekyo torikukyegambaho ngu ni ahabwawe wenka, na kakye. Ogwo n'Omuntu ondiijo, orikwetwa Omwoyo Orikwera. Ekyo kihikire? [Ati, "Eego, sebo."] Ni kirungi. [Ow'eishe-emwe Branham yaagumizamu naagamba n'ow'eishe-emwe omu bateeraine -Omur.]

180 Hati niinyenda kukubuuza. O . . . Omwoyo Orikwera ogwo naatuura omuriyi. Ekyo kihikire? [Ow'eishe-emwe yaagira ati, "Ekyo kihikire."] Noogamba Nawe? [Ati, "Eego, sebo."] Ogamba Nawe? Omushaba? Ni kirungi. Ekyo nikyo kyonka eki ndikwenda. Yebare, munonga. Mwareeba? Hati mwakyetegyereza? [Abateeraine baagira bat, "Amiina."-Omur]

Ninza kubabuuza kimwe. Kikaja kita ngu obu . . . Yesu, omu kitabo kya Yohaana 3, Akagira ati, "Obu Omwana w'omuntu aribaho, niwe hati ori omu Iguru." Mwareeba? "Hati ari omu Iguru; aryaga- . . . aryaija omu nsi." Mwareeba? "Omwana w'omuntu hati ori omu Iguru," kandi ngugu hanu akaba Ayemereire aho honyini naagamba n'omuntu ogwo. Hati ngarukamu ekyo.

Yesu na Ishe bakaba bari Omuntu ogwo omwe. Nikyo kimwe nk'Omwoyo Orikwera ori omuriinye; nimundeeba nimbuurira, kwonka tiinye. Tiinye orikubaasa kugamba ekigambo ekirikubaasa kureeta, nk'oku murikumanya, enyamaishwa; ekashutama aho kandi okagireeba, reero okaita egoy nyamaishwa kandi okagirya. Obwo n'obushoboorozi bw'okuhanga. Obwo tiburi omu muntu.

181 Tiinye owaakubaasize kukwata omwojo muto hanu, abyami . . . Baadokita bamubyamiise agarami, aine oburwaire bw'omutima, ogu mwabazyo. Reero ngire nti, "Oku nikwo William Branham arikugira"? Ngaaha. "OKU NIKWO MUKAMA ARIKUGIRA, kihweire." Kandi omushuumye owa dokita, ekiro ekyakurataho, kandi bwona burugireho.

Omwana oine ekookoro y'eshagama, okuhitsya obu amaisho ge gamuhweire omu mutwe, kandi ari waakinekye weena, enda; okuhitsya obu barikumutwara omu irwariro, kumutamu eshagama n'ebindi, okuhitsya n'aha kumureeta hanu. Kandi omu bwire bw'edakiika itaano, aririre omugaati ogurimu enyama! Kandi bamugarure owa dokita, ekiro ekyakurataho, kandi atabaasa kushangamu oburari bwayo. Ekyo ni "Oku nikwo William Branham arikugira"? Ekyo ni "OKU NIKWO MUKAMA ARIKUGIRA!" Kwonka kandi, N'omuntu ow'omutaano ahariinye, kureka omuringo gwonka ogu Arikweyorekyeramu n'okurabira omuriinye. Mwareeba?

Okwo nikwo Yesu na Ishe baabaire bari. Yesu akagira ati, "Emirimo ei nkora Tiinye ogikora; ni Tata otuura Omuriinye." Hati, "Omwana w'omuntu aryashuma kuruga omu Iguru, hati ori omu Iguru." Mwareeba? Kikaba kiri ki? Akaba ari ori hoonahoona ahabw'okuba akaba Ari Ruhanga.

182 Hati, eki ekindi, ni . . . [Ow'eishe-emwe Branham yaateera enkomyo n'orukumu rwe rimwe -Omur.] Niinyenda kugamba ebigambo ebi. Shoboorora eki obaire noogambaho . . . [Omwanya oguriho busha aha rutambi rw'amaraka. Haine ow'eish-emwe owaagambira omu bateeraine.] Yebare, Taata Ruhanga. Nitukusima ahabw'Omwoyo, w'okubaho Kwawe hanu. Kandi nitugambirwa, Taata, ngu obunaku bumwe, omu-omuzigu ku yaabaire naataahamu, kandi Omwoyo akashuma aha mushaija kandi yaamuragurira, kandi yaamugaambira. Kikata ebintu omu buteeka, ahu baamanyiire oku baraagyende kandi bakasingura omuzigu, kandi n'ah'okushanga omuzigu.

183 Kandi ninkusima, Taata, oguma Ori Ruhanga ogwo omwe Ou waabaire ori. Na hati okiri ogwo omwe. Tuhinduka, n'obusingye buhinduka, n'obunaku buhinduka, kandi n'abantu bahinduka. Kwonka Iwe tohinduka. Entwaza Zaawe nizo zimwe. Embabazi Zaawe nizo zimwe. Emirimo Yaawe niyo emwe. Ahabw'okuba neetangaaza, kandi ehangwire obwengye bw'omuntu bwona okugyetegyereza.

N'ahabw'ekyo nitusiima, Mukama, ngu enaama Zaawe zisherekirwe omu mitima y'abaheereza Baawe. Kandi tushemereirwe munonga ahabw'eki, Mukama. Kandi ka tuyende omumaisho nk'Etabaaza ezirikwaka, ku . . . kuruga omu mwanya kuza omu gundi, kandi nitugyezaho, na rukundo, oku-okutaasyamu abandi; kugira ngu tukaabaasa kushohesa akatimba omuri buri nshonda nkye, kandi tutegye obutimba, okuhanya ngu twakwata buri ky'enyanja ekiri Ekyawe. Kandi bwanyima Omwana gw'Entaama aryatwara Omugore We, kuguma aha rubaju Rue obutwire bwona. Tutegyereize obunaku obwo, omu Iziina rya Yesu Kristo. Amiina.

184 Ni bangahi abarwaire abari hanu, ka tureebe emikono yaanyu. Mpaho, nikireebeka kuba nka . . . Mugarukye mwimutsye emikono yaanyu. Nka omwe, babiri, bashatu, bana, bataano, mukaaga, mushanju, munaana, mwenda, ikumi, ikumi n'omwe, ikumi na babiri, ikumi na bashatu, ikumi na bana, ikumi na bataano, ikumi na mukaaga, ikumi na mushanju ikumi na munaana, ikumi na mwenda, makumi abiri . . . [Ow'eishe-emwe Branham n'omuntu ondi baagumizamu kubara batarikugamba emikono eri ahaiguru -Omur.] Makumi ana na mushanju, nka makumi ana na mushanju. Ni kirungi. Ni shaaha itaano n'ekicweka. Nitubaasa kushabira abarwaire amagingo aga; tamu ogu mwabazyo aha-aha. . . . Nimiwija, ekyo mukaayenzire kukikora? [Abateeraine baagira bat, "Amiina."-Omur.] Niinyikiriza amagingo aga bukaabaire obunaku burungi bw'okukikora. Niinyija kubagambira ahabw'enki: Omwoyo Orikwera, oyemereire hanu omunda, naatushukaho amajuta.

Hati, ekiine akakwate ahariitwe kutaaha omu Mwoyo ogwo hati, mwareeba, kandi nimureeba Ekintu ekyo, nimumanya ngu ekyo Kintu-ekyo Kintu kiriho, mwareeba. Kandi ku mwakubaasa kwikiriza, mushemereire

kukiikiriza hati. Mwareeba? Ku muraabe muri ab'okukiikiriza, ni hati.

185 Hati, nitwenda ngu mwije mporampora munonga. Kandi murekye abo abari omu kahanda ka rwagati aho, abaimukize emikono yaabo, bateere entambwe baze omu kahanda karwagati aka, kandi bwanyima bashuume orubaju oru. Reero tubaakiire, akahanda ka rwagati aha kandi. Kandi ni nka makumi ana na bataano-makumi ana na bataano, makumi ana na mushanju; tikirikuza kutwara obwire burangwa.

Naaza kushaba Ow'eishe-emwe Neville yaaba araije, akeemerera hanu naanye, kandi twaza kubashabira. Eky'okubanza, abo abarikwija omu kahanda ka rwagati, mwemerere hati nk'edakiika, nikwo tubaase kubashabira hanu kandi tute emikono ahari buri omwe. Hati, ekyo kihikire, buri muntu weena orikuza kutaaha omu runyiriri rw'ab'okushabirwa, mwareeba, abo abarikuza kwija omu runyiriri rw'ab'okushabirwa. Mwareeba?

Hati-hati, mwareeba, kurinda obwire, nikwo tuhamye okukitunga, twaza kubashabira hati.

186 Mureebe, banywani. Hati reka nkibashoboororere. Yesu Kristo akagamba eki ati, "Obumanyiso obu buryaguma nibureebwa omu barikwikiriza."

Hati mureebe. Taragizire ati, "Ku baribashabira." Ati, "Ku barita engaro aha barwaire, baryakira!" Kandi Ruhanga ku araabe naabaasa kwihamu oburwaire obutatambwa bw'ekookoro y'omu shagma, kandi omuhara muto otarikubaasa kwikiriza ahabwe wenka, kandi ekintu ekyo akakiikiriza kimwe; ku Yaakubaasa kukwata omurwaire owaakurataho, omwojo mukye okuzire, kandi akamukiriza kimwe okuhitsya obu baadokita batarikubaasa n'okushangamu endwara ey'omutima n'engingo erikukira kubandizibwa okurwara amaraka omu shagma ye nari ekindi kintu kyona; Naabaasa kukukorera ki? Hati, abo baana bato munonga, tibarikumanya eki okushaba kuri. Kwonka naabataho engaro kwonka, kandi kyakikora. Nitubaasa kukyetegyereza.

187 Hati, mwemereire, okushaba hati. Tataitwe ow'omu Iguru, n'Okubaho Kwawe kwingi kuri hanu, Omwoyo Orikwera w'amaani, Ogwo ou twine ekishushani Kye, Ogwo ou tushoma omuri Baiburi, Ari hanu amagingo aga. Naayeshuuruurira omu mubiri gw'omuntu.

Ka tumureebire Atarikuremwa n'omurundi na gumwe, omu myaka mingi, okubaasa kushuuura ebiteekateeko byonyini by'omu mitima y'abantu, kushuuura ekibi eki baakozire, okubagambira buzima ebyabaireho kandi n'ebiribaho, kitarikuremwa n'omurundi gumwe! N'ahabw'ekyo, nitumanya ngu Ruhanga wa Abrahamu, Isaaka, na Israeli, akiri Ruhanga na hati, omu Muntu Yesu Kristo.

Kandi hati ahabw'Omwoyo We kushuuma naaruga omu Iguru, ahansi y'Eshagama eyaasheeshirwe aha Musharaba, neeshuuma omu bantu, okumureetera kweyoreka We wenka omu mibiri y'abantu kakyeho ensi etakookiibwe; Omwoyo Orikwera mukuru ajwekyeirwe omu mibiri y'abantu. Abantu abo abakundwa abaayakiira ekitambo ky'Eshagama, kandi n'Omwoyo Orikwera arikutaaha omu magara gaabo; Ruhanga, ajwekyeirwe omu mubiri.

188 N'ahabw'ekyo, tigukaaba omubiri gw'obuntu, kukora ekikorwa, nk'omu kubatizibwa nari n'ebindi nk'ebyo, hamwe n'okutumwa, ngu, "Obumanyiso oburiguma nibureebwa omu barikwikiriza n'obu." Ahabw'okuta engaro aha barwaire, Omwoyo Orikwera akaba naaza kuhamya ngu baaba gye, ku baakwikiriize.

Hati, Taata, nitumanya ngu ebintu ebi n'amazima. Abantu aba abeemereire, nibaza kuraba ahansi y'engaro z'abaheereza abaatungire Omwoyo Orikwera ogu, kandi beeteekateekire, Mukama, okuta engaro aha barwaire. Kandi nitumanya, Taata, ngu abantu aba ku baraikirize kwonka! Nk'oku buri Kigambo eki Waaragaaniise, nikiteekwa kubaho, nikwo na... Kandi tikirikubaasa kubaho hatariho kwikiriza, ahakuba tikirikubaasika kushemeza Ruhanga hatariho okwikiriza. Titurikubaasa kukikora.

Kandi hati twine okwikiriza, nitwikiriza, n'okuragaanisa oku kuri omu maisho gaitu, n'Obumanyiso bwa Baiburi butushuuuriirwe, ngu Ruhanga ahikiiriza Ekigambo Kye! K'abantu aba abakundwa, abarwaire, Mukama, ... kandi okukwatwaho kwangye ahabw'abo, nk'omuntu ori omu mubiri ogufa nk'ogwabo. Kandi hati ogwabo ... Omwoyo Orikwera ogwo omwe otuura omuriitwe, Mukama, atuura omuribo. Kandi nitusaasirana. Kandi turikumanya ngu Endagaano ensya omu Shagma ensya ... Eya ira ku eraabe yaahaire okutambirwa, mbwenu shi egi "ensya kandi erikukiraho" eryakora ki? Taata, ka kibe kityo, ngu abantu aba bataija kuremwa, kureka batungye okutambirwa kwabo baaba nibaraba ahansi y'engaro z'abaheereza Baawe, kurabira omu Iziina rya Yesu Kristo. Amiina.

189 Hati-hati, nituza, orubaju oru niruza kuba rushutami, obwo orubaju oru rurikwija. Kandi bwanyima orubaju oru nirwija kugarukayo, reero orubaju ruriya ... Hati, bamwe omuriimwe ab'eishe-emwe hanu, abaraije kwemerera. Niinyikiriza ngu muri abaheereza imwe abari hanu, imwe mwena abari aho. Dokita arahi, Ow'eishe-emwe Ned? Waaba nooza kuba omu runyiriri rw'ab'okushabirwa, Oweishe-emwe Ned? [Ow'eishe-emwe Ned Iverson yaagira ati, "Eego. Nyemereiremu ababw'omuntu ondijo -Omur.] Ni kirungi, Ow'eishe-emwe Ned. Ni kirungi. Ahonaaho waaherza kushabirwa, otaahire kimwe omu runyiriri.

Hati reka aba abari aha rubaju oru hanu, babe bashutami akaanya kakye, kandi ninza kutwara abo kuruga aha rubaju oru. Bwanyima, obwo nituza kushuuma reero tutware ab'omu kahanda ka rwagati, kandi tubagarureyo aha rubaju oru. Bwanyima tutware akahanda ka rwagati aka, kandi tuboohereze kurabira orubaju oru, kandi nituza

kushabira buri omwe.

Ninza kushaba Ow'eishe-emwe Teddy . . . Ari nkahi? [Ow'eishe-emwe Teddy Arnold yaagira ati "Hanu honyini." -Omur.] Ni kirungi. Niinyenda ngu oteere aha nanga aho ekyeshongoro, "Omufumu mukuru hati ari haihi." Kandi omuteezi wa piyano, ahu bari hoona, mumwegaiteho, mwaba nimubaasa.

190 Muhurikize, nimwijuca obwire ahu ekyo kyabaire nikiteerwa aha nanga, reero omwojo muto akareetwa aha kituuti? Omwishiki muto w'omu Amish arikuteera aha nanga ekyeshongoro, "Omufumu mukuru hati ari haihi."

Ogwo mwishiki akaba aine, eishokye eririkwiragura riraingwa, nari-nari ririkushusha n'ebinyaatsi ebyomire, nimmanyisa, omu Mennonite nari omwishiki w'omu Amish, omwe, abyami agarami.

Kandi Omwoyo Orikwera yaashuma ahari ogwo mwojo muto, ahabw'okumutaho engaro kusha, aremaire omu bigyere bye. Kandi yaaguruka yaaruga omu mikono yangye, reero yairuka ahansi aha kituuti. Nyina yaimuka, kandi yaagwa enyima; eky'okubanza, niinyikiriza, n'omukazi omu Mennonite.

Kandi Omwoyo wa Ruhanga yaashuma aha mwishiki muto ogu omu Mennonite, nari omu Amish, ou yaabaire ari weena. Ishe kandi n'abo bashutami aho, baine e . . . bajware ebijwaro byabo, nk'aba Mennonite, nari eki baabaire bari kyona. Reero ogwo mwishiki yaaguruka aha piyano, n'emikono ye agyereerize omu mwanya. Kandi eishokye ry'ogwo mwishiki rirungi ryajanjaara; yaashusha nka Maraika. Yaatandika kweshongorera omu Mwoyo; kandi ogwo mwishiki ku yaakozire ekyo, piyano yaagumizamu neeyeteera erikweshongora, "Omufumu mukuru hati ari haihi, omusaasizi Yesu."

191 Buri muntu ayemereire aho, enkumi, nibareeba ahari ago mashumi g'enanga nigaza ahaiguru n'ahansi nigateera ekyeshongoro, "Omufumu mukuru hati ari haihi, omusaasizi Yesu." Abantu bakaimuka baaruga omu butebe bw'abarema, aha butanda oburukizingwa bw'abarwaire, obutanda bw'okutwariraho abarwaire, baagyenda nibatambura. Mukama ogwo omwe Yesu ari aha honyini, akasheeshe aka, ogwo omwe nk'oku Kyabaire kiri obwire obwo.

Mufe kwikiriza hati. Teera aha nanga ekyeshongoro ekyo, waaba noobaasa, Omufumu Mukuru. Hati ka buri muntu ashabe. Reka bagyendere kimwe barabe omu kishengye, bagyendere kimwe orubaju oru, kandi ogumizemu omu ntebe yaawe nari hoonahoona ahu orikwenda kuza, waaba noorabaho. Enyima okwo mwakihurira gye? Ni kirungi. Nikwo, ogarukire kimwe omu ntebe, n'ahabw'ekyo nituza kwimuka.

192 Hati muhurikize. Aba baaba nibashabirwa, mubashabire. Reero mwaba nimushabirwa, nibaija kubashabira. Hati, imwe baheereza 'mwe abari hanu, mwemerere. Kandi niinyenda ngu mute engaro ahari aba baaba nibarabaho.

Hati, buri omwe, emitwe mugiinikire, kandi mugume emitwe yaanyu mugiinikire. Mugume nimushaba. Kandi mwaba nimurabaho, obunaku obwo muteho . . . bakuteho engaro. Mwijukye, n'okuragaanisa kwa Ruhanga ogwo oshuuura enaama z'omu Kitabo Kye, enaama z'omu mutima gw'omuntu. Niwe Ruhanga ogwo oraije kuhamya ekyo, ku muraakiikirize. Mwareeba? Hati buri muntu agume omu kushaba. Hati imwe abaheereza bagyenzi bangye mwemerere hanu, mwaba nimubaasa. Ni kirungi, reka twinikye emitwe yaitu.

Hati, Mukama Yesu, abantu aba baaba nibaija, k'Amaani ga Ruhanga Ow'obushoboorozi bwona gaheereze amagara okwikiriza kwabo ahonaaho baaba nibarabaho, byona omu Iziina rya Yesu.

Hati, ni kirungi, reka orunyiriri rutandikire orubaju oru. Ninshaba buri omwe, mubateho engaro, imwe baheereza 'mwe, baaba nibarabaho.

193 [Ow'eishe-emwe Branham n'abaheereza baatandika kushaba n'okuta engaro zaabo ahari buri muntu orikuraba omu runyiriri rw'ab'okushabirwa, obwo omuteezi w'enanga naagumizamu kuteera ekyeshongoro Omufumu Mukuru-Omur.]

Omukama Yesu!

Ninkutaho engaro, omu Iziina rya Mukama Yesu, ow'eishe-emwe mugyenzi wangye.

Omukama Yesu!

Ruhanga, kiheereze ow'eishe-mwekazi mugyenzi wangye, Rosella, omu Iziina rya Yesu.

Omukama Yesu Kristo!

Omukama Yesu Kristo!

[Ow'eishe-emwe Branham yaagambira ondi ati, "Guma aha, guma nooreeba ekyo okuhitsya obu orunyiriri ruraahwe." -Omur.]

Omukama Yesu! . . . ? . . .

Mwijukye, n'Omucureezi. Mwije n'obucureezi.

[Ebigambo by'Ow'eishe-emwe Branham hanu nibihurirwa omu bicweka kwonka, kandi tibirikumara kuhandiika ekiteekateeko kyona ekigambirwe. Orunyiriri rw'ab'okushabirwa nirugumizamu hanu kumara edakiika mukaaga na sekenda makumi abiri na itaano -Omur.]

194 [Omwanya oguriho busha aha rutambi rw'amaraka. Ow'eishe-emwe Billy Paul Branham yaaza aha muzindaaro kandi yaagira ati, "Bantu 'mwe nimubaasa kugyenda mukaza enyima, nyaabura 'mwe? Bantu 'mwe abeemereire omuri ako kahanda ka rwagati y'ekanisa, nimubaasa kuruga omu kahanda ka rwagati haza mukagaruka enyima? Mugumizemu nimuza enyima, nyaabura 'mwe. Mwebare. Bantu 'mwe abari omu kahanda ak'ahagati, nimubaasa kwetooroora, naimwe?"-Omur.]

[Ebigambo by'Ow'eishe-emwe Branham hanu nibihurirwa omu bicweka kwonka, kandi tibirikumara kuhandiika ekiteekateeko kyona ekigambirwe. Orunyiriri rw'ab'okushabirwa nirugumizamu hanu okumara edakiika ibiri na sekenda makumi abiri -Omur.]

Yaakiira okutambirwa kwawe, ow'eishe-emwe, kuruga ahari Yesu Kristo.

Yaakiira okutambirwa kwawe, ow'eishe-mwe Mitchell.

Yaakiira okutambirwa kwawe, ow'eishe-emwe, kuruga ahari Yesu Kristo.

Yaakiira okutambirwa kwawe, ow'eishe-emwekazi, kuruga ahari Yesu Kristo.

Yaakiira okutambirwa, ow'eishe-emwekazi, kuruga ahari Yesu Kristo.

Yaakiira okutambirwa kuruga ahari Yesu Kristo.

Yaakiira okutambirwa kwawe, ow'eishe-emwekazi, kuruga ahari Yesu Kristo.

Yaakiira okutambirwa kwawe, ow'eishe-emwe mugyenzi wangye, kuruga ahari Yesu Kristo.

Yaakiira okutambirwa kwawe, ow'eishe-emwekazi, kuruga ahari Yesu Kristo.

Yaakiira okutambirwa kwawe, ow'eishe-emwekazi, kuruga ahari Yesu Kristo.

Yaakiira okutambirwa, ow'eishe-emwe mugyenzi wangye.

Yaakiira okutambirwa kwawe kuruga ahari Yesu Kristo.

Yaakiira okutambirwa kwawe, ow'eishe-emwe, kuruga ahari Yesu Kristo.

Yaakiira okutambirwa kwawe ow'eishe-emwe, kuruga ahari Yesu Kristo.

Yaakiira okutambirwa kwawe, ow'eishe-emwe, kuruga ahari Yesu Kristo.

Yaakiira okutambirwa kwawe.

Yaakiira okutambirwa, ow'eishe-emwekazi, kuruga ahari Yesu Kristo.

Yaakiira okutambirwa, ow'eishe-emwekazi.

Yaakiira okutambirwa, ow'eishe-emwekazi, kuruga ahari Yesu Kristo.

Yaakiira okutambirwa kwawe, ow'eishe-emwekazi, kuruga ahari Yesu Kristo.

Yaakiira okutambirwa kwawe, ow'eishe-emwe, kuruga ahari Yesu Kristo.

Yaakiira okutambirwa kwawe, ow'eishe-emwekazi mugyenzi wangye.

Yaakiira okutambirwa, ow'eishe-emwe.

Yaakiira okutambirwa kwawe, ow'eishe-emwekazi . . . ? . . .

Yaakiira okutambirwa kwawe, ow'eshe-emwekazi . . . ? . . .

Yaakiira okutambirwa kwawe, ow'eishe-emwe.

Yaakiira okutambirwa kwawe.

Yaakiira okutambirwa kwawe, ow'eishe-emwe . . . ? . . .

Yaakiira okutambirwa kwawe, ow'eishe-emwekazi . . . ? . . .

Yaakiira okutambirwa kwawe kuruga ahari Yesu Kristo.

Yaakiira okutambirwa kwawe.

Yaakiira okutambirwa, ow'eishe-emwekazi . . . ? . . . kuruga ahari Yesu Kristo.

Yaakiira okutambirwa. Yaakiira okutambirwa . . . ? . . .

Yaakiira okutambirwa, ow'eishe-emwe mugyenzi wangye, kuruga ahari Yesu Kristo.

Yaakiira okutambirwa.

Yaakiira okutambirwa, ow'eishe-emwekazi . . . ? . . .

Yaakiira okutambirwa okwo, omu Iziina rya Yesu Kristo.

Yaakiira okutambirwa okwo, omu Iziina rya Yesu. Amiina.

Yaakiira okutambirwa.

Yaakiira okutambirwa.

Yakiira okutambirwa kwawe.

Yakiira okutambirwa kwawe.

Yaakiira okutambirwa kwawe kuruga ahari Yesu Kristo.

195 [Ow'eishe-emwe Billy Paul Branham yaaza aha muzindaaro kandi yaagira ati, "Hariho ondijo weena orikwenda kuza omu runyiriri rw'ab'okushabirwa? Noobaasa kuzamu, nyaabura 'we. Ku haraabe hariho ondijo weena orikwenda kuza omu runyiriri rw'ab'okushabirwa, noobaasa kuzamu, nyaabura 'we." -Omur.]

Yaakiira okutambirwa kwawe, ow'eishe-emwe mugyenzi wangye, kuruga ahari Yesu Kristo.

Yaakiira okutambirwa kwawe, ow'eishe-emwekazi, kuruga ahari Yesu Kristo.

Yaakiira okutambirwa kwawe, ow'eishe-emwe, kuruga ahari Yesu Kristo.

Yaakiira okutambirwa kwawe, Ow'eishe-emwekazi Woods, kuruga omu ngaro za Kristo.

Yaakiira okutambirwa kwawe . . . ? . . .

Yaakiira okutambirwa . . . ? . . .

Yaakiira okutambirwa, Ow'eishe-emwekazi Roberson, okuruga omu mukono gwa Yesu Kristo.

Yaakiira okutambirwa, ow'eishe-emwe mugyenzi wangye, okuruga omu mukono gwa Yesu Kristo.

Yaakiira okutambirwa, ow'eishe-emwekazi . . . ? . . . , kuruga omu mukono gwa Yesu Kristo.

Omú Iziina rya Yesu Kristo, yaakiira okutambirwa kwawe.

Mutambire, omu Iziina rya Yesu Kristo.

Yaakiira okutambirwa, ow'eishe-emwekazi . . . ? . . .

Yaakiira okutambirwa kwawe, mutabani, kuruga ahari Yesu Kristo.

Yaakiira okutambirwa kwawe, ow'eishe-emwekazi, kuruga ahari Yesu Kristo.

Yaakiira okutambirwa kwawe, ow'eishe-emwe, kuruga ahari Yesu Kristo.

Ow'eishe-emwe Weerts, yaakiira okutambirwa kwawe, ow'eishe-emwe, kuruga ahari Yesu Kristo.

Ow'eishe-emwekazi, yaakiira okutambirwa kwawe kuruga ahari Yesu Kristo.

Yaakiira okutambirwa kwawe, ow'eishe-emwe . . . ? . . .

Ow'eishe-emwe, ahabw' Eiziina rya Yesu Kristo, yaakiira . . . ? . . .

Omú Iziina rya Yesu Kristo . . . ? . . .

Omú Iziina rya Yesu Kristo . . . ? . . .

Omú Iziina rya Yesu Kristo Mukama waitu, yaakiira okutambirwa kwawe.

Omú Iziina rya Yesu Kristo, yaakiira okutambirwa kwawe, ow'eishe-emwe mugyenzi wangye.

Omú Iziina rya Yesu Kristo . . . ? . . .

Omú Iziina rya Yesu Kristo, yaakiira okutambirwa kwawe, ow'eishe-emwekazi.

Omú Iziina rya Yesu Kristo . . . ? . . .

196 [Ow'eishe-emwe Billy Paul Branham yaaza aha muzindaaro kandi yaagira ati, "Nibo abo bonka abaaba nibenda kushabirwa hati?" -Omur.]

[Ow'eishe-emwe Lee Vayle yaagamba n'Ow'eishe-emwe Branham -Omur.] K'omukono gwa Mukama Yesu gukuhe, Ow'eishe-emwe Vayle, eki orikushabira omukundwa waawe, omu Iziina rya Yesu.

[Ow'eishe-emwe Billy Paul Branham yaagamba n'Ow'eishe-emwe Branham -Omur.] Billy Paul, nk'oku waaha zaakaada nyangi, hati yaakiira okutambirwa kwawe, omu Iziina rya Yesu Kristo.

Omufumu mukuru hati ari haihi,

Omusaasizi Yesu,

Emitima ehweire amaani Naagigambira okwesiima,

Oo, hurira eiraka rya Yesu.

Twena hamwe:

Eiziina erirkukirayo oburungi omu kyeshongoro kya baaserafi,

Eiziina erirkukirayo oburungi aha ndimi z'abantu,

Ekyeshongoro ekirikukirayo oburungi ekireeshongoirwe,

Ruhanga, ahabw'aba ababiri bato abarungi abu bareeta, omu nsi, omwe omu . . . ? . . . Reka batunge eki baashaba, Mukama, omu Iziina rya Yesu Kristo.

. . . ? . . . rya Yesu Kristo, reka omuntu ou munyaaitwe arikutekatekaho hati-hati, reka amaani ga Ruhanga gagyende n'okushaba okwo. Reka ashumuururwe. Kiikirize, Mukama. Amiina.

Mukama Ruhanga, omu Iziina rya Yesu, ikiriza okushaba kw'omushaija ogu. Niimushabira, Mukama, n'okushaba kwangye. Amiina.

197 Oo, eki teky'okutangaaza! [Abateeraine baayesiima kandi baagira bati, "Amiina." -Omur.] Niinyikiriza ngu buri muntu oizire hanu, akasheeshe aka, omu kushukwaho kwingi oku, ni-niinyikiriza ngu kuri no . . . Hati mutategyereza ebantu bikuru eby'amaani. Mwijukye okwikiriza ebantu ebyanguhi ebi Yaaragaanisize.

Hati reka twena tukigambire hamwe. Ti [Abateeraine baagira bati, "Ti"] turikusherura ["turikusherura"] ekintu ky'amaani. ["ekintu ky'amaani."] Kwonka, omu Iziina rya Yesu, ["Kwonka, omu Iziina rya Yesu,"] nitutunga okuragaanisa Kwe. ["nitutunga okuragaanisa Kwe."] Ekyo nikimara. Ekyo nikikiheza. [Abateeraine baagira bati, "Amiina," kandi baayesiima n'eiraka rihango -Omur.] Amiina! Ruhanga abahe omugisha!

